





626.466

V I T A

FRANCISCI MANERAE

SODALIS SOCIETATIS IESU

A B

Moisio Palumbo

EIUSDEM SOC. SOD.

SCRIPTA.



NEAPOLI

EXCUDERATUR TYPIS HAEREDUM MIGLIACCHII
ANNO MDCCCXLVIII.

La proprietà letteraria del presente opuscolo viene garantita
dalla legge.

LECTORI

Duo miraberis, amicissime lector, in hoc libello. Primum, quod hac tempestate Societati Iesu adversissima ego Iesuita de Iesuita scripserim; alterum, quod id fecerim latine. Verum ego admiratione tua non deterreor. Quoad enim primum, alte mihi in animo illud insidet, quod veritas neque serviat, neque servire temporibus debeat. Veritas namque superat tempora, neque vinci unquam temporibus potest, quantum haec illam opprimere conentur. Ea enim fidelem semper quempiam invenit historicum, cui se, suaeque committat. Eccur autem ego historicus illam proderem? At vero, inquires, uti prudentiae est veritatem manifestare in loco, ita et imprudentiae eam extra tempus exponere: tritum enim Terentianum est adagium, quod veritas praesertim extra locum exposita odium pariat (1). Atqui id mihi gloriosum accideret, ut osores mei iidem et osores essent veritatis; hacque de gloria mihi me gratularer. Verum haud extra locum narratam autumo hisce temporibus Iesuitae vitam. Id enim narratum praecipue putatur in loco, quod suo maxime servit σοτος. Iamvero quid hac tempestate commodius ad Iesuitae vitam explicandam offerri poterat, qua homines profligatissimi, ac perditissimi, omni

(1) Andr. Act. = I. sc. 1. v. 41.

quo possunt conatu, in Societatem Iesu invehuntur? Nonne Iesuitae vita, quae historica sit simplicitate enarrata, hisce nugivendis est apertissima refutatio? Neque heic illas repetas nugas, quibus blaterones solent fucum facere imperitis dictitantes, membra quidem Societatis nostrae esse integra, totum tamen corpus vitiis esse affectum. Mihi, qui Societatis indolem probe novi, isthaec obiectio semper movit risum. Praeter enim quam quod mente concipi nequit totum quodpiam vitiatum, integris eius partibus, vel totum aliquod integrum, eius partibus vitiatis, talis est Sodalitatis nostrae constitutio, atque ita membrum unum est alteri subiectum, arctissimoque vinculo colligatum, ut fieri nullo modo possit, ut unius vitia alterum non sentiat solum, sed et iis imbuatur, atque in eius medullis illa penitus inhaereant. Si talis ergo est Societatis nostrae indoles, id quod ipsimet non dissententur adversarii, qui fieri potest, ut homo in Societate quasi a puero enutritus iis non sit imbutus vitiis, quibus infectum Sodalitatis corpus venditatur? Atqui talis profecto fuisset Manera, cuius vitam explico. Is enim adhuc impuber Societati nomen dedit: fuit nostrarum institutionum diligentissimus custos, atque defensor acerrimus: sua omnia dictaque factaque ad unam legum nostrarum normam semper exegit. Paucis: Manera fuit Iesuita quam qui maxime. Si Societas ergo fuisset vitiosa, quonam fieri pacto potuisset, ut eius vitia Maneram vel invitum non inquinassent, qui ab ineunte adolescentia ad supremum usque diem Societatis leges, instituta, consuetudines, praecepta, monita, disciplinam mordicus adeo tenuit semper, atque custodivit? Cum igitur Sodalitatis vita enarratur, qui non modo iniustus So-

cietati notis caruit, sed fere omnibus abundavit virtutibus, nonne ea est hisce nugatoribus, ut ante dixi, aperta refutatio? Sed ad alterum caput, in quo me breviorum futurum spondeo. Scripsi latine, quod mens mihi fuerit serviendi viris praesertim doctis. Ab his enim parum, aut nihil esse timendum semper sum arbitratus. Deum nolebam Italiae finibus coangustari. Ecce enim ab legendis meis opusculis, qualia tandem cumque ea sint, externas vellem exclusas nationes? Iamvero latinus sermo ita nullius proprius est gentis, ut sit omnium communiis. Sed quod caput est, studium latinarum litterarum, quo vehementer incitor, ac desiderium, quo ardeo, ut latinitas provehatur, me impulit ad hanc vitam latine conscribendam. Scio equidem, me in tempora incidisse, quibus Itala iuventus falso patriae amore elata latinas, immo maternas litteras prope nihili facit. Quid ergo? Ab studio latinarum litterarum provehendo cessandum? Id plerique faciunt, desperata latinitatis causa. Verum ita ego faciendum nec sensi unquam, nec sentio. Immo quantum alii maternam Italiae linguam spernere connilentur, tantum ego eam provehere uti antehac conatus sum, ita et conabor. Si quid exinde apud praesentes assecuturus fuero, vix scio. Illud certe apud absentes, atque apud posteros adsequar laudis, quod ego in tanto latinitatis contemptu contra saeculi impetum iverim, ac latine scripserim. Haec tibi volebam, lector humanissime, prius manifestare, quam huius vitae lectionem aggrederere. Si mecum consentis, eam lege: sin dissentis, pone. Sic tibi consules, et mihi. Vale.

FRANCISCI MANERAE

SOD. SOC. IESU

V I T A

I. **A**s Cherio urbe in Subalpinis ad sextum ab Augusta Taurinorum lapidem, vetusta, et praeclaris factis illustri, Manerae familiam primum trans tulit Neapolim Franciscus Manera nostri Francisci avus anno aerae christianae millesimo circiter septingentesimo septuagesimo. Is brevi Neapoli debitum solvit naturae, filiumque aetate adhuc tene rum reliquit, cui nomen erat Marianus Nicolaus. Hic patre orbatus privignum nactus est Caietanum Montefuscum hominem probissimum, qui eum, ubi ad maturitatem pervenit, Laurae Galae honestae feminae nupsit. E Laura Marianus Nicolaus duos suscepit filios, quorum alium ad patris integran dam, ut fit, memoriam Franciscum nominavit, al terum vero Hyacinthum.

Manerae familia
Neapolim trans-
lata.

II. Franciscus igitur, cuius vitam explicare ag gredior, natus est Neapoli XIII. Kal. Sept. anno MDCXCXIII. Vix patrem cognoscere didicerat, cum eum amisit. Marianus enim Nicolaus florenti adhuc aetate decessit, cum vix annos tres supra triginta numeraret. Fuit vir spectatae virtutis, ingenuus, liberalis, industrius. Franciscus, amisso patre, commissus cum fraterculo Hyacintho fuit curae Caietani Montefusci, qui, ut diximus, patris erat pri vignus. Hic pueros ut pater alter diligebat, ac

Francisci ortus
ac studia puerilia

porro semper amore tenerrimo eos prosequi porrexit. Eius amoris pueri respondebant, eumque sicut alterum parentem observantissime colebant. Franciscus ubi e pueris excessit, prima italarum, latinarumque litterarum elementa didicit a Grammatico, atque in iis addiscendis praecox adeo, et experrectum explicavit ingenium, ut iam inde ab ea aetatula Caietanus de suo Francisculo non minima coniiceret. Annos vix decem natus ad humaniores litteras degustandas progressus est, eumque Michael Ricciardius probatae virtutis, ac litteraturae vir illis erudit. Postquam annos circiter quatuor ad humaniores litteras animum applicuerat, ad severiores philosophiae disciplinas gradum fecit, quas per id tempus Neapoli tradebat Franciscus Ferraiolus non mediocri cum iuventutis utilitate. Tum in litteris humanioribus, tum in philosophicis disciplinis Franciscus suum ingenium, suamque diligentiam ita Praeceptoribus probavit, ut illi multam de eo facerent rei litterariae expectationem. Si in quotidianis acroasibus salebrosum quid occurrisset, atque intellectu difficile, Francisco committebatur, ut illud suis verbis repeteret. Saepissime namque accidit, ut quod ab magistri ore acceptum vix discipuli tenent, id a condiscipulo auditum facile intelligant. Vix enim apprehenditur difficultas in iis, quae ab socio intellecta fuisse cognoscuntur. Francisci ingenium speculo assimilari poterat purissimo, quod quasvis rerum imagines ab magistris in schola depictas verissime referret. Sed quod miraberis, nullus pro hac adolescentuli praestantia in condiscipulorum animis invidiae erat locus. Neque id ex eo tantum, quod maxima ingenia invidiam omnem vincere soleant,

sed quod ipse facili quadam comitato, atque urbana animi demissione quasi parem se condiscipulis facere conaretur. Maxima vero in eo erat diligentia studiique amor. Quicquid otii vel ab auditionibus obeundis, vel ab aliis negotiis nancisceretur, id studiis totum dabat: in bibliothecas publicas se abdebat frequenter, ibique ad multam diem morabatur legens atque in adversariola referens, quae digna notatione animadverteret. In bibliothecis frequentandis facile sibi doctorum hominum consuetudinem procurabat, quam iam inde ab eo tempore solleter affectabat: neque id difficile illi unquam fuit pro ingenio, quo pollebat imprimis comi, atque urbano.

III. Sed non ex iis erat Franciscus, qui studiis perditae adeo deduntur, ut quae pietatis christianae sunt fere illis posthabere videantur. Immo quae de Francisci pietate per eam aetatem narrantur, vulgaria non sunt. Utque a puero rem repetam, is animum ad pietatem natura comparatum prae se gestare videbatur. Quidquid enim religionem saperet, puer cupidissime sectabatur: christianae disciplinae elementa a nutricula audita ita animo imbiberat, ut saepe ea multa cum audientium voluptate recitaret. Eius vero animus iam inde ab ea aetate commiseratione hominum, qui egestate premerentur, constringebatur vehementissime. Perhibent eum nondum decennem saepe se suis exuisse vestibis, easque seminudis pauperculis e fenestra proiecisse. Robustior factus in Sodalitium fuit cooptatus, quod in aula maxima aedium archiepiscopaliū ab ingenuis quibusve adolescentulis frequentabatur, regebaturque a Gabriele Vottio Sacerdote de religiosa adolescentium institutione be-

Qui pueros in
pietatem anima-
tus.

ne merito. Hic primus Francisci conscientiae arcana habuit manifesta, eiusque animum ita ad pietatem informavit, ut is brevi profana fastidians devovere se ministerio Ecclesiae desideraverit. Quare de clericali habitu induendo cogitavit. Quod ubi suis institutoribus manifestavit, hi non probarunt modo, sed et cum ad tenendum propositum vehementer excitarunt. Tenuit, dumque clericale tyrocinium posuit, sociis exemplo fuit eximio modestiae ac probitatis.

Eius clericalis educatio.

IV. Est Ncapoli apud Congregationem ab S. Vincentio a Paulo institutam pia quaedam clericorum iuvenum sodalitas, quam illi festa quaque die non sine multo animarum emolumento solent celebrare. Ibi enim in plerisque religiosarum virtutum actibus se pie exercent, institutionemque dignitati, ad quam adspirant, accommodam suscipiunt. Namque et quo se gerere modo debeant, ut clericum decet, edocentur, et sacros ritus, quibus posthac erunt operaturi, apprime discunt. Hanc clericalem sodalitatem Franciscus frequentare coepit, et pro assiduitate, ac diligentia, qua officia sibi commissae obibat, moderatoribus erat carissimus. Eum diligebat prae ceteris Petrus Aloisius Braidia homo in discernenda clericorum iuvenum probitate perspicax. Hic quantum Francisci animus ad virtutem omnem imbuendam esset factus brevi cognovit. Quare eum virtutibus omnibus, quae clericum honestant, peculiari studio sumpsit instituendum; et Franciscus tanti magistri curis ita respondit, ut priusquam triennii tyrocinium absolveret, sacro tonderi ritu meruerit, ac minoribus ordinibus initiari. Ex hoc autem tempore templum, cuius ministerio fuit addictus, diligenti assiduitate frequenta-

bat, quique illud procurabant, de Francisci sedulitate testificabantur honorificentissime. Sed ad studia redeamus.

V. In Sodalitate, quam ad archiepiscopales aedes Franciscus frequentaverat, benevolentiam amplissimi, ac doctissimi viri Angeli Antonii Scottii sibi conciliaverat, qui, quamdiu vixit, lumen illustre Neapolitanae Ecclesiae fuit. De quo quoniam heic incidit sermo, sinat humanus lector, ut hoc grati animi debitum solvam tanti viri memoriae, qui me et dilexit tenerrime, et fere litteris instituit. Is ille Scottius est, quo nemo de studiosa iuventute neapolitana melius hac aetate meritis dici potest. Pater iuventutis habebatur et erat. Nullus studiosorum iuvenum coetus extabat, quem sua incredibili sollertia, vigilantia, industria non diligentissime procuraret (1). Creatus Archiepiscopus Thessalonicensis nihil remisit pristinae sollicitudinis; im-

Angeli Ant. Scottii in Maneram benevolentia.

(1) Bene clarissimus Nicolaus Lucignanus in epistola nuncupatoria selectorum carminum libello praelixa, quem vulgavit Neapolitipis Tramaterianis an. MDCCCXXXII ipsum sic alloquitur Scottium. « Ego, ut verum fatear, nihil aliud in te suspicio nisi amorem istum tuam in iuvenes, quo eos sponte tua, nulloque sollicitante mortalium, domi, forisque ubicumque locorum es, omni genere blandimentorum quaeris, amplecteris, tueris, ornas; tum aequalibus, maioribus, principibus viris commendas; denique, quod caput est, pietatem ac mores adeo in eorum animis non excitas tantum, ac nutris, sed incendis etiam ac foves, ut quod tuum est spectatum iam satis in urbe, et alibi sanctissimae Religionis studium, hunc unum vehementissimi huiusce amoris tui, et omnium laborum tuorum finem tibi proposueris, cetera istuc omnia, tamquam ad nobilissimam metam collineas. Haec haec, inquam, animi tui singularis, et propria dos est: ceteros virtutum ornatus cum nonnullis aliis communes habes; ut haud immerito videri possit te a D. O. M. ad haec corruptissima tempora reservatum, quo labentem per foeda omnia iuventutem inter saeculi nequitiam, ac deliramenta contineas, eamque exemplo, monitis, atque officiis tuis ad honestatem, ad litteras, ad pietatem, ad bonarum artium amorem, exercitationemque traducas ».

mo novam dignitatem non in sui honorem, sed in iuventutis commodum collatam sibi esse putabat. Qui iurisprudentiae, medicinae, musicae, aliisque studiis sive in Epheborum Collegiis, sive in privatis domiciliis animum applicabant, in eo uno communem nanciscebantur patrem si orbi, solatorem si aegri, opitulatorem si miseriis afflicti, defensorem si calumniis petiti. Satis id habeat lector, cum morti proximum saepe, me audiente, exclamasse, ex eo uno se non minimum angere, quod cui iuventutem sibi carissimam committeret, non suspenderet. Ita scilicet moriturus pater de tutore filii instituendo providebat. Hunc igitur iuventutis studiosae patrem nactus est Franciscus aetate adhuc tenera. Scottius ubi Francisci ingenium pertentavit, cognovitque illud ad omnia litterarum, disciplinarumque studia factum, continuo curavit, ut eum Ioanni Andresio ingeniosorum adolescentium patrono sisteret.

Manera ab Scottio sislitur Andresio.

Quanti habetur Andresius.

VI. Erat Andresius inter Iesuitas, qui, revocata Societate Iesu, Neapolim petierant sane doctissimus, ac late adeo fama operum suorum erat vulgata, ut principum quoque virorum existimationem sibi conciliasset. Cum iterum autem soluta Neapoli foret Societas a Iosepho Bonaparte, qui tum regnum occupabat, docti plerique cives ne tantum virum abire sinerent, studuere, ut is Herculanensis Academiae crearetur a secretis, eidemque licet homini externo praefectura bibliothecae Borbonicae praeter consuetudinem deferretur (1). Vir erat Andresius iuventutis studiosae stimulator egre-

(1) Ad commentarium ab Angelo Antonio Scottio scriptum, cui titulus: *Elogio storico del p. Giovanni Andres della Compagnia di Gesù*. Napoli. Stamperia di Giovanni de Bonis 1817.

gius. Perspeculabatur homo acutissimus qui iuvenes ad litteras comparati natura essent, eosque in illis singulari quadam disciplina excolendos suscipiebat (1). Adhuc dum in vivis agunt plerique illustres, ac de litteris viri optime meriti, qui Andresio multa quae sciunt, accepta referunt.

VII. Huic ergo Franciscus a Scottio creditus: utque is iam inde a principio quae de iuveno spes fieri posset, facile dignosceret, Scottius Francisci lucubrationem ei ostendit sane limatam, proque aetate eruditam. Placuit Andresio: adolescentulum tentavit: eum italicis latinisque litteris persensit eruditum satis, graecis non admodum. Quare his aedulo coepit illum instituere, ac brevi ita erudit, ut puros graecitatis auctores adire per se ac scrutari facile posset. Atque ad id temporis spectant quaedam quae in suis scriptis inveni commentariola in Homerum, Aristophanem, Demosthenemque adornata. Neque his Andresius fuit contentus. Videbat enim adolescentulum ad omne genus eruditionis maxime docilem. Voluit et hispanicam linguam illum edocere, quam Franciscus deinceps ita calluit, ut ea in sermonibus facillime uteretur. Gallicum quoque per id tempus didicit idioma, potuitque nobiliores litteraturae gallicae fontes per se met cognoscere. Quare Franciscus nondum exarserat ex ephebis, cum et graece, et latine, et hispane, et gallice tantum sciret, quantum litterato homini necessarium putares. Hac sollerti adolescentis diligentia ita fuit Andresius captus, ut eum prae aliis alumni benevolentius complecti coeperit. Quam ob rem illum ne diem quidem unum a

Andresius Manerae studiis magnopere favel.

(1) Confer commentarii nuper memorati pag. 40 et 41.

se discedere patiebatur, atque eo usque Andre-
sii benevolentia erga Franciscum devenit, ut secum
tandem illum convivere voluerit, quo assidua con-
suetudine eius animum omni doctrinarum genere
facilius imbueret. Expectationi respondebat Fran-
ciscus: in dies eruditior evadebat: apte composi-
teque, ubi ferebat occasio, de variis litteraturae ca-
pitibus loquebatur. Quare Andresius, qui a pluri-
mis illius aetatis viris doctissimis adibatur, atque
ad omnes fere academicos litterarum coetus arces-
sebatur, in primisque collocabatur subsellis, diu
non dubitavit secum et Franciscum quo iret du-
cere, eumque amplissimis urbis viris cognoscen-
dum praeferre.

Rosinius Mane-
rae ingenium ex-
citat.

VIII. Pro harum itionum litterariarum occasio-
ne Maneram cognovit Carolus Maria Rosinius E-
piscopus Puteolanus, qui litteraturae neapolitanae
columen sub huius seculi initium merito fuisse exis-
timatur. Hic suum Seminarium graecae, ac lati-
nae sapientiae fecerat scholam. Illuc enim accitis
undique doctis institutoribus clericalem iuventutem
bonis artibus omnibus erudiendam curabat. Ut au-
tem acrius ad studia exstimularentur adolescentes,
solebat inter annum arcessere ex urbe principe Pu-
teolos quotquot litteratos posset viros sui familia-
res, eisque in coetu academico audiendas dare lu-
cubrations, quas Seminarii alumni affabre elabo-
rassent (1). Andresius vocabatur in primis: Andre-
sium comitabatur Manera. Rosinius, qui in iuve-
nibus tentandis, et cognoscendis erat acutissimus,

(1) Consule, si vacat, elegantem commentarium, quem de vita
et rebus gestis Caroli Mariae Rosinii Episcopi Puteolani latine
scripsit Nicolaus Lucignanus Eloquentiae Professor in Neapolitano A-
thenaeo, et publicavit typis Porcellianis Neapoli an. MDCCCXXXVI.

praeclarum Manerae ingenium brevi perspexit. Quare ei animum dare primum coepit, ac dein ipsum quoque hortari, ut in iis, quos cogebat academicos conventus, suarum quoque lucubrationum faceret copiam; quod alteri nunquam concessum voluisse Rosinium certo scio (1).

IX. Neque minus ornate adolescentulus oratione scribebat prorsa, quam versa. Cuius rei licet multa mihi sint argumenta, satis tamen superque erit lectori quod subiiciam. Solebat Andresius ad excitandos iuvenum studiosorum animos vocare eos identidem in litterarias concertationes, eisque docta themata proponere, in quae latinas orationes conscriberent; quique victor arbitrio iudicum evasisset, is procul dubio praemium in medio ab Andresio positum sibi ferebat. Manera pro harum concertationum occasione duas elucubravit orationes accuratas quidem et expolitas. Nactus tamen est

Exercitationes litterariae.

(1) Pleraque adhuc in plagulis iuvenilia reperiuntur carmina, quae latinam venustatem bene sapiunt. Solebat enim adolescens pro occasionibus quae darentur, multa conscribere. Non indignae sunt memoratu quaedam elegiae, epigrammata, aliaeque id genus poemata, quae in obitu vel amicorum, vel amplissimorum civium pepigit. Neque rem tibi ingratam facturum me esse existimo, si unum haec saltem referam epigramma, quod in funere Nicolai Vallettae clarissimi Iurisconsulti Neapolitani adolescentulus composuit.

Dum tenebris adoperta caput, gressuque citato

Mors est Vallettae visa subitro domum,

Parce, ait Astraea, heu! miserae mihi parce precanti,

Ne mea tot pereant, illo abeunte, bona.

At Pietas: Tarda quid cessas cuspide, dixit,

Aetheris meritum sedibus inserere?

Tunc Mors suspensio paullisper restitit ictu,

Dein placido hos ridens edidit ore sonos:

Ultima si iusti tetigit fastigia, vivens

Nil ultra Astraeae quod dare possit, habet.

Ergo habeat meritos moriens Pietatis honores;

Sic referet fructus utraque Diva suos.

aemulum Nicolaum Lucignanum, qui tum Seminarii Puteolani erat alumnus, litterisque latinis magnopere delectabatur, quique in praesentia multa cum laude, ac doctorum hominum satisfactione eloquentiam latinam in regio Athenaeo neapolitano proficitur. Litterati arbitri ab Andresio fuere delecti, qui competitorum orationibus acri iudicio examinatis, utri praemium adiudicandum foret, plane definirent. Hi licet naris emunctissimae homines, lucubrationibus tamen diu multumque versatis, utri primas tribuerent, definire certo nequiverunt. Si enim una perspicua magis, altera nervosior: si illa sententiis gravior, haec latinitate purgatio: si alia ad artis praecepta accuratius elaborata, altera nativa simplicitate candidior. Quare ne alteruter praemio privaretur, aequissimi iudices utrique illud decrevere. Andresio placuit arbitrium, praemiumque lubens duplicavit. Ut inaequalis virtus aemulationem, ita aequalis parit amicitiam. Quare ex eo tempore Manera et Lucignanus iucundo sese vinculo obstrinxerunt amicitiae, quam elegantissimis litteris latinis mutuo ad se datis docte fovebant; atque haec litterarum consuetudo eo usque perduravit, donec Manera Societati Iesu nomen dederit: amicitia tamen nunquam fuit intermissa. Potuit etiam per id tempus Manera cum plerisque aliis viris doctissimis, quorum nomina sunt pervulgata, amicitiam iungere. Utque aliquos appellem, usus familiariter est et Cataldo Iannellio bibliothecae Borbonicae Neapoli Praefecto, et Francisco Iavarono, qui in praesentia Asculanam, et Ceriniosensem Ecclesiam in Apulia dum episcopali prudentia regit, doctrina ac morum sanctitate illustrat, et Nicolao Taccono, et Iosepho Nicolai fi-

lio (1), et Augustino Gervasio, et Salvatore Cyrillo, et Iosepho Genovesio, et Ioanne Rossio, aliisque multis Andresianis vel amicis vel alumniis de publica re litteraria optime meritis.

X. Dum haec Franciscus apud Andresium ageret, huic oculi sive per aetatem, quae iam in senium inclinabat, sive per nimiam facultatis visibilis defatigationem, subita sunt suffusione corrupti, et per admotas chirurgi ocularii manus collectus inter tunicas humor non modo non disiectus, sed concretus adeo, ut visus illis prorsus impeditus, immo et ademptus fuerit. Nihil homini litterato molestius poterat accidere. Molestiam tamen leniebat Franciscus. Anagnostae enim scribaeque vices supplebat, quod licet fastidiosum esset, cum ad multas horas prolataretur quotidie, ex eo tamen Francisco iucundissimum obtingebat, quod hoc officio gratum in institutorem animum prae se ferendi ipsi daretur occasio locupletissima. Multam in eo collocaverat Andresius fiduciam; cumque ex omnibus Italiae, externarumque regionum partibus litteras acciperet creberrimas, ei committebat rescribendi munus; quod Franciscus ea aetate potuit tali prudentia, ac rerum tractandarum peritia perficere, ut satis omnino faceret Andresio. Quod mirabitur certe qui noverit, quantum docti senes fatigare iuvenes soleant illa morositate, quam in re praesertim litteraria facile peccant.

XI. Sed iam Andresius pridem de abdicanda bibliothecae Borbonicae praefectura cogitaverat, ut

Gratus Manerae
animus in An-
dresium.

Andresius se ab-
dicat praefectura
bibliothecae.

(1) Hic suam Manerae testificaturus amicitiam, quam inde usque ab adolescentia cum eo coniunxerat, paucis abhinc annis compositissimos elegos latinos illius nomini voluit inscriptos, quos in obitu communis amici Angeli Antonii Scottii Neapoli divulgavit.

Manera Soc. Iesu
nomen dat.

se in Societatem reciperet, quam Romae Pius VII. Pontifex de Societate Iesu benemerentissimus restituerat (1). Quare in facta luminum iactura honestissimam petendae vacationis excusationem nactus, eam tandem a Rege obtinuit, ac munere abdicato Romam iam cogitabat. Franciscus, qui quatuor perpetuos annos cum Andresio familiarissime consueverat, non potuerat ob tantarum hominis virtutum contemplationem, quin multam animo conciperet existimationem, benevolentiamque viri, ac per eum illius, cui Andresius accepta omnia referebat, Societatis. Quare quod antehac corde dudum presserat propositum, illud Andresio iam Romam concessuro tandem manifestavit: discupere scilicet se reviviscenti Societati nomen dare, atque adeo eum rogare, obsecrareque, ut Romam deduceret, ac Societatis Moderatoribus sisteret. Andresius, qui Manerae ingenium et probitatem habebat compertissimam, diu non dubitavit, quin probaret propositum. Quare Novembri mense anni MDCCCXVI eum Romam secum duxit, ubi Ioannes Perellius supremi Moderatoris in Italia Vicarius Franciscum complexus est perquam libenter, ac primis Provinciae Italicae tyronibus adnumeravit.

Eius tyrocinium.

XII. Qui cum Iesuita fere ut alter Iesuita convixerat, ab eoque multa virtutum omnium ac praesertim christianae tolerantiae acceperat documenta, is tyrocinium religiosae vitae ponebat quasi veteranus. Diligentistrarum legum custodia se Moderatoribus commendabat: singulari modestia sociis exemplo praeibat: integritate morum sibi be-

(1) Adi sis pag. 43 commentarii de Andresii vita, quem antea citavimus.

nevolentiam conciliabat. De se autem demississime, ac subiectissime sentiebat. Licet antehac multum diuque versatus in litterarum disciplinarumque severiorum ac praesertim in eruditionis studiis fuisset, de his ne verbum quidem unquam: se posthabere omnibus, nulli praeferre studebat. Paucis id unum satis habeat lector, eum ita se per id tempus Moderatoribus probasse, ut exacto primo tyrocinii anno ii non dubitaverint eum Interamnam mittere Grammaticam docturum. Quod confirmatae virtutis indicium est. Inconsulte enim ac temere pugnae committeretur tyro, qui virtute veteranum non aequare putaretur.

XIII. Interamnae igitur in Umbria Grammaticam multa cum laude docuit. Licet is esset Franciscus, qui in schola moderanda vix alieno egeret regimine, nunquam suum tamen facere ingenium optabat, atque eius praecepta, qui scholis erat praefectus, exequebatur ad scrupulum, et quidquid e ratione nostrorum studiorum foret servabat accuratissime. Perfecto Interamnae tyrocinii biennio vota religiosae vitae incredibili cum pietatis sensu nuncupavit, atque ad humaniores litteras ibidem loci edocendas gradum fecit. Quanta sedulitate, ac diligentia quae novi magisterii erant accuraret, discipulorum tum litteris tum in pietate factus progressus brevi ostendit. Eos in severae litteraturae doctrinis, quibus et ipse a parvo fuerat institutus, erudire studebat. Quare graecos latinosque fontes frequenter pro re nata non indicare modo, sed et verbis amplificare, et laudibus magnificare solebat, ut ex ea, quam illorum is faciebat existimationem, quam et ipsi de iis facere deberent, mature condiscerent. Argumenta

Eius magisterium
apud Interamna-
tes.

quoque lucubrationum, quae in scholis ad styli exercitationem proponi solent, e graecis latinisque fontibus hauriebat. Quod quantas utilitates compendifaciat, prudentes qui sunt Magistri facile vident. Graecis tamen latinisque litteris non ita perditae erat addictus, ut per se non sentiret pari italicas studio hac praesertim aetate esse colendas. Immo ad has scite adsequendas omni semper diligentia incubuit, et graecitate latinitateque ut solido patriae litteraturae fundamento utebatur. Verum prudens magister videbat in erudienda iuventute parcendum plusculum esse principio patriis, quam graecis latinisque litteris, ne, uti fit, animi adolescentulorum amore veluti innato in patriam linguam ita abripiantur, ut, gustata semel patrii sermonis dulcedine, a veteribus posthac fontibus prorsus abhorreant. Nihilo tamen secius ut discipuli e matris pulchritudine, quae filiae foret venustas, dignoscerent, selectas identidem e latina, patriaque lingua verneris ita simul conferebat, ut utra praecelleret, ii difficile discernere, utramque tamen studiosius amarent. In praelectionibus autem, quoad poterat, accuratissime loquebatur; multum enim exinde fructum discipulos sensim percepturos dicebat. Si qua vero vel de graecis, vel de latinis vertenda, ea exquisitis reddebat locutionibus. Adhuc Sallustiana quaedam supersunt in suis scriptis fragmenta italice reddita, in quibus utrum laboriosa diligentia, quam summa linguae vernaculae peritia sit commendatior, fortasse non arbitreris.

Quo studio discipulorum pietatem foveret.

XIV. Qui tantam in instituenda litteris iuventute operam ponebat, quantam in ea bonis moribus informanda collocasse oportuit, ii facile coniciunt,

qui sciunt quid sit sedere in ludo a mane ad noctem, ibique macescere, ac saepe etiam tabescere, non ut ab hominibus quaestuosum exigatur minerval, sed ut futura a Deo expectetur merces. Hi enim norunt, quantae fatuitatis foret hac una mercedis spe litteras tam laboriose edocere, quin simul omnes intenderentur nervi, ut discipuli ad virtutis amorem inflammarentur. Quare Franciscus nihil intentatum relinquebat, quo discipulos bonos, probos, bene moratos institueret. Fatigare lectores, si omnes, quibus ingeniose utebatur ad fovendam in illorum animis pietatem, industrias numerare heic vellem. Unam tamen, quam grandior factus iunioribus Societatis nostrae magistris commendare solitabat, non possum ut omittam. In explanandis Auctorum operibus, ut fit in scholis, observabat sollertissime e quibus sententiis commodiorem posset ansam arripere, qua ex iis aliquid traduceret ad mores. Hanc autem pro sua industria facile nactus sensim ad pietatem versabat sermonem, atque accomodatione adeo spontanea inventas sententioas moribus aptabat, ut profani auctores quasi christiane locuti esse viderentur. Si quis autem discipulorum gravem de suis moribus suspensionem iniiceret, idque, ut facile erat, ei suboleret, omnia faciebat, ut illum ad saniora consilia reduceret. Quod pro sua insigni facilitate nunquam non obtinuit. Brevi id vere dici potest, vix fuisse quod in eius ludo reprehenderes. Neque id, ut opinor, mirandum. Ubi enim animos adolescentium studia occupant, vix quas sectentur nugas inveniunt, inventaeque vix sapiunt. Praesertim cum Ludimagister iis polleat dotibus, quibus discipulorum observantiam, et existimationem, et benevo-

lentiam sibi conciliet. Quod quidem abunde praestabat Franciscus. Urbanus enim erat et cum dignitate gravis : nullus in eius vultu rigor , nulla frontis prae severitudine contractio, nulla in eius gestu rusticitas , nulla in verbis asperitas. Neminem vel hilarius accipiebat, vel familiarius tractabat. Si cui intensiorem suae benevolentiae partem tribuere videretur, is sine dubio pietatis ac litterarum studiosior erat. Quod ceteros discipulos ad aemulationem virtutis stimulabat acerrime. Cum enim hi praeceptoris amore sunt capti, nihil non faciunt, ut eius voluntati obsecundent. Hisce benevolentiae habenis Franciscus scholam biennio gubernavit, neque ut eas umquam cohiberet, necessum habuit. Si quando enim quid fieret pueriliter, satis erat superque , ut is sibi id vix placere manifestaret. Quare hac facillima agendi ratione, quae humano animo est accommodatissima , iuvenum Interamnatum ita sibi obstrinxit voluntates, ut hi nuntio de proximo Francisci discessu accepto vix lacrymas tenere potuerint.

Eius in consanguineos amor.

XV. Cum post triennium religiosae vitae ab Manera in Societate transactae amplius nihil de eius in consanguineos, affinesque amore legeris, fortasse existimasti iam ipsam memoriam illorum ferme amisisse. Immo calculum forte tuum iis criminosis adiecisti blateronibus, qui inter ceteras, quas in Societatem nostram impingunt calumnias, et illam non extremo habent loco, qua dictitant, Iesuitas moribus suis prope ferinis sensum naturae omnem, quod ad consanguineos attinet, obtundere, et quasi extinguere solere. Sed quantum huiusmodi susurriones fallantur, vel uno ex Manera possem commonstrare. Ad trecentas numeran-

tur litterae, quas per vitae religiosae curriculum ad consanguineos, affines, agnatosque misit, quibus modo eos adversa perculsos fortuna blandissime solatur (1), modo iis de rebus prospere suc-

(1) Non possum committere, ut praeteream quoddam epistolae fragmentum ex Interamna scriptae, in qua Manera consolari nititur privignum patris sui Caietanum Montefusum, de quo diximus initio, adverso fortunae casu letum —

« Per quanta forza e resistenza abbia fatto a mo stesse nella lettura della vostra, la viva esposizione che mi fate degli oggetti che tanto recano di afflizione all'angustiato vostro spirito accompagnata dalle tenere voci del vostro affetto, mi ha altamente commosso sin al fondo del mio cuore, e non ho potuto fare a meno di non sentirmi quasi penetrato da tanti acutissimi strali, quante furono le espressioni del vostro affanno. Sì, mio caro D. Gaetano, quantunque avessi di acciaio il petto, e rinchiudessi nel seno un cuor di diamante, quantunque un sangue di tigre, e di belva più inumana mi scorresse per le vene, pure non potrei rimanermi insensibile alla vista del giustissimo cordoglio che vi opprime. E come poi sarà egli possibile che vi faccia concepire, o che vi presenti una giusta immagine dei sentimenti di compassione e di amarezza, di cui è ricolmo il mio petto, io che tanto svisceratamente vi amo, che tanto dolce affetto serbo per voi? Ah! no, mio caro D. Gaetano: voi stesso che ben mi conoscete, voi che ben sapete quanto grande sia la riconoscenza, e la tenerezza, che nutro verso di una persona, a cui il titolo di padre non basta, ed alle cui benefiche ed amoroze mani debitore mi riconosco per così dire della stessa mia vita, e di quella ineffabile felicità, di cui ora gioisco, potete colla vostra mente assai meglio di quel che io far mi possa co' deboli miei accenti formarvi una viva idea della mia afflizione, e della pena che provo pe' vostri affanni. A me basta solo di rammentarvi come veraci testimoni delle mie assertive le calde lacrime, che spontaneamente sgorgandomi dalle pupille inaffiarono forse più volte i vostri caratteri. Il vedervi defraudato del frutto dei vostri sudori e sì malamente ricompensato de' gravissimi stenti, che per più mesi soffriste mi stringo duramente lo spirito, e mi fa entrare a parte del vostro dispiacere: ma quel che mette il colmo al mio dolore, e che vivamente l'anima mi trafigge si è il quadro compassionevole che mi dipinge innanzi agli sguardi dello stato di M. Rosa, della debolezza estrema della sua mente, e delle tristi vicende a cui si trova soggetta a mio riguardo, come anche la lunga, e penosa infermità che da tanto tempo sta tollerando la mia cara ed amata D. Francesca, la quale ben m'immagino quanto sia sensibile a siffatte sventure. — Ma o che vi fo io mai, che invece di ratemperare il vostro cordoglio seguo i trasporti del mio? come debbo darvi conforto, se

cedentibus gratulatur, modo quae ipse gerat, candidè exponit, aliaque id genus, quae heic foret

nostro d'abbisogarne io medesimo? . . . Ma che; questo stesso appunto può dar peso ai miei detti, e rendere più efficace il conforto con cui mi accingo di consolarvi. Perciocchè chi si appropria coll' animo, ed entra a parte delle sciagure di un altro, parla certamente per impulso di benevolenza e di zelo; e chi parla animato da tali motivi merita tutta la fede, e dee riputarsi candido, sincero, e verace nello sue espressioni. Ecco dunque, dolcissimo mio D. Gaetano, quel che mi pone sulle labbra il cuore, e quel che io rozzamente so suggerirvi, apinto dal desiderio di recar qualche sollievo all'animo vostro desolato, ed afflitto. Se non avessimo lo scudo della Fede, che tanti sostegni ci somministra contro i colpi delle umane avversità, prenderei a confortarvi colla massima della retta filosofia; ma poichè per divina misericordia la bella sorte abbiamo di riposare in grembo della Santa Religione, io vi rammento semplicemente uno dei principali motivi, che deve animare il nostro coraggio, e non lasciarci abbattere dalle disgrazie, e dai mali. Sollevate per poco, ed ergete la mente, e il cuore a quel Supremo Benefattore, a quel Dio pietoso, che si compiace cotanto del dolce titolo di nostro Padre amorosissimo. Rammentatevi, sì rammentatevi che avete per Padre un Dio, che vi ama con viscere d'infinita misericordia, che vi tien custodito nelle pupille degli occhi suoi, che scritto vi porta sull'istesso suo Cuore, un Dio il cui affetto verso di voi vince di gran lunga e sorpassa l'amore di tutte insieme le più tenere ed amanti genitrici dell' Universo, un Dio, che veglia continuamente in vostra difesa, che vi conserva colla più special protezione, e che non solo desidera ardentemente, ma anzi vuole efficacemente, e si prende tutta la premura, e l'interesse di rendervi appieno felice. Oh! se potessimo per poco penetrar co' nostri sguardi in quel Cuore divino! come avvampar lo vedremmo di accese fiamme del più puro amore, della più fervida carità verso ciascun di noi in particolare! Oh! se potessimo giustamente misurar la dolcezza del suo affetto! di quai sentimenti inebbricato non sentiremmo il nostro spirito! Oh! se potessimo veramente conoscere la provvidenza specialissima, che su di noi esercita, da qual conforto non saremmo animati in tutti i nostri travagli! Sì mio caro D. Gaetano, io vel ripeto, l'Onnipotente Iddio è il nostro Padre, egli è il miglior di tutti i Padri: che dunque da lui sperar non dobbiamo? sarà egli possibile che manchi di tenerezza verso di noi? potremo forse temere di abbandonarci ciecamente nella sua condotta, di pienamente uniformarci ai suoi voleri? Ah! no. Riposiamo pure tranquilli e contenti nelle paterne sue braccia, e siamo pur certi che egli in esso affettuosamente ci porta e sostiene. È vero che lo stato di afflizione, e di cordoglio, in cui voi vi trovate immerso, mi fa veramente compassione: è vero che il vostro spi-

supervacaneum numerare. Discuperem tamen, ut harum litterarum delectus fieret aliquis, atque in vulgus mitteretur, ut quo in consanguineos animo

rito geme oppresso sotto il duro peso di una non piccola calamità. Ma lungi dal disanimarvi; lungi dallo scemarsi la vostra fiducia in Dio; lungi dal supporre, che questi sieno effetti del suo sdegno, ah! vi risovvenga, che contrassegni essi sono i più patenti e sensibili di sua tenerezza. Noi meschini, ed infelici mortali offuscati dalle tenebre dell'ignoranza e dell'errore non giungiamo colle corte vedute del nostro cieco intendimento a ravvisar le mire sapientissime, o le ammirabili disposizioni, con cui la provvidenza divina cerca di condurci per duri, e disastrosi sentieri al consegnimento dell'unico, vero, e sommo bene, e della compiuta e perfetta nostra felicità: e però invece di adorare gli arcani suoi disegni, invece di chinare ossequiosi la fronte a' suoi voleri, osiamo talvolta nel colmo delle sventure sollevarci con incredibile temerità contro di lui, o lamentarci baldanzosamente dello sue sapientissime disposizioni. Ah! no mio caro D. Gaetano, non sia così di voi. Persuadetevi fermamente, che quel Dio dal cui cenno dipende tutto, e senza il cui comando non si stacca un capello dal nostro capo, nè cade al suolo il più picciolo angelletto dell'aria, egli è che tutto ordina pel nostro bene, e se apparisce farci del male, ed abbatterci nelle sciagure, non è che per ricomarci dello grazie più distinte, o del più segnalati favori. Se sembra talora che ponga in obbligo i nostri temporali interessi, non è che per procurarci più sicuramente gli eterni. Se ci percuote, ed affligge, non è che per destarci da quel letargo in cui spesso giaceiamo sepolti, da quella dimenticanza in cui viviamo della sua gloria, per richiamarci al suo seno e per istimolarci a consacrare a lui gli affetti tutti del nostro cuore. No: da un cuore, e da una mano di Padre non possono uscir colpi, che non sieno salutari. Bacciate dunque, mio dolce D. Gaetano, sì bacciate pure affettuosamente mille, e mille volte la destra amorosa del vostro Dio, che scarica su di voi colpi cotanto benefiei, bagnatela di calde lacrime di gratitudine e di riconoscenza, e porgete i più vivi ringraziamenti, che da voi si possano a questo tenero Padre, che si degna di visitarvi collo tribolazioni, ed angustie. E non crediate poi che egli non abbia a consolarvi, e che dopo l'orrido buio di procellosa tempesta non abbiano a calmarli i flutti, o a splendor di nuovo fulgido il sole, e sereno il cielo. Egli da voi invocato presterà soccorso a' vostri bisogni, stenderà la sua mano pietosa in vostro aiuto, tergerà il pianto dagli occhi vostri, raddolcirà le angosce che v'inondano lo spirito, e v'infonderà nell'animo quello spirito di fortezza, e di costanza cristiana, che è lo scudo il più atto a ribattere i colpi, con cui le umane avversità cercano di soverchiarci ».

foret Manera facile perspicui posset. Neque litterarum tantum commercio fuit contentus. Is enim, quod sciam, vel cum difficile ipsi esset, consanguineos consilio, opera, commendationibus iuvare non dubitabat. Neque aliter gerere se is cum consanguineis poterat, qui bene intellexerat, quantum iis homo natura debeat, et quantum D. O. M. velit iis ab homine deberi. Sed ad rem revertamur.

Romae Theologicis studiis navat operam,

XVI. Ex Interamna iussu Vincentii Pavanii Italicae Provinciae Praefecti Romam venit, ut heic theologicis disciplinis operaretur. Animo alaeri, ac sacrarum disciplinarum cupidissimo Franciscus novum studiorum curriculum capessivit, in quo divinorum dogmatum explanatores sortitus est Iosephum Rittium, et Ioannem Rozavenum viros rei theologiae apprime peritos. Sacrarum litterarum interpretationem ab eruditissimo Michaele Dominico Zeechinellio accepit: eloquentiae vero christianae praecepta ab Francisco Finettio audiit oratore suorum temporum facile principe. Quantam sui ingenii expectationem faceret Franciscus in rerum divinarum studiis, brevi Praeceptores viderunt. Is enim erat in apprehendendo facilis, atque celer, in intelligendo acutus, in arguendo subtilis, in eloquendo perspicuus. Ex qua perspicuitate tanta accedebat argumentationibus lux, atque claritas, ut vel perspicaces mentis oculos perstringeret. Lenis tamen erat, et in disputando modestus: si adversarium gravi argumentationis pondere fere pressum videret, non triumphabat; neque unquam ipsi disputationis aestu animus ita fervebat, ut verbum, quod minus moderationi conveniret, ei vel imprudenti excideret.

XVII. Dum studiis divinis operam sedulam navaret, si quid vacui a quotidianis occupationibus temporis nancisceretur, id libenter aliorum communis dabat. Diebus vero festis urbanos carceres adibat, ibique charitati suae habenas remittebat. Nemo ignorat, quantum facinorosi homines in carceribus vineti fastidire plerumque soleant, quae Religionem sapiunt. Praeter enim illas quibus affliguntur corporum miserias, quasi nihil flere aliud sciunt, dum tamen facinoribus cooperti aliquando in lutulento omnium vitiorum coeno vivunt sepulti. Cum eiusmodi frugi hominibus a corporibus levandis initium est sumendum, si quis gradus ad animas procurandas fieri velit. Id mature vidit Franciscus. Quare nihil praetermittebat, quo illorum miserias mitigaret. Quibus posset, libertatis veniam obtinebat. Aliis pecuniariam opem procurabat, aliis vestiariam. Tandem si quid non posset, mollissimorum verborum aspergine negantiam condiebat. Quae Francisci commiseratio illorum animos licet fastidiosos ita expugnabat, ut eos quo vellet converteret. Ubi Franciscus apparebat, post eum abeuntes turmatim vidisses fere omnes, qui in carceribus custodiebantur, ipsis Commentariensibus non exceptis. Immo aliquando eo usque multitudo confluentium ad concionem crevit, ut in laxiore oppidi platea sub dio dicendum ipsi esset. Hac hominum benevolentia Franciscus in rem Religionis utebatur bellissime. Liberius enim, ubi occasio id postularet, eos increpabat: confidentius vero eos hortabatur, ut apud Sacerdotem culpas expiarent, ac vitiis tandem desue fieri occiperent. Cumque vidisset omnia quae in carceribus vitia invalescere, ac patrari crimina solent, ea otio,

Inter haec homines in vinculis publicis custoditos in re Religionis exercebat.

ac turpissimae socordiae esse tribuenda, vinctis enixissime commendare solebat, ut operae cuiquam diurnae aliquid temporis commodarent. Quod a benevolentibus facile obtinebat. Deus vero Francisci conatibus non minimum favebat. Ut enim alia multa omittam narrare, is haereticos plerosque homines in carceribus vinctos potuit assiduo studio et opera in eam tandem mentem inducere, qua *ἀπιστίᾳ* eiurarent, atque ad Ecclesiae Catholicae sinum se reciperent. Inter haec sacris est initiatus ordinibus; idque ex eo etiam ipsi accidit iucundissimum, quod Sacerdotio insignitus fructum suorum laborum praecipuum per se percipere, et quasi recognoscere posset in excipiendis victorum hominum confessionibus, ad quos plures iam annos habuerat conciones. Cum primum ad aram fecit, tanta fuit interiori animae laetitia perfusus, ut posthac illud dicere Sacerdotibus recenter consecratis soleret, quod crediderit se illa die summum humanae felicitatis fastigium attigisse. Quam sane supernam animi laetitiam satis expressere lacrimae, quae vix sacrificare instituerat, cum ex oculis fluitabant.

Sacris initiatur
ordinibus.

De re universa
theologica publi-
ce disputat.

XVIII. Emenso sacrorum studiorum curriculo, Doctores qui Francisci sagacitatem quatuor continentes annos fuerant experti, e re esse sunt rati, quae existimationem Societati adhuc nuperae crearet, si eum publicae de universa re theologica disputationi committerent. Commiserunt, licet Franciscus honorem non minimum detrectaret pro sua animi indole, qua publicum conspectum non observabat sed verebatur. Quis fuerit disputationis exitus, ii certe meminerunt doctissimi viri, qui in frequenti conventu adfuerunt; quos inter eminebant duo illi Sacerdotes illustres Petrus Ostijus, et

Pius Bighius, qui in docta concertatione oppugnantorum partes gessere, et quorum alter posthac a Gregorio XVI. P. M. in Purpuratorum Patrum collegium fuit adlectus, alter autem a Pio IX Augusto feliciter regnante creatus Archiepiscopus Lys-trae in infidelium partibus, ac praepositus in sui-metipsius locum Abbas Vicarius Sublacensi quam vocant Commendae. Adhuc dum hi multa praedicant de perspicuo disputatoris ingenio, de eius in eloquendo facundia non minus diserta quam gravi, de amplissima in sacris omnibus disciplinis eruditione, deque varia multorum sermonum peritia, ex qua dignitatis plurimum atque ornamenti ad disputationem accedebat. Cum vero tantam sui spem in re theologica fecisset Franciscus, prudenter arbitrati sunt moderatores ei et alium concedere studii domestici annum, quo Theologiae, cuius iam tum designabatur Professor, operam navare longior-rem posset; atque commodiorem. Quod in ea hominum operariorum caritate, qua tum Societas in Italia laborabat, quantum valeat, ut, quis haberetur Franciscus, dignoscamus, nemo non videt. Taurinum profi-
ciscitur.

XIX. Tamen quem moderatores doctorem disciplinarum sacrarum iam designaverant, factum est, ut ineunte anno salutis dominicae MDCCCXXV alio eum abduceret occasio, cui fuit serviendum. De-cessit per id tempus Augustae Taurinorum Iosephus Biamontius vir imprimis eruditus, eloquentiaeque italicae in Archigymnasio Professor. Ne iuvenes, qui ad regium Athenaeum accurrebant ex omnibus regni urbibus frequentissimi, diu doctore privarentur, prudens Archigymnasiarcha a supremo Societatis Praefecto postulavit, ut hominem

concederet, qui per illud interim spatium patriae eloquentiae acroases ad studiosam iuventutem haberet. Postulata fecit Aloisius Fortis, qui tum summum Societatis magistratum tenebat, et Franciscum tanto oneri portando destinavit. Roma igitur Taurinum profectus est Franciscus, cui quippe homini timido, ac de se nimis diffidenti si quod aliud publicum munus molestum accidebat, hoc certe molestissimum. Aegre enim sibi persuadebat, se, qui plures iam annos litterariae eruditioni nihil fere operae dedisset, posse e novi magisterii exercitatione laudis quippiam aut existimationis nondum adipisci sed sperare. Ad hanc vulgata decessoris fama faciebat, ut de successore adhuc iuvene, nulliusque in Italia nominis praeiudicaretur. Deim Franciscus plus quam par foret criticorum invidiam formidabat, quod ea perspicax esset minimarum etiam labecularum speculatrix, atque in Iesuitam acutior. Quare timebat vehementissime, ne non satis expectationi faceret, quam sibi Taurinenses e Societatis homine promitterent. Timorem tamen vicit obedientiae studium, licet non ita ut labori non concederet plurimum, in quo perferendo, si de modestissimo homine non scriberem, eum naturae, ex qua tantum ingenium fuerat sortitus, fere ingratum dicerem. Re vera quasi omnia in labore reponebat, neque sibi fieri posse credebat, ut aliquid, quod non ante cogitasset exquisite, atque elaborasset diligenter, in medium proferret: dum tamen is ipse, si quando repentina id occasio exposceret, composite adco atque ornatè dicebat ex tempore, ut haud facile tibi persuasises cum non recitare de scripto Sibi igitur in no-

vae palaestrae exercitatione ne momento quidem cessationis gratiam faciebat. Primis praesertim mensibus tanto in studia incubuit conatu, ut in mortalem incidere morbum, quo ad multam anni partem implicitus fuit. Cum enim per noctem, ut is mihi narrabat, vix duas aut tres horas caput scullulae paxillis innixus obdormisceret, humoribus, qui inter dormiendum o pelle exsudent, facile ad guttur collapsis, factum est, ut pertinaci angina fauces brevi turgescerent, ac prope praecluderentur. Quo in morbo acutissimo Franciscus eo devenit discriminis, ut eucharistico viaticatus cibo iam esset e vita concessurus. At Deo tamen optimo libuit Maneram concedere precibus, quas fudit, et curis sane ingentibus, quas ad eius restituendam sanitatem adhibuit Ioannes Roothaanus, qui tum Collegio Provinciarum in Taurinis erat praefectus. Longus quidem forem, si quae quantaque Roothaanus fecerit, ut Manera convalesceret, heic exponerem. Unum tamen non tacebo, ut ex eo eaetera discas. Viderat Roothaanus Maneram melancholico identidem corripi humore, atque inde non minimam morbi partem in eum derivari. Quare ubi Franciscus bene se coepit habere, Roothaanus nulli parcens impensae ei concessit, ut animi recreandi gratia longum iter atque amoenissimum capesseret per Helvetiam. Cum autem ex hoc itinere multo Manerae melius esset factum, is ei solebat quotannis permittere, ut excursionem aliqua animam iam studiorum laboribus fractum per autumnales serias reficeret. Ex quibus annuis excursionibus quantum roboris ad Manerae valetudinem accederet, legendum profecto foret in ipsius eiusdem epistolis, quas ad consanguineos be-

In Taurinis morbo implicatur gravi.

ne multas misit (1). Sed ne a proposito plus quam par sit digrediamur.

(1) Rem faceret litteratis viris lucundissimam, iuvenibus autem perutilem qui hasce litteras publicandas susciperet. Multa enim complectuntur scitu dignissima, atque eo sunt stylo exaratae, ut vix sit, quod in eis desiderari possit. Et ne exaggerata me loqui autumes, volo eam heic saltem tibi epistolam sub oculo subiicere, qua lacus Lemani delicias perbellae, atque eleganter depingit.

Lago di Cinesea 9 Settembre 1828.

CARISSIMO MIO D. GAETANO.

Mi sono levato questa mattina allo ore tre dopo la mezzanotte. Ho celebrata la S. Messa nella Chiesa principale della città di Thonon, in cui ho dimorato tre giorni — Alle ore quattro precuduto da un barcaiuolo che recavasi in dosso il mio fardello, accompagnato da un domestico dell' Arciprete Revel, in casa del quale ho alloggiato, al lume di una lanterna son disceso alla sponda di questo lago per uno stretto, e tortuoso viottolo, e mi sono imbarcato — Ora che i barcaiuoli han dato de' remi in acqua, e la barca collo aiuto altresì di una vela si è sospinta sulle onde, eccomi rivolto a voi, o carissimo D. Gaetano. Spero che in iscrivendo questa lettera a voi dal guscio di un battello tra le acque limpide, e turchine del graziosissimo Lemano, mi si sgombrerà dall'animo una tetra, e densa caligine di mal umore, che da ieri in quà mi ha fatto patire un penoso affanno. Questa specie di malattia, che da alcuni è derisa, da altri vituperata, e sol compatita da quei pochi, che la sperimentarono a pruova, mi sorprende di tempo in tempo. Il porvi alcun rimedio è stata una delle ragioni, per le quali mi fu concessuta dalla bontà paterna, e generosa de' Superiori di cominciare il viaggio fin qui felicemente continuato. Vorrei che mi foste ora al fianco, e che partecipaste dell' insolito diletto, che mi crea nell' animo lo spettacolo del Sole nascente contemplato dal mezzo di questo lago colla vista degli ameni dintorni del Chiabese, e della Svizzera, che dall' una parte, o dall' altra lo chiudono. Son certo che rimarreste meco rapito in estasi dolcissima, e che i vostri occhi irrequieti si volgerebbero, siccome ora fanno i miei qui, e là, a destra, e a manca, intorno, e sopra passando di nuove in nuove bellezze. Vedreste un cielo non del tutto sereno, ma sfumato di vapori, e sparso di leggiери nugoletti, la parte orientale rischiarata e pura colorirsi di giallo carico, e somigliare un altro lago di oro liquido con sotto le creste dei monti del Vallese ben disegnate colle prominenze, ed avvallamenti; quindi verso il mezzogiorno stendersi una larga fascia di nubi rugginose o scure, e perdersi dietro le alte montagne del Chiabese, ed al di quà di queste montagne medesime lungo la loro pendice ondeggiare un' ampia striscia di nebbia color di cenere. Dal lato poi opposto sulla costiera di Vaud una falda lunga di nuvoli ben bruni ricoprire in lontananza le ci-

XX. Franciscus ut in suis praelectionibus multas Aligherianae a-
compendifaceret utilitates, divinum Aligherii poë- croasae in Tauri-
ma sumpsit explanandum: idque eo lubentius fa- nis habitae.

me del Giura, e il Giorat, che è un ramo di quella catena di monti, vestirsi per dir così di una zona arcuata di vapori, color bianchiccio. Intanto avvicinandosi all'Orizzonte il Sole, e già presso a spuntare, vedreste il cielo di chiarissimo, e lucente azzurro, e in esso le sottili sfumature, o nugoletti di vapori rosseggianti con soavità: le onde poi del lago arricciate e tremanti indorarsi nell'atto che un fresco venticello, il quale vi spirerebbe in faccia, vi annunzierebbe la prossima comparsa del sole. Bello sarebbe in fine il vedere, come questo Re degli astri esce quasi dal suo talamo maestoso e splendente, e sparge per ogni dove torrenti di luce, e i lembi delle folte nuvole, che gli si accostano, tinge di rosso infocato. e nel bel mezzo del lago gitta una colonna lunga, e diritta di oro splendentissimo. Caro mio D. Gaetano, voi esultereste per lo giubilo di ritrovarvi meco osservatore di queste naturali bellezze, ed lo vi accrescerei la gioia coll'additarvi ad una ad una le varie città, paesi o villaggi, che incoronano le sponde del lago, e che nella chiarezza del giorno fanno di se dimostrevole apparenza. Vi mostrerei fatta da noi lontanissima la città di Thonon capitale del Chiablese, con la piazza sporta in fuori, da cui a giudizio de' più accorti viaggiatori si gode una prospettiva sì vaga e amena, che può reggere a confronto di quelle amenissime che offrono i porti di cotesta Napoli, e di Costantinopoli. Vi farei aguzzare ben bene gli occhi per discernere alla destra di Thonon la folta e tenebrosa selva di Ripaglia; e poi seguitando la sponda vi condurrei collo sguardo sino ad Evian, famosa per le acque saponacee assai frequentate dagli stranieri. Ma lasciando il resto vi farei soprattutto rivolgere a guardare Losanna, che sulla costa Svizzera siede maestosa, e bella nel mezzo di un alta collina, e i verdissimi prati che le coronano a' piedi, e i deliziosi boschetti, e i gruppi di alberi che le fan corona, e sopra, e sotto, a destra, e a manca tutto il colle sparso e gremito di case, e finalmente i due campanili acuminati e bianchi delle chiese di S. Francesco, e della Città che si sollevano dal suo seno, e torreggiano.

Ma ecco che già si scopre di lungi il gran battollo a vapore, il quale da Losanna dovrà trasportarmi in Ginevra con tanta rapidità di corso, quanta non avrebbe una vettura tratta da cavalli di posta. Addio mio caro D. Gaetano. Vi scriverò altrove, e vi darò notizie del resto del mio viaggio. Amatemi e credetemi di vero cuore

Il vostro affezionatissimo FRANCESCO.

modiam esse existimaret. Quinquennium igitur Aligherianas habuit ad iuventutem Subalpinam acroases, quarum quis fuerit successus, Taurinenses oculis usurparunt propriis, Italia audivit. Frequens principio iuvenum concursus frequentior evadebat in dies, atque eo crevit usque, ut iterum ac tertio e laxiori in laxissimum concedendum fuerit locum, qui tantam caperet iuvenum multitudinem. Ad quingentos in schola consedissee perhibent qui eum audituri illuc confluebant. Neque id mirandum. Plurimam enim divini poematis existimationem animis iuventutis suis praelectionibus iniecerat. Nihil vero in eo erat arduum aut intellectu difficile, quod ipse non faceret planissimum. Cumque ἀλληγορίαν, quae explicando poemati commodior sibi visa principio est, optasset, illi in omnibus enucleandis sententiis semper insistebat, ac sponte adeo ad eam omnia traducebat, ut ad unam illam composita fere cuncta esse viderentur. Verum tamen non ita uni serviebat sententiae, ut quid aliquando doctissimi Dantis explanatores senserint, candide non aperiret. Immo et in hoc sua triumphabat Aligheriana cruditio. Fere enim omnes legerat, et vero etiam expenderat auctores, qui in Dantem commentaria conscripserant. Quare si qua offenderet, in quae plures, uti fit, caderent sententiae, caeque auctoritate gravissimae, nihil artificiose praecribat, immo et luce qua poterat splendidiori, eas illuminabat. Nihil enim timebat, ne oppositas tandem sententias non aptissime componeret. Sed quod magis iuvenum animos suavi quadam admiratione percellerat, eosque dulcissime alliciebat, dignitas erat, qua thesaurus Aligherianae sapientiae aperiebat; praesertim cum in

ea incideret, ex quibus mens facilius ad auctorem rerum omnium assurgeret. Tum Francisci praelectio, quippe qui homo esset theologicae rei peritissimus, exultare videbatur. Eius namque mens nobilissimo Religionis aestu quasi derepente correpta adeo erigebatur, ut magnifica quaeque conciperet, conceptaque tanta sententiarum gravitate, ac verborum dignitate exprimeret, ut in sui admirationem iuvenum animos vehementer arrigeret. Nihil enim his accidebat suavius, quam cum de thesauris divinae scientiae in Aligheriano poemate veluti effossis dissertantem audire: idque Franciscus eo faciebat lubentius, quod insignes in Religionem pietatis sensus ex iuvenum animis nil tale cogitantium iucundissime eliceret. Ut autem germano patrii sermonis nitore in praelectionibus consuleret, cavebat sedulo, ne qua vocula concinna minus, aut incompta sibi inter dicendum excideret. Immo ut ex ipso, quem aperiebat auditoribus fontem, ostenderet qui hauriri possent limpidae purioris sermonis lymphae, curabat diligentissime, ut, quibus posset modis, verbis Aligherianis edissereret. Quare aliquando sermonem suum cum Aligherianis locutionibus tam artificiose interserebat, ut, utrum Aligherius audiretur an Franciscus, haud facile discerneres. Placebat tamen vehementer Aligherium quasi ab Aligherio audire: idque iis praesertim accidebat gratissimum, qui inter audiendum facili memoriae excursu totum Aligherii poemata perlegentes in eam suavem dubitationem veniebant, utrum Professore magis gratularentur, quam sibi. Adhuc dum in plagulis scapisque chartarum quaedam manu exaratae inveniuntur praelectionum formae, quas illi si absolvere, digerere, ac perficere

per tempus licuisset, fortasse commentarium tanto poemati minus imparem non desideraret Italia.

Academiam instituit italicae litteraturae provehendae.

Exercitationes academicae.

XXI. Ut autem suis auditoribus novam palaestram aperiret, in qua illi suorum ingeniorum facerent experimentum, atque ad italarum litterarum studia ferventer excolenda mutuo incitarentur, Franciscus publicam in regio Athenaeo Academiam instituit, cui eruditis quibusque civitatis hominibus interesse fas erat. Ea quaque saturni die in amphitheatro anatomico habebatur pro multitudine auditorum, qui ad septingentos quandoque conveniebant. Dabatur cuivis copia de re litteraria vel per se solum dissertandi, vel in dialogi modum cum alio disputandi, vel ea publice pro concione legendi, quae domi quis elaborasset: hac tamen aequissima lege, ut cuiquam e doctis viris adstantibus ius esset ea, quae notasset, libere animadvertendi. Iucundum certe tibi fuisset videre aliquando iuvenes satis pro aetate eruditos, ac politos e schola, qui in docta disputatione ita incalcescebant, ut quasi de summa rerum eos disceptare credidisses. Eo alacritatis iuvenum animos Franciscus erexerat: qui tamen, ubi plus quam par foret, disputatores aestuantes videret, suum interponebat mitissimum arbitrium. Multis primum quae probanda erant, laudabat, et disputatoribus vel scriptoribus animos addebat maximos: quae vero offendisset animadversione digna, tali aperiebat candore, atque urbana ingenuitate, ut quasi lubentius ab eo animadversiones, quam laudes acceperisses. Eius autem iudicium tali comprobabatur communi auditorum consensu, a quibus et quid de suo iudicio sentirent modestus vir postulabat, ut nihil illi detrachere, addere nihil possent unquam.

XXII. Habuit etiam et ipse plures orationes ad frequentissimam auditorum coronam sane limatas, ac tanta gravium lectissimarumque sententiarum copia refertas, ut utrum sermonis puritatem prae his laudares, facile nescires. Ante alias, quas vel ad studia, ut mos est, auspicanda (1), vel ad na-

Orationes in regio Athenaeo recitatae.

(1) Non indigna sunt memoratu, quae Taurinenses ephemerides de oratione praedicavere, qua Manera anno MDCCCXXVII studia in regio Athenaeo inauguravit; praesertim cum totius orationis *sermo* capitulatum prae se ferre videantur. Haec igitur inter cetera.

« Toccò in quest' anno al p. Manera della Compagnia di Gesù, Reggente la Cattedra di eloquenza italiana, l'ufficio alternato col Professore di eloquenza greca e latina di dire al cospetto di questo sapientissimo arcopago la inaugurale orazione; nè perchè sia questa un' antichissima usanza, per cui sono stati in sì lunga serie di anni trattati tanti e sì vari argomenti, al tema che egli prescelse è mancato il pregio della novità, avendo egli preso a combattere vittoriosamente la erronea opinione che hanno portata ai tempi nostri taluni, che la eloquenza perchè abusata, e fatta servire da pochi al reo fine di affascinare le menti, di corrompere i costumi, di traviare dal retto, di rompere il freno ad ogni popolare licenza, di sovvertire l'ordine legittimo, di sconvolgere regni ed imperii, condannare, e proscrivere si debba quale apportionatrice di ogni mal fare, e di ogni turbamento alla civil società; paragonò l'oratore la bell' arte del dire a licor vitale, che le forze fisiche del corpo umano avviva e sostiene, e capaci le rende di opere utili grandi e maravigliose; che se avvenga che alcuno stemperatamente ne usi, ed invece di sommo vantaggio, gravissimo danno gli eni torni, dovressi perciò accagionarne il licore, e gittarlo come letifero veleno? Perchè, soggiunge egli, tagliente acuta spada si è fatta fra le mani di un forsennato miserando strumento di eccidio, s'avrà ella a rompere fra quelle di valoroso e prudente capitano, che impugnata l'avesse a difesa del suo Re, a gloria della sua patria? Provata la utilità della eloquenza, l'oratore ne additò la vera natura, il fine, e la eccellenza, e la via sicura segnò per cui si giunge a possederla a perfezione; il primo assunto il condusse a dimostrare, che non si dà vera eloquenza, ove sia scompagnata da sana filosofia, siccome non vi ha scienza professata utilmente senza il corredo delle buone lettere; e qui recando ad esempio molti scienziati di gran nome i quali non altrimenti, che mercè di puri, ed eloquenti parlari pervennero a spiegare i reconditi arcani, e i sorprendenti fenomeni della natura, ed a chiarire le più sublimi teoriche della Teologia, della Metafisica, della Politica, della Giurisprudenza, e delle scienze astratte medesime, ad onore di questa patria nostra molto acconciamente notò, che i saldi argomenti messi in campo con tanta venustà di stile, e con

talem Regis diem bene ominandum recitavit (1),
ca certe eluxit, quam ad confertissimum literato-

si stringente logica avvalorati nelle *Serate di Pietroburgo* a difesa degli imprescrittibili diritti del Re, ed in un'altra opera diventata europea a sostegno dell'inviolabile autorità de' Papi, non sarebbero stati acconci a confutare, a convincere, se l'inclito autore non avesse accoppiato al vanto di pensatore profondo quello d'insigno letterato. I ristretti confini, in cui dobbiamo aggirarci, non ci consentono di seguir passo passo il p. Manera in tutto il maestoso corso della sua forbita orazione, la quale per la vasta erudizione, ond'è pasciuta, e per le veneri del purgato sermone, è per se stessa una pruova del primo suo assunto; e per toccare di volo del secondo, non taceremo, com'egli abbia posto per base, che il fondamento di ogni letteratura è il diurno ed il notturno studio de' modelli greci, e latini, al quale i più rinomati scrittori antichi e moderni in ogni genere di alto o di piacevoli, e tutte utili discipline andarono e vanno debitori dell'onoranza in che sono tenuti. Commendò parimente la pensata letteratura dei Padri della italiana favella sia di prosa sia di poesia, e nel raccomandando la imitazione mostrò, ch'essa non debb'esser servile; che non si vogliono tarpare all'umano ingegno le ali, ma guidarne i voli per le immense regioni dello scibile, che perigliosi sono in ogni maniera di studj gli estremi, e qui accennò alla gran lite, che ferve accanita tuttora tra classici e Romantici, dalle cui penne sgocciolò in maggior copia il talvolta torbido inchiostro, che non ispicciasse l'acceso sangue dalle vene de' Guelfi, e Ghibellini. Il velo, ond'era tuttavia coperto il nodo di quest'altissimo piato non potea essere sollevato, che con somma avvedutezza, e consiglio, e non era ilato di scioglierlo che a mano esperta e possente. Il nostro Oratore si addentrò, munita la destra di luminosissima fiaccola, nello viscere della intricata quistione, e la delinì col giudicio, ch'egli diede delle scritture di quella benedetta anima di Alessandro Manzoni. Noi portiamo speranza, che questa orazione del p. Manera venga fatta di maggiormente publica ragione colle stampe, così a confermazione di quanto ne abbiamo detto, come ad ammaestramento de' giovani tironi, al vantaggio de' quali l'ha egli indiritta; se ne gioveranno essi imparando ad attingere alle pure sorgenti, che egli ha loro additato, a conoscere il valore degli autori, di cui ha portata dotta sentenza, a tenere la sicura via, che ha loro segnata, se pure aspirano al perfetto possedimento di quella eloquenza vera, senza la quale non si può conseguire nel letterario, e nello scientifico arriago una palma ecc. »

(1) Hoc quoque pericolosum, ac difficile dicendi genus Manera uti tractare solebat prudenter, ita et docte. Inter ceteras, quas de eodem ipso argumento habuit orationes, ea quidem singulares meruit laudes, quam anno MDCCCXXVIII recitavit, de qua haec, aliis omissis, Taurinenses referunt ephemerides.

« L'oratore seco stesso si rallegrò, che il Religioso Istituto,

rum hominum conventum habuit anno MDCCCXV, et in qua iuventutem subalpinam ad italicæ sapientiæ ac linguæ studia excitabat, proposito scriptorum subalpinorum exemplo, quo utpote domestico facilius animi iuvenum ad imitationem inflammarentur. In ea primum scriptores præteritarum ætatum recensebat, deque eorum operibus scite iudicabat. Inde ad præsentis ætatis scriptores progrediebatur: qua in parte orationis tractanda consilio utebatur sagacissimo. Plura in his laudanda sibi, quam notanda occurrere fatebatur. Multis

cui egli appartiene, dal sospetto francandolo d'ogni secreto impulso di sperati favori, o di miro ambizioso, allontanato da quegli scogli lo abbia, in cui corrono rischio gli oratori di rompere avendo a dirò le lodi de' Principi viventi. Però dallo stato di floridezza, in cui sono le scienze o le lettere in queste nostre contrade, egli trasse ragione di magnificarò il grande amore, che porta a' sudditi suoi l'Augusto Re Carlo Felice il quale col favorirle, o proteggerle consigliatamente avviso di crescere lo splendore, e la prosperità del suo regno: e qui prese l'Oratore con robustezza ed evidenza di pruove a combattere la storta opinione di coloro, che tratti per avventura in inganno da una men che illuminata pietà, veggono di mala voglia dilatarsi le fonti dell'umano sapere, quasi omai più non riesca di appressarvi la labbra senz'attingervi acque frache ed avvelenate: egli sostenne o dimostrò, che le lettere e le scienze anziché nemiche e distruggitrici, sono della Religione sorelle e promovitrice, nè per l'abuso, che talora fatto se n'abbia, doversi condannare e proscrivere: confutò quindi colla superiorità di una logica ineluttabile e con tutto il calore di una ispirata eloquenza la calunniosa imputazione fatta da certuni alla Religione di tarpar le ali all'ingegno, e di far argine ai progressi delle nobili ed utili discipline, mostrando anzi quanto essa abbia giovato, o giovi a sgombrare la nebbia, onde un audace orgoglio acceca talvolta le menti, che per voler varcare i confini dal superno Datore de' lumi all'umano intendimento segnati, tratto a negare in pien meriggio la luce sognano, e fabbricano assurdi sistemi, e nel sovvertire i meno cauti, ed i deboli, del loro stesso farneticare omai più non si avveggonò: conchiuse finalmente, che ove le scienze, e le lettere abbiano, come sotto il provvido reggimento dell'eccelso nostro Monarca, la Religione per consigliera o per guida, più franchi, più rapidi, ed a più alta meta rivolti è ad esse dato di muoverò i passi, e maggior gloria ne torna per la certa loro utilità a coloro, che lo professano ».

amplificabat opera clarissimorum virorum Naponis, Grassii (1), Notae, aliorumque auctorum, quorum fama e subalpinae regionis finibus egressa ad alias quoque Italiae partes pervaserat. Sed in primis Carolum Bottam collocabat, quem postquam effusius fortasse quam par fuerit, laudasset, non

(1) Non potuit se tenere literatissimus Grassius, quin suum in Maneram gratum animum continuo per litteras significaret, quas quippo ineditas heic tibi volo dare deguslandas —

M.^o REVER.^o PADRE SIG.^o PRONE COLMO.

Farei opera troppo diversa dai sacri doveri della gratitudine, se cercassi con parole di sdebitarmi dall'obbligo, che mi corre colla P. V. per l'encomio tutto spontaneo, che Ella ha fatto di me, e de' poveri miei scritti nella solenne tornata della Regia Università degli Studj. Basti il dirlo, che questo preclaro segno dell'umanità e bontà sua rimarrà per sempre scolpito nel fondo d'un cuore, che sente i benefizj, e vive della loro memoria; però che vero beneficio mi sono state quelle affettuose parole nella stanca e travagliosa mia vita, alla quale ogni conforto morale giunge nuovo, insperato, e perciò soavissimo. Ben la severa ragione mi vieta di consentire in quella lode certamente non meritata, ma il cuore parla più forte, e le si apre con piena gioia.

La P. V. ha voluto rinnovellare verso di me quei tratti di generosità, e di gentilezza d'animo, co' quali l'illustre Compagnia di Gesù è da gran tempo usata a favorire e promuovere non solamente le scienze e le lettere, ma ben anche i loro cultori comunque sfolgorati dalla fortuna.

Affidato pertanto a così nobili virtù io prendo ardire ad offerirle una mia Operetta, della quale arrossisco meno delle altre, ma non per alcun valore, che essa abbia o di stile o di dottrina, ma piuttosto per la schiettezza de' sentimenti in essa professati in tempi, nei quali l'amore e le lodi della lingua italiana, e la ricordanza delle glorie de' Reali di Savoia non erano senza novità, nè senza pericolo. Con questa sola raccomandazione, e sicuro nel retto giudizio della P. V. questo primo saggio de' miei studj giovanili osa venire al cospetto di Lei, anzioso di essere accolto qual pegno umile ma sincero di tutta riconoscenza, e letto con benigno riguardo al tempo, in cui fu scritto. Che se piacerà a Dio, datore d'ogni bene, di ridonarmi l'amabile salute, io spero ancora di poter venire innanzi a Lei con qualche opera più degna dell'ambito suo suffragio, che sia testimonio solenne de' sensi d'alta stima, e d'intera divozione, co' quali ho l'onore di protestarmi

Di V. P.

Umilissimo e Devotissimo Servitore
GRASSI.

Torino il 10 di Novembre 1825.

potuit se continere, quin acriter simul insectaretur ob multas absurdas, falsas, atque impias sententias, quibus ille scriptor alioquin laudandus suas historias, easque praesertim quae de Italia sunt, foedatas voluit. Oratio ita omnibus eruditis qui aderant viris placuit, ut nemo unus illius vulgarionem non continuo desideraverit. Petierunt, immo et flagitarunt ab eo plures Athenaci doctores, ut tandem illam vulgari pateretur. At homo qui ita demisso de se sentiebat, ut publicum conspectum pene horresceret, nunquam sinere voluit, ut sua lucubratio aliqua licet aliorum iudicio typis dignissima publicae lucis usura frueretur. In quo si demissam, quam sui habebat opinionem spectes, sane laudaveris: si factam tot tantorumque operum iacturam consideres, quibus rem augere litterariam potuisset, vix non vituperaveris. Ego aliquas quidem eius orationes publicatas velim: huiusmodi enim publicatio illud saltem efficeret, ut quae de tanto homine narraverim, extenuata potius, quam exaggerata esse viderentur. Exaggerata tamen iis Quanti Maneram docti viri facerent. non videbuntur litteratissimis Taurini viris, qui Manerae ingenium praesentes suspexerunt. Mihi satis esset dicere, doctissimos illos viros Peyronum, Bucheronum, Biondium cum paucis hac aetate sane comparandos plurimi Maneram fecisse, eiusque semper coluisse amicitiam. Neque etiam defuere homines eruditi, qui prius quam sua in lucem ederent volumina, liberum Manerae iudicium, quod magni pendebant, vellent audire. Quare ab hominibus cuivis disciplinae addictis adibatur, et quamvis ipse aliquando caussaretur suam vel in iurisprudentia, vel in medicina, vel in aliis facultatibus imperitiam, ut a iudicando abstineret, nihil

tamen ab iis impetrabat, qui eius doctrinae et sagacitati confidebant. Saepe enim persenserant Francisci iudicium pro illa sua ingenuitate pluris valere, quam quod eorum, qui amicitiae blandientes vix iudicare solent vere.

Eius sedulitas in
informanda bonis
moribus Taurinae
iuventute.

XXIII. Per idem tempus Franciscus iuvenes, qui philosophicis disciplinis animum adiungebant, in omnibus pietatis, ac Religionis actibus exercebat. Moderabatur enim piam illam regii Athenaei sodalitatem, quam ii diebus quibusque festis frequentabant. Qua cura, qua diligentia, qua solertia eorum animos ad omnem virtutem informare conaretur, non est cur dicam; licet libenter ad plura hac in re commemoranda delaberer, si alio mihi properandum non esset. Verum ex iis, quae de Francisco adhuc iuniore diximus quoad religiosam iuvenum institutionem, coniciet facile lector, quae adiumenta eius diligentia industria atque ingeniosa sibi adsciverit, ut iuventutis praesertim vividae temperaret ardorem, ac divinarum humanarumque legum iugo submitteret. Sua enim naturali facilitate, atque insigni comitate animos frequentissimorum iuvenum sibi ita devinxerat, ut eum illi parentem veluti alterum observarent, atque amarent. Si qua quis de re monendus, eum dulcissimis verbis, secretoque in loco castigabat. Si cuius pietas emereret, laudare eam non diffitebatur. Si cuius elucere virtutes, eas indicare, atque aliis etiam imitandas prudenter proponere non dubitabat. Omnes vero fervidis adhortationibus, quarum argumenta e materie iuvenili aetati accommoda petebat, ad Religionis amorem stimulabat, et vero etiam acuebat. Cumque bene nosset, iuvenes illuc aetatis deductos nancisci frequenter in

familiaribus colloctionibus, vel etiam de industria quaerere aliquando imprudenter occasionem disputandi de re Religionis, ne tot tantaque *σφάλματα* ruerentur, quot et quanta solent iuvenes theologicarum doctrinarum imperiti, saepe illis praecipua christianorum dogmatum capita oratione pressa, arguta, et quasi de schola enodabat, et quibus confirmari argumentis apte possent, eaque unde peti, strictim disserebat. Qua sano ratione dum inconsultao iuventuti de re Religionis nimis quam par esset disceptandi cupidae plurimum utilitatis afferebatur, veritati catholicorum dogmatum custodiendae non minimum consulebat. Quotannis vero per esuriales longioris ieiunii serias commentationes Ignatianas, quas *exercitia spiritualia* appellant, ad octo plerumque dies explicabat. Tantura quandoquo suarum conciuncularum fructum, Dei opitulante gratia, percepit, ut frequentissimos viderit iuvenes per denicales Christi dies ad eucharisticam mensam accumbentes, ac plurimos ad meliorem frugem proposito adeo tenaci revocatos, ut qui fuerint antehac, nisi scivisses alieunde, nunquam per temet postmodum dignovisses.

XXIV. Sed ut satius intelligatur, quo Religio-
nis Franciscus iuvenes ceteroquin grandiores, va-
riisque addictos studiis sua facili moderatione du-
cere potuerit, nihil commodius publico illo pietatis
christianae actu, quem anno Iubilaei MDCCCXXVI
Taurinenses non spectarunt modo, sed fuerunt ad-
mirati. Nemo illud ignorat, quod per id tempus
ad derivandam in se illam divinae indulgentiae par-
tem, quam e meritorum Christi thesauro promit
Ecclesia, oporteat, ut quisque templa adeat con-
stitutata, ibique eas Deo exolvat preces, quas su-

Publica Tauri-
norum iuvenum
supplicatio.

premus Ecclesiae Sacerdos solvendas decrevit. Ut ergo a studiosa iuventute satis huic religioso fieret officio, Franciscus non est veritus publicam illi supplicationem indicare. Iuvenes stata die convocavit, atque in tres distribuit classes pro trium sodalitatum divisione, quibus ii erant accensiti. Dein brevi sed efficaci allocutione eos docuit, quodnam Religionis experimentum mox coram totius civitatis aspectu exirent subituri. Inde creavit designatores, qui innumeram iuvenum multitudinem pro personarum statura distinguerent, ac binos copularent, ordinemque per viam servandum curarent. Signum salutis antecedeat sublime. Pone sequebatur praecinentium chorus: cetera dein multitudo lento gradu, vultu modesto, oculis demissis, persona ad poenitentiae sensum composita incedebat. Intercursabant designatores motos e loco ad locum revocaturi. Agmen claudebat Franciscus. Praecinentibus *Λιτανείας* aliasque pias cantiones non verrecundabantur concinere iuvenes. Quisque civis sisteat gradum tantam religionem admiraturus, quae homini cuiquam vitae licet profligatissimae lacrimas exculsisset. Quam antea iuvenum opinionem civitas habuerat, ea die posuit. De iuventute regium Athenarum frequentante sentire melius coepit. Neque mirum. Quod enim huc pietatis deveniat grandior illa nostrorum temporum iuventus, eaque praesertim, quae regia celebrare solet athenaea, profecto si quid vides, difficile admodum tecum dicere non dubitabis.

Honestae animorum relaxationes ab Maurea iuvenibus procuratae.

XXV. Ut autem devinctiores iuvenum animos sibi faceret Franciscus illud etiam sua invenit industria, ut aliquando inter annum eos congregaret, atque extra urbem in locum deduceret ap-

positum, quo relaxationi animorum indulgerent. Itaque factum non semel, ut ad amplius ducentos modo ad Supergae collem, qui Taurinis imminet, Stupinigium modo, modo ad Montem Callerium in amoenissimas Regis villas, easque omnibus animo recreando instrumentis ornatissimas deduceret, ibique eos non avara exceiperet coena, atque huc illuc vagari, et excurrere, honestisque aliis recreari oblectamentis permetteret, donec advesperascens die turmatim ad urbem laetitia exultantes, et rustico pulvere sordidi reverterentur. Quod quantam Franciseo benevolentiam conciliaret, ii vident, qui ingenia iuvenum perspecta habent, ac pertentata. Sed qui iuvenum animis singularem Manerae amoris iniiciebat, ille erat tenerrimus commiscrationis sensus, quo eorum sollicitudines, angores, molestias qua verbis humanissimis, qua etiam, eum posset, praesenti auxilio levabat. Neque obtigit semel, ut quidam iuvenes honesto loco nati sed omni fortuna destituti, cum suae eos sortis puderet, ad unum adire Franciseum non verecundarentur. Noverant enim se patrem adire, qui iuvenes eo loci deductos in carissimos susciperet filios. Manera enim nihil non solebat facere, ut egenae iuventuti succurreret. Si ipsi, ut saepe cadebat, nihil suppeteret e suis vindemiolis, quas eo reservabat, ut in subsidium iuvenum indigentium veniret, statim domo egrediebatur, atque homo ceterum verecundissimus amicos conveniebat mendicaturus honeste pro pauperculis stipem. Et licet ipse ab amicis pro se nihil fere in quovis vel officiorum, vel beneficiorum genere soleret postulare, pro iuvenibus tamen egestate pressis nihil quasi non flagitare verebatur: tantaque verborum insi-

Manerae erga egenos iuvenes caritas.

nuatione, ac vehementia apud amicos flebat iuventutis egenae miseriae, ut facile ab iis quidpiam obtineret. Quae iuvenum commiseratio eo usque illius animum occupavit, ut quasi immodica quibusdam videretur. Ita scilicet ille faciebat, ut quas multi amicitias proprio apponunt lucro, eae iuventutis levamini servirent.

Eius epistolare
commercium.

XXVI. Dum talia tantaque ageret Taurini Franciscus in utilitatem tum litterariam, tum religiosam iuventutis studiosae, non potuit quin eius nomen brevi ad doctissimorum hominum aures, qui in aliis Italiae partibus degebant, perveniret. Itaque horum plerique fuerunt, qui per litteras amicitiae foedus cum eo inire voluerunt. Extat adhuc altus epistolarum cumulus, quas ad eum per id tempus litteratissimi quique Italiae externarumque regionum viri scripserunt, ac porro dein scribere perrexerunt, quarum nonnullae aliae de aliis doctrinarum capitibus erudite pertractant, quasque, si per tempora liceret, in publicum emittero tum Francisci, tum eius amicorum nomini non minimam adderet laudis famam. Honoris causa nomina tantum appellabo Manzoni, Peyroni, Cancellicrii, Columbi, Notae, Bucheroni, quibuscum Manera non infrequens litterarum habuit commercium. Neque heic De Lemanaisium tacitum volo praeterire, ad quem et litteras dedit, si forte hominem ad saniora consilia revocare posset, atque eo ab errorum barathro deducere, in quod recta illum ire se sponte coniectum iam praevidebat (1).

(1) Id per te facile colligos ex vol. VI. cap. III. pag. 171. historiae S. I. ab Cretinavio — Iolyo gallice exaratae, cui titulus = *Histoire Religieuse, Politique, et Littéraire de la Compagnie de Jésus* — Paris. Mellier frères Editeurs. 1844.

XXVII. Rebus tam prospere in Taurinis succedentibus, quisque sperasset facile diu illas esse duraturas. Verum quid non humana valet pravitas corrumpere? Non defuere qui ut invidiam de more Societati conflarent, per urbem insurrarent civibus, Iesuitas Athenaeum velle occupare, professorias ambire sellas, facile homines callide se insinuantes ad id tandem evasuros; iam aliquid tenere; nisi ab Athenaeo removerentur, nihil non timendum (1). Quae invidiosae ineptarum dubitationum voces licet Francisco nil existimationis detraherent, tamen cum plus aequo percrescerent, fecere, ut iretur cautum, ne quid ex aliena stultitia detrimenti caperetur. Prudentiae ergo consultum est, et Franciscus ab Athenaeo revocatus, ne qua ultra vel levissima insurrectionis occasio praetexi posset.

Ab Augusta Taurinorum revocatur.

XXVIII. Invidiosa autem professione deserta, Franciscus e Taurinis petiit Fanum, quae Umbriae urbs est in ora Semnonum littorea, ut ibi, quemadmodum apud nos est usus, tertio quem dicimus probationis anno operam daret. Est enim prudentissimum Ignatianum oedictis scitum, quo sancitur, quemque post exactos studiorum annos, quois fieri forte potuit, ut religiosarum virtutum fervor intepuerit, ad ea redeat cultioris pietatis exercitamenta, quae sunt virtuti hominum experiundae, quibusque Societas quasi certo iudicat de suorum constanti in incepto vitae curriculo voluntate, antequam ii sese tenaciori sacramenta obligent So-

Tertio vacat anno probationis.

(1) Ita Cretinavius—Iolyus in vol. VI. cap. V. pag. 282. historico nuper memoratae « Les Universitaires de Turin ont vu avec une jalousie mal contenue le Père François Manera réunir autour de sa chaire de littérature italienne la foule toujours plus enthousiaste de ses auditeurs. Manera est, par l'élégance de son imagination, l'un des professeurs les plus renommés de l'Université ».

dalitati, ad quod sane dicendum is non accersitur, qui se Societati non tertio probaverit. Franciscus igitur, qui post quinquennalis magisterii strepitum sitiebat quietem, quanta cum alacritate Taurinenses rumores relinqueret Fanum convoluturus, non est cur persequar. Mutationem tamen persensit homo: proram enim alio vertebat: quique antehac nihil nisi amoenissima litterarum studia tractaverat, iam nuntio litteris remisso mentem alio convertebat. Sed qui in quibusvis, quas tractandas susciperet rebus, non poterat non esse sedulus ac sollers, is in nova vitae ratione sibi non defuit: adire carceres, aegrotos in nosocomiis visere, aures confitentibus peccata facilis praebere, rudes christianae doctrinae homines instituere, hac illac ad rusticanam plebeculam concionaturus excurrere, aliaque agere quae nostri propria sunt Instituti. Sed quod magis eum tenebat, nostrarum Constitutionum erat studium. Per id enim tempus nullam sinebat diem cedere, qua aliquem Ignatianarum Institutionum titulum non attentissime versaret, scrutaturus quid sapientiae in eo latitaret. Est enim ad haec reservatum tempora, ut Societatis homines, postquam animo sunt in religiosis virtutibus bene confirmato, ad pervestigandos codicis nostri sensus accedant. Quod cum certo sciam, non possum sine stomacho illam impudentissimam quorundam homuncionum audaciam mirari, qui de nostris legibus libere adeo disceptant, ut per se diiudicent, quid in eis boni sit quid mali, quasi scirent quid sit Ignatianus codex, dum is vel a nostris ipsis hominibus, iisque sagacissimis peculiarem studii non oscitantis partem requirat, ut divinum eius magisterium dispici possit. Praeter

haec Franciscus sacris Theologiae studiis recolendis, ac Patrum Ecclesiasticorum operibus pervoluandis animum intendebat. Iam enim inde ab eo tempore praevidebat, se hanc viam tandem tenturum, ut sacra Dei documenta vel e cathedra discipulis edissereret, vel e suggestu populo explanaret. Neque opinio falsum eum habuit. Brevis enim Romam est vocatus ab Ioanne Roothaano, qui supremam Sodalitatis praefecturam nuper capessiverat, quique Franciscum probissime Taurini noverat in Provinciarum Collegio, cuius fuerat moderator, eumque faciebat plurimi, ac diligebat tenerrime.

XXIX. Roothaanus igitur Franciscum rei theologiae Professore appellavit in hoc Gregoriano Gymnasio, quod et pro Urbis splendore, et pro auditorum tum frequentia tum dignitate, omnium, quae Societas per universum orbem gymnasia occupat, merito princeps haberi potest. Utrum Franciscus satis tanto fecerit muneri, Urbs novit. Ut brevi complectar quae a suis sociis accepi, id unum dicam, Maneram iis omnibus instructum et naturae et artis fuisse dotibus, quibus munus Professoris publici pro dignitate ac satisfactione amplissima obiret. Quod quidem testimonium pluris profecto facies si sciveris, me illud ab clarissimo Ioanne Perrono comprobatum audisse, qui in fungendo Theologiae magisterio plures fuit annos Manerae collega, quique quantus sit theologus, sat novit Europa. Neque aliter Manerae auditores testantur, quorum plures in praesentia suis nominibus rem vel litterariam, vel philosophicam, vel theologicam honestant apprime. Quos inter satis habeo, si unum appellem Carolum Passagliam, qui

Theologiae Professor in Collegio Romano renavit-
atur.

uti quondam Manerae fuit auditor, ita et illi post-
 hac successor fuit datus in ipso Theologiae magis-
 terio, quod in hoc Gregoriano Athenaeo ea obit
 cum doctrinae fama, eaque cum eloquentiae laude
 pro rerum tractandarum conditione non incomptae,
 ut facile dubites, utrum honorificentius Manerae
 olim acciderit talem habuisse auditorem, quam huic
 deinceps Manerae successisse. Huiusmodi ergo au-
 ditores narrarunt, eum fuisse Maneram professo-
 rem, qui discipulos eloquentia delectaret, perspi-
 cuitate orationis attentos faceret, sententiarum de-
 lectu erudiret, acumine mentis arrigeret, sublimi
 doctrina percelleret. Neque id mihi alijsve mirum,
 qui Manera usi sunt familiariter. In ipsa enim fa-
 miliari consuetudine tali suus sermo scatebat elo-
 quentiae dulcedine, ea gravi verborum volubilitate
 fluebat, ut fere te illi respondere, cumque eo
 colloqui pueret; quasi tibi et ipse conscius eva-
 deres, prae illo te prope loqui nescire. Aiunt et-
 iam illum non communi uti solitum in suis prae-
 lectionibus puritate sermonis, tum etiam cum sub-
 tiles atque impeditas versaret quaestiones. Quod
 si in ceteris severis disciplinis rarum, id in theo-
 logicis quidem rarissimum. Postquam enim Docto-
 res, qui a Schola nuncupantur, theologicam la-
 tinitatem barbarie scholastica infuscarunt, difficile
 illa absque aliquo doctrinarum tradendarum detri-
 mento expoliri potest.

Eius in Theologi-
 ae magisterio ani-
 mi modestia.

XXX. Dum talis esset magister Franciscus, qui
 ab omnibus libentissimo audiretur, is uni sibi ad
 obeundum magisterium non videbatur idoneus. Qua-
 re aliquando eius animum tantus non occupabat
 modo, sed opprimebat demissionis sensus, ut sta-
 tim ad gymnasii moderatorem adiret sollicitus il-

lum quanta posset precum vi rogaturus, ut in sui locum sufficeret alium, qui pro existimatione Societatis theologici Professoris munci faceret satis. Neque parum negotii in eo erat moderatori, ut ipsi persuaderet parem cum tandem esse sacris disciplinis tradendis, aut nisi parcm se existimaret, sinere tamen debere, ut utrum par esset, Moderatorum consilio aestimandum relinqueretur. Hic idem demissi animi sensus faciebat, ut si quando refellenda doctōris cuiuspiam foret sententia, se praeberet modestissimum, atque ab ea nisi multam praefatus auctoris laudem non discederet. Licet vero suam sententiam nervose adco propugnaret, ut in eius opinionem non concessisses modo, sed iurasses, tamen virtutis nihil alicnae sententiae volebat detractum. Immo nihil veritatis prae se opposita ferebat opinio, quod ipse artificiose patreretur latere, ne cui suspicionis quid iniiceretur velle se aliqua subterfugere reticendo. Dein se facilem discipulis dabat, suique illis potestatem non raro faciebat commodans benigne aures illorum difficultatibus: noverat enim candidatorum Theologiae tricas commiserescere.

XXXI. Atque haec Francisci sedulitas in iuvenum studiosorum profectu procurando Praesidem Provinciae impulit, ut eum solcmni quatuor votorum sacramento iam obligatum omnibus studiis regundis generalem vellet Praefectum. Quod quidem munus apud nos nisi hominibus sagacibus, atque omnium fere disciplinarum gnaris obeundum vix datur. Huius enim praefecturae est accurare, ut cuiusvis generis studia non serveant modo, sed in dies magis progrediantur. Praeterquam quod nil in studiis fit, quod eius oculos fugere debeat.

Generalis studiis
regundis creatur
Praefectus.

Quanta diligentia
studia rei sacrae
in clericali provo-
heret iuventute.

Quam curam sus-
ciperet iuven-
tis in re Religio-
nis.

Quare nisi sit homo omni fere disciplina institutus, et naris emunctissimae, vix erit is, qui possit tantum obire pro dignitate munus. At nihil peritiae Francisco in quavis deerat doctrina: litteris erat satis eruditus: quacumque autem severiore disciplina apprimè doctus. Quare in utroque studiorum genere aequus, et acutus erat arbiter, neque aliena in diiudicando egebat sententia. Is igitur in hac praefectura constitutus consulere accuratius iuventuti studiosae potuit, ac suae diligentiae satisfacere. Primum singulari illa sua facilitate atque urbanitate iuvenum animos sibi devinxit, quos ubi habuit obligatos, nil erat, quod ab eis non obtineret. Scholae frequentabantur assidue: quique antehac absentiae gratiam sibi libenter faciebant, Francisco Praefecto, de absentia ne cogitabant quidem. Si qui enim frequenter ac levi abessent de caussa, eos humaniter adeo monebat, ut illos abesse alias perpuderet. Totus dein erat in vigilando, an discipuli sedulam darent operam studiis: quare saepe rogabat praeceptores, si qui alacriores ad studia persequenda essent, quos laudaret, et si qui segniores, quibus adderet stimulos. Circulos vero illos academicos, in quibus mentitis disputationum velitationibus concertare secum ipsi solent discipuli, aliquid se aestimare ostendens faciebat, ut iuvenum animi non minimum in iis calerent, atque ad pugnae cutem mirum in modum acuerentur.

XXXII. Quae vero christianae pietatis forent, ea non minori sedulitate curabat, ut a Romana iuventute servarentur, quam qua a Taurinensi servata voluerat. Quaeque discipulorum classis ut eam, cui adscripta esset, piam sodalitatem statis diebus assidue celebraret, studebat. Facile vero ad eius no-

titiam perveniebant qui negligentiores in Religio-
nis actibus exercendis forent. Quos cum novisset
Franciscus, eos in utrumque oculum quiescere non
ferebat. Ad se arcessitos urbana monitionehorta-
batur, ut sui curam vellent gerere aliquam, ne-
que pluris aestimarent quae corporis sunt, quam
quae animi; providerent, ne cum tot tantisque ab-
undarent praesidiis, ea frustra cadere paterentur.
Vix erat qui his auditis, leni Francisci alloquio
non caperetur, atque non illico promitteret post-
hac se cogitaturum meliora. Cumque studiosi iu-
venes Franciscum potius ut amantissimum patrem
diligent, quam ut Praefectum timerent, non du-
bitabant plurimi arcana propriae conscientiae ipsi
facere manifesta. Et revera Franciscus is erat, qui
tantam sui faciebat fiduciam, ut nihil ipsi non con-
crederes fidentissime, licet tibi pro munere prae-
esset. Narrant frequentem ad eum accurrere soli-
tam iuventutem peccata confessuram, quam tali
completebatur amore, ac tanta hilaritate accipie-
bat, ut quis vim sibi inferre credidisset, si quid
ei candide non aperuisset. Neque autem tantum in-
ter audiendas confessiones is piis hortationibus ad
pietatem iuvenes stimulabat, sed saepe inter heb-
domadam ad se illos arcessebat, qui forte labo-
riosiori egerent cultura, eosque pie docebat, quo
se gererent modo, quid caverent, quid agerent.

XXXIII. Cum talem Franciscus in studiis regun-
dis se praestitisset Praefectum, supremus Sodali-
tatis Magister eum ex universa Societate constituit
Quinquevirum expendendae nostrorum studiorum
rationi, ac temporibus hisce nostris accomodan-
dae (1). Hanc spartam Franciscus libens ornandam

Expendit nostram
Rationem studio-
rum.

(1) Consulo sis historiam Cretinavii -- Jolyi, quam antea me-
moravimus in vol. VI. c. VIII. p. 841, et seq. ubi inter alia multa

suscepit non pro decoris specie, quam sane contemnebat, sed pro inventutis utilitate, quam unice deperibat. Discussit ergo diligenter cum suis collegis nostrorum studiorum methodum, eiusque discussioni multa debemus, quae maximo cum iuventutis emolumento veteri methodo addita fuere: in quibus additamentis id semper doctus prudensque vir habuit prae oculis, ut solidis litteraturae fundamentis, graecitati scilicet, ac latinitati detractum voluerit nihil, dum patriis litteris consuleretur. Quod sane consilium quantum sit sapiens, illos unos in praesentia videre posse reor, eosque perpauca, qui severioris litteraturae amore adhuc tenentur.

In Academiis varias adsciscitur Socius.

XXXIV. Quis vero esset Manera iam urbanae Academiae audiverant; iamque diu pridem Arcadiae Pastores litteratum virum in socium voluerant adlectum. Sed ut alias vel litterarias, vel philosophicas sodalitates praetercam, quae Franciscum quaesivere, Academia illa in Urbe clarissima, quae a Religione Catholica vindicanda merito nuncupatur, cum cooptatione honestavit. Ut autem Franciscus suum in benevolentes illius moderatores gratum animum ostenderet, anno MDCCCXXXV in frequenti conventu, coram pluribus Patribus Purpuratis, aliisque viris amplissimis dissertationem sane eruditam, cui titulum fecerat *De Libertate Christiana*, perlegit. Difficile quidem dictu est, quan-

huc spectantia haec leges « *La ring et unième Congrégation émit le même vœu que la précédente, et par son décret XV elle renouvela la demande de révision pour le Ratio studiorum. Le Pere Roothaan s'empresse de nommer une commission afin de remplir cet important travail. L'Italie y fut représentée par Manera, la Sicile par Garofalo, la France par Loriguet, l'Allemagne par Van Hecke, l'Espagne par Gil. Ces cinq Pères, déjà célèbres dans l'éducation étaient une garantie pour la Compagnie et pour les familles* ».

tum isthaec dissertatio sociis omnibus placuerit Academicis, qui de illa honestum testimonium in publicis ephemeridibus Romanis vulgatum voluerunt (1).

XXXV. Sed si Franciscus eruditus Urbis viris Eius in miseros
hominis caritas,
fuit doctrina notus, is eximia illa sua caritate in

(1) Non aha re esso reor, hoc testimonium tibi heic legendum exhibere, cum illud Manerianae dissertationis capita summatim percurrat —

« Nel giorno 20 p. p. Agosto si adunò nell' Archiginnasio Romano l'Accademia di Religione Cattolica, ed il Reverendissimo P. Francesco Manera della Compagnia di Gesù vi lesse una dotta, e profonda dissertazione *Sulla Libertà Cristiana*. Fatto un rapido quadro di quella malintesa libertà sovvertitrice del buon ordine sociale, che si fomenta nel nostro secolo per opera di uomini temerarii, passò il ch. Accademico ad esporre la vera idea della libertà Evangelica. Pose per principio, che la libertà dell'uomo per essere veramente tale, deve avvicinarsi il più possibilmente alla libertà di Dio, ed in so far ritratto di quelle doti, per le quali la libertà Divina è per ogni guisa perfetta, doti che ridur si possono a due, cioè rettitudine, e potenza. Riguardo alla prima parte mostrò, che l'uomo è libero veramente quando può eleggere con sicurezza, e fuor di ogni contrasto; ma alla sicurezza dell'eleggere il bene si oppongono i falsi giudizi dell'Intelletto, e i travimenti della volontà; e ad eleggerlo senza contrasto viene impedito dall'impeto delle passioni disordinate. Per ovviare pertanto ai falsi giudizi è richiesta luce di verità, che non inganni; al pericolo di traviare devo soccorrere legge di giustizia, che non falsisca; la guerra dell'appetito deve vincersi con aiuto di forze efficaci; e da queste tre cose appunto è originata la libertà vera del Vangelo. Provò la seconda parte col far vedere, che è stoltezza il pretendere di allargare la libertà dell'uomo a quell'ampiezza di potere, che vorrebbe derivare dall'eguaglianza, e dall'indipendenza; che per consiglio di sapientissima provvidenza deve essere tra gli uomini comunanza socievole, e quindi ineguaglianza e soggezione, e che appunto dalla unione delle forze fisiche, intellettuali, e morali nella società è avvalorata la potenza della libertà di ciascuno individuo: ma siccome il Vangelo colla legge della carità mantiene, e perfeziona l'unione dei membri nel corpo socievole, e santifica i legami, che gli stringono fra loro, così esso viene a rendere il più che è a sperarsi perfetta la potenza dell'umana libertà. Tutto ciò venne dall'egregio discente trattato con molta forza di raziocinio, espresso con le grazie d'un bello stile, e convalidato opportunamente con la storia delle umane aberrazioni ».

Quae erga cives
Asiana lue cor-
reptos praeser-
tim emicuit.

homines quoslibet cuiusque opis egenos vix paucis non fuit notissimus. Pleraque repeterem, quae similia essent dietis, si heic narrarem, cum aliis publica officia obtinuisse, quae si diligenter exequerentur, viverent honeste: aliis victum quotidianum, huncque ad annos plures procurasse: aliis vestes, aliis pecuniarium subsidium, hocque perpetuum. At urget me desiderium exponendi, quantum Francisci caritas eluxerit, cum Asiana lue Urbem popularetur anno MDCCCXXXVII. Quis fuerit civitatis luctus, quis horror non describam. Non enim huius styli est, neque loci enarrare, quanto Urbem squalore illa tabes compleverit. Satis habeo, si illud dicam, civitatem uno personuisse in ea calamitate eiulatu, quo abs irato Deo misericordiam imploraret. Nulla enim neque laticum, neque medicamentorum vi fas erat confidere. Unus fletus funerum acerbitatem mitigabat, si fletibus quidem parceret lues. Lacrimis enim ipsis invidebat; cumque habitu lethifero familiam aliquam afflasset, eam osculo mortis complectebatur; neque inde pedem efferebat, nisi pene omnes elati funere forent. Franciscus, qui natura plus quam narrari possit, mortis adspectum perhorrescebat, nihil timebat magis, antequam lues illa ad nostras oras adlaberetur, quam suum hunc timorem, quo fieri fortasse poterat, ut a praestandis iis christianae pietatis officiis removeretur, quae Socii sine dubio ea tempestate in civium utilitatem forent praestituri. Sed ubi morbus male ominatus Urbem corripuit, religiosa animi virtus vicit timorem naturae. Francisci pietas vires sumebat e lacrimis. Dum luctum, squalorem, paedoremque Urbis miseraretur, animus ipsi crescebat; ac, posito discriminis cuiusque pavore, quasi

audax miles primus irruebat in aciem. Saepius enim quam ceteri, et ubi certius videbatur offendi periculum, is, adscito modo uno, modo altero caritatis socio, accurrebat sollicitus et quasi anxius, si quid humanae opis aegrotanti asferre posset, si quid christianae morituro. Frequenter cadebat, ut domos reperiret omni familia vacuas, quae aegrotum miserrime inter tormina ciulantem descruerat. Tenebat enim opinio, qua timebatur, luem illam esse contagiosam: quae opinio plus quam crederes per eam tempestatem quorundam animos occupaverat, efficiebatque, ut prae metu sanctioris quoque pietatis officia aliquando negligenterentur. Hisce tamen terriculamentis non absterrebatur Franciscus: ad aegrotum veniebat, eumque, quo posset auxilii genere, iuvabat. Si cui nervi pro morbi violentia contracti adeo fuissent, atque contorti; ut iam membra gelido rigore stupuerint, is ea villosis pannis tamdiu fricabat refricabatque, quamdiu calor, si qui venis occuluerit; torpidis tandem artibus reconciliaretur. Quae vero a Medicis opportuna morbo compescendo existimabantur, ipse manu sua aegrotantibus praestare cupiebat: quo sin minus relevare aegrotos posset, at illos eximio caritatis affectu, quem significabat, solabatur. Nullis autem movebatur impedimentis, quibus ab aegrotantium hominum lectis discederet. Et licet multa, quae videret, non posset non stomachari, nil tamen ipsi erat tanti, ut robustam eius pietatis vim infringeret. Cum omnis medicamentorum virtus caderet victa, statim is ad ea quae animo procurando, atque ad mortem disponendo erant, veniebat. Qua quidem in re singularem dixisses eius peritiam; et plures cum arcessitum mittebant, cum

de certo vitae discrimine ageretur. Mira enim lenitate aegroti periculum, quod subiturus erat, nuntiabat. Dein illum sententiis solabatur, mollissimis e supremis Christi cruciatibus plerumque petitis. Animum morituri ad fiduciam salutis stimulabat egregie: spem enim plurimam illi iniiciebat aeternae quietis, qua spe aegrotus multo maxime relevatus de pianda a culpis anima per se sponte cogitabat. Tum Franciscus suam pollicebatur operam: se peccata confitentem adiuturum facile: nihil debere in morituro esse timoris, ne qua forte oblivisceretur: satis multum esse, si, quae meminisset, aperte diceret. Peccata tum audiebat ab eiulante inter saniem, ac purulentam mucosamque ventris proluviem, quae ipsi vomitum concitabat. Persistebat tamen, neque prius aegrotum deserebat, quam eum extremis omnibus Religionis officiis procurasset.

Novum caritatis
genus erga amē-
les excreitum.

XXXVI. Sed iam ad alterum christianae caritatis genus progredior, quod cum legeris, vix poteris ut singulare, ac prope unicum illud non dicas. Hanc autem novi generis caritatem Manera exercuit cum miserrima illa hominum classe, qui per animi affectionem lumine mentis destituti amentes dicuntur. Cum his Manera, sive illa laborarent amentia pacata, et quasi stupida, sive furiosa illa, atque violenta, quae insania proprie vocatur, agere adeo sciebat sollerter, ut quas teneret vias, quibus se in illorum animos insinueret, nemo unquam noverit. Mirabantur tamen omnes unum ipsum aliquando libere, et confidenter ad illas accedere humanas belluas. Non deerant, qui saepe eum monerent, ut cautius ageret cum illis: nil eis auscultabat Franciscus; expertus enim

erat, quid ad obtinendum finem tentandum foret. Revera iucundum tibi fuisset aliquando Maneram adspicere ad amentes accedentem modo incessu serio; modo hilari, et quasi levi, modo fronte explicata, modo caperata, modo vultu aperto, modo contracto, atque illum audire cum iis disserentem. De cuiusvis dementia sciebat, ex quo originem duxisset, quos fecisset progressus: quare facile, ac dextere scopulos declinabat. Venusta pleraque, et lepida inter loquendum miscebat, et multa etiam pro occasione seria, et quasi negotiosa; quousque tandem eo quo vellet, illorum mentes converteret. Cum enim huc erant deducti facile obtinebat, ut illi ad se per aliquod saltem temporis intervallum redirent. Quod ipsi satis erat superque, ut quae sani antea insane peccassent, serio detestarentur. Verum praeclarissimo hoc patientis caritatis genere plures non ab futurae tantum salutis iactura, sed et a certo praesentis vitae discrimine liberavit. Pluribus enim amentibus, qui sibi mortem vellent consciscere, persuadebat argumentis scitis an inscitis nescio, certe ad rem opportunis, ne tantum patrarent facinus.

XXXVII. Et ne multa videar asserere, quin probatum aliquod factum exponam, libet heic dicere de insigni huiusmodi pietatis specimine, quod in ^{Insanum quem-} ^{dam hominem} ^{certo liberat mor-} ^{tis discrimine.} insanum quemdam hominem Manera exhibuit. Erat homo nobilis, atque amplissimis viris apprime carus, qui quotidie stata hora correptus insania se praecipitem dare volebat e fenestra. Quare cum inauspicata illa hora appropinquaret, nil erat, quod hominem furiosum valeret continere: nemo ad effraenem belluam accedere tentasset: saepe diffractis vitreis fenestrarum obicibus in eo erat, ut at-

tolleret erura sese praecipitaturus. Illo antehac familiariter Manera usus fuerat, eiusquo ingenium noverat, et, cur in illud morbi incidisset, sciebat. Ad eum igitur sub tempus, quo insano aestu corripri solebat, accessit. Familiariter exceptus sermocinari amicissime coepit. Ubi oculi illi virescere coeperunt, ac deformem in modum intorqueri, is notis suis artibus potuit eum aliquantillum a primis tenere motibus. Tum ille de praecipitatione statim verba facere. Libenter assensurum se, aiebat Franciscus, si talis tantique amici aspectu per eam praecipitationem non privaretur: quare eum ipsi concedere ultro, ut se daret praecipitem (quid enim amenti?) modo sineret, ut antequam se praecipitem daret, accessitum amicum mitteret, qui eum postremo tandem videret. Placuit insano homini amicum consilium, amuensque promisit, nunquam se praecipitatum iri, quin iterum Maneram vidisset; quod promissum, ac receptum saepe deinceps per aedes murmurans repetebat. Quare ex eo tempore cum insana illa praecipitationis imaginatione connexa copulataque est imaginatio amici. Ex quo factum, ut nulla is die correptus illa esset vesania, quin de Manera cogitaret, quaereretque. Quid tum Manera? Is ut illius vitam a tanto liberaret discrimine, nullo tempore, quo foret vocatus, eum non adibat. Cumque nova semper sese mutuo visendi redintegraretur promissio, factum est, ut is nunquam se praecipitaverit, atque aestus ille vesanus sensim doferbuerit. Ubi autem convaluisse visus est, abeundi alio facultatem postulavit. Manera illi abitionem obtinuit. Timuit tamen, ne in insaniam recideret: quare novum foedus sua industria feriendum cum illo reperit: ut mutuum

scilicet sibi facerent promissum, quo alius ad alterum scriberet frequenter, neque munusculis, cum possent, litterariis amicitiam testari cessarent. Franciscus quidem, quod sciam, nunquam promisso defuit, atque illi non scribere modo, sed et pleaque cuiusquo generis opuscula praesertim poetica identidem missitare non destitit. Si haec caritatis sint eximiae, volo, ut lectoris animus iudicet. Ego ad alia propero.

XXXVIII. E scholae cathedra ad Ecclesiae suggestum Mancra fuit traductus. Is primum ad frequentem populum in templo urbano, quod a Sanctissimo Iesu Nomine nuncupatur, per quadragenas maioris ieiunii serias habuit conciones. Ego ne dotes, quas alibi in Manerianis orationibus numeravi, heic repetam, hoc unum dicam, conciones pro ea tum inventionis, tum tractationis novitate, qua illas Mancra distinguebat, satis auditorum animis mirum in modum fecisse. Hoc enim erat Manerae proprium, ut quae veluti antiquata habuisses argumenta, ea tibi quasi nova praeferret consideranda. Talibus enim, ac tot inventis sententiisque intercidentibus illa ornat, ut nova omnino lux menti ex iis tuo affulgero videretur. Inter ceteras, quas manu scriptas in scapis inveni, eas volui quasi ἐνὶ σχολῇ lectitare, quas *De Matrimonio Catholico* inscripsit. De his enim multos audieram multa memorasse. Revera illae, qualis orator Manera fuerit, ostendunt facile. Eae quidem tres sunt: in prima de officiis sponsorum discribit concionator, antequam Matrimonium ineatur: in altera de Coniugum partibus in matrimonio incundo loquitur: in tertia demum aperit, quibusnam obligatus restet vinculis, qui Matrimonii fidem strinxit Sacra-

E scholae cathedra ad Ecclesiae suggestum traductur.

Conciones de Matrimonio Catholico.

mento. In his ego legendis, miratus equidem sum, quid potuerit Manera cum tanta rei tum theologiae, tum civilis peritia eam, quam prae se fert rei familiaris notitiam sociare. Mihi illae tales profecto videntur, e quibus opusculum Christianis sane perutile concinnari posset. Ne omnia tamen videar laudare, quod meum certe non est, heic non dissimulabo, actionem illam corporis, cui in oratoria exercenda primae, secundae, ac tertiae cum Demosthene sunt tribuendae, fuisse in Manera frigidiusculam. Sed facile excusabitur ab iis, qui meminere, cum multos post annos, quibus in schola docuerat, ecclesiasticum suggestum adscendisse. Ex hoc enim factum, ut eius actio professoriam potius tranquillitatem saperet, quam concitationem illam oratoriam. Id et ipsi viderunt auditores, quando Manera, relicto illo concitatori dicendi genere, quod per quadragenorum ieiunorum dies tenuerat, ad illud devenit tranquillius, et quasi pacatius, sed eruditius tamen, et quasi dignum schola, quod in iis, quae *Sacrae Lectiones* appellantur, usurpari solet. In his enim triumphabat non modo eruditio, atque illa volubilis dicendi copia, qua affluebat Manera, sed et actio ipsa, quae in hisce sacrarum litterarum explanationibus non multum distare a professoria potest.

Eius in Societate
Praefecturae,

XXXIX. Sed iam me tempus monet, ut ad eam vitae partem explicandam veniam, quam in Societatis praefecturis Manera exegit: brevem illam quidem, si meum Sociorumque omnium spectes desiderium; longam autem, si multa, quae perfecit, et plura quae perficienda inchoavit, consideres. Hac tamen in mei commentarii parte mens mihi non est memorandi, nisi quae sunt singula-

ria. Eo enim utar beneficio, quod huius generis scripta concedere auctoribus solent; ut scilicet quo ad finem proximent magis, eo plura possint reticeri, quippe quae e vita iam explicata, ex hominis ingenio iam manifestato facile coniici queant. Manera igitur Novembri mense anni MDCCCXLI Neapolim est missus a Ioanne Roothaano quasi designatus Provincialis Neapolitanae Societatis Praefectus. Heic Theologiae dogmata per aliquot menses ea cum laudis fama publice explanavit, quae tanti professoris nomine digna foret. Ubi autem Provinciam habere perspectam potuit, eam capessivit mense Junio anni MDCCCXLII. Quanta cum Sodalium omnium laetitia atque spe exceptus fuerit homo doctus, prudens, humanissimus, supervacaneum heic esset narrare. Tamen ut, quae dicenda sunt, ordine non careant suo, tria mihi in Manera Socios moderante visa semper sunt singularia. Mira primum regiminis lenitudo, fervens dein cura in studiis praesertim domesticis provehendis, summa tandem diligentia in bono Societatis nomine tuendo, atque omnibus praeclaris operibus amplificando.

*Creatur Neapolit.
Prov. Praefectus.*

XL. Atque horum primum facit, ut heic me tenere non possim, quin Mancram confidentissime illis obiiciam blateronibus, qui Societatis Moderatores calumniantur, quasi spiritum servitutis in ea foverent. Manera ab isthoc servitutis spiritu, quem et Paulus reprobatur (1), et vel inde usque ab Institutionum nostrarum proëmio Ignatius Pater ac Legislator a nostra Sodalitate voluit amandatum (2),

*Quem spiritum in
Sodalibus foveri
vellet.*

(1) Rom. VIII. 15. et 1. Cor. VII. 15.

(2) Part. 1. c. 1. sect. 2. n. 1.

Qualem se Sociis
praestaret.

non abhorrebat modo, sed et illum execrabatur. Is enim amoris spiritum in imo corde habebat quasi natura insculptum. Lenissimis huius spiritus auris volebat, ut quisque ad ea, quae forent agenda, non impelleretur, sed suaviter moveretur. Ad haec is eo regebatur trito prudentiae praecepto, quo omnes virtutibus omnibus existimaret ornatos, verum eos tamen ut homines tractaret. Ex quo fiebat, ut virtutes quidem in Sociis suspiceret, humanitatem tamen observaret, supremum illum rerum omnium imitatus Moderatorem, qui uti hominem voluit terrarum dominum, ita et erga eum quamdam adhibet reverentiam. Haec autem humana urbanaque lenitudo faciebat, ut is omnibus, qui tandem ii essent, affabilem se, amabilem, facilem praestaret. Si quid cui foret negandum, quod raro quidem veniebat, magis ei negantia videbatur dolere, quam postulanti. Adeo enim sibi displicebat, cum quid negaret, ut postmodum te punderet ea postulasse, per quae illum postulata negantem aegritudine afficeris. Cum vero postulata facere se posse crederet, credebat autem saepissime, vix expectabat, ut ea proponeres, cum iam tibi concesserat, quae rogaveras. Ex quo fiebat, ut qui hominis indulgentiam noveras, esses in petendo cautior, non impulsus diffidentia obtinendi, sed verecundo quodam animi sensu, quo benignitate moderatoris facile donantis abutendum tibi non esse per te videres. Ut autem omnibus, quoad posset, satisfaceret, nihil non tentabat. Immo saepe querebatur, et sibi quasi crimini ducebat, suaeque agendi rationi vertebat, atque imprudentiae, quod non omnibus facere aliquando posset satis: dum tamen id, ut facile vides, non tam mode-

ratorum ingenio, quam cuiuslibet societatis indoli sittribuendum. Tamen ipse sollerter investigabat, in quod quisque vel studiorum, vel officiorum genus quasi natura inclinaret, eumque illuc, quantum res paterentur, dirigebat. Ex quo quidem fiebat, ut nemo quae sibi obeunda committerentur munia, ea non alacri promptoque animo exequeretur. Nulli enim illud non cognitum, quod, ubi religiosa animi virtus suavi quodam foederis vinculo cum natura iungatur, nihil fere non possit ab hac amicissima virium conspiratione obtineri.

XLI. Neve tamen quis putet per hanc miram **Ma-** Eius diligentia in
fovenda legum
Soc. custodia. nerae lenitatem remissum unquam fuisse quidpiam illius diligentiae, quae, ut servetur legum nostrarum custodia, per moderatores solet accurari. Vigilabat enim sedulo, et si qua in re peccaretur, matura monitione usus providebat, ne quid laxamenti domesticae daretur disciplinae. Sed non erat, ut forte quis Societatis criminator putaret, inspector clancularius, qui huc illuc oculos coniiceret emissitios, si quid posset piscari quod puniret. Immo si quid de te audisset, ac monere te aliqua de re opportunum censuisset, non ideo rugas vultui temporarias inducebat, vel austerum induebat supercilium ostentaturus precariam severitudinem. Verum, te accessito, a te ipso humaniter sciscitabatur, quid novi accidisset. Re audita, tibi candide aperiebat, quid de te accepisset: dein quasi illa, quae ab aliis sibi delata fuerant, non crederet, tibi aperte manifestabat, quid non factum eo in negotio voluisset: tu, qui tibi rei conscius eras, facile humanissimi monitoris verba intelligebas. Quae lenissima te monendi ratio faciebat, ut errati, in quod forte incideras, non minimum te poeniteret, et ,

quantum posses, in eo omnes omnino nervos contenderes, ut in posterum non denuo errares.

Eius aequanimi-
tas.

XLII. Cum haec tamen narro, nolim omnia tribuas mitissimo hominis ingenio, virtuti autem parum. Immo huic fere omnia tribuenda potius, quam illi. Manera enim animo erat tenero, atque ad quaevis penitus sentienda apprime facto: quare affliciebatur facillime, si quid minus recte factum videret. Affectum tamen premebat, seque in omnibus semper praeferebat acquanimum. Sed quod miraberis, is si quid molestiae ab aliquo pateretur, se adeo continebat, immo ita se cum illo gerebat, ut beneficium insigne aliquod ab eo ipsum accepisse credidisses. Illum enim compellabat hilarius, rogabatque, ut si qua re indigeret, aperiret confidenter. Quod si ille faceret, Manera cumulatissime illius satisfaciebat voluntati. Brevi Manera Sodales non modo ut subiectos diligebat, sed ut filios amabat; atque uti eos ipse amabat, ita et ab ipsis amari discupiebat. Mature enim intellexerat, nullum arctius cuiusque societatis vinculum, nullum firmitus cuiuslibet regiminis columnen esse benevolentia. Quare ut amaretur, nihil non faciebat. Et revera neminem invenisses, qui vecors adeo esset, ut hominem talem ita in subiectos animatum non sicut alterum parentem observaret, diligeret, immo amaret quam tencrime.

Quam curam sus-
ciperet de aegro-
tis Sodalibus.

XLIII. At qui se in omnes Sodales patrem praestabat, is Sociorum qui aegroti essent, mater esse, ac dici cupiebat. Equidem non fallor, si dicam, potiore sui amoris partem aegrotos semper Socios sibi vindicasse. Credebat enim Manera Sodalibus aegrotantibus peculiaria amoris, ac benevolentiae officia non concedi quasi voluntaria

benignitate, sed iure merito deberi. Vincar ne ego, aiebat olim, ab matre, quae si filium domi haberet aegrotantem, nullis parceret curis, impendens nullis, nullis laboribus, ut pristinae eum restitueret sanitati? Nonne vero mater filium Societati tradidit, nonne Societas mihi? Atque heic addebat sententiam sane nobilissimam, quamque ex animo quidem meo nunquam delebo: *Licet aegrotus, aiebat, is esset, qui omnibus viliis cooperiretur, tamen ex eo uno illum omnia caritatis officia mereri arbitrarer, quod paternam reliquerit domum Christum pauperem secuturus.* Quae mira tenerrimi animi pietas faciebat, ut is, cum de Sodalibus res esset aegrotis, nihil non tentaret, ut ii convalescerent. Multa quidem, quae huc attinent, haberem enarranda. Ne nimius tamen sim, pauca capitulatim persequar. Quod primum in officii committendis spectabat, valetudo erat Sodalium. Quare cum variis cuiusque viribus, cum varia locorum, regionumque temperie officia commettebatur, quae dabat obeunda. Immo vix in hisce unquam tractandis non consulebat Medicos, quorum sententiae, licet quandoque plus quam par esset benignae, acquiescebat continuo, suamque mutans mentem illi stabat. Dein Manera morbos, quibus facile implicitum iri Sodales, vel ab laboribus praevideret, quos per officia ferrent, vel ab corporis constitutione, praevenire matura curatione studebat. Quare factum aliquando, ut quosdam traditos Medicis vellet, qui sibi sani viderentur; qui tamen ipsi per se non diu post, morbo ingruente, senserint quantum provido deberent patri.

Qua industria sanitatem defenderet Sociorum.

XLIV. Cum vero provincialia Collegia iuxta I-^{Quid ageret quoad aegrotos; Soc.}gnatianum praescriptum inviseret quotannis, potis-^{cum provincialia}

inviseret Colle-
gia.

simam suae sedulitatis partem sibi vindicabat Sociorum valetudo. Ubi primum in illa pedem inferebat, Rectorem statim percontabatur de Sodalium valetudine. Si bene ille valere omnes reponeret, quasi res quaedam speratissima sibi e sententia cessisset, lactabatur vehementer, ac Rectori summopere gratulabatur, eiusque curae, ac vigilantiae sanitatem Sociorum acceptam referens gratias ei maximas coram omnibus reddebat. Quod si quem aegrotare audisset, mirum in modum sollicitabatur, atque aegrotum ab visitato Iesu sub Eucharistica specie velato secundum conveniebat, suavissimaque adlocutione illum adco recreabat, ut is quasi revaluisse ea die sibi videretur. Cum unum vero quemque singulatim compellaret, quod rogabat primum illud erat, ut si quid forte notasset sive in victu, sive in vitae ducendae ratione, quod existimaret vel noxium saluti ac removendum, vel utile atque comparandum, confidenter proponeret. Quisque sua, uti sit, proponebat cogitata. Audiebat Franciscus, quaeque opportuna crederet, dictante illo, memoriali quodam commentariolo excipiebat, ut posthac cum tempus esset, eorum haberet rationem. Et habebat vero. Suo enim tempore, accitis ad se tum Collegii Moderatoribus, tum Medicis, sollicite eos consulebat, quidnam expediret potissimum, ut valetudo Sodalium, qui eo sub coelo viverent, iisque addicti essent officiis, posset meliorescere. Quae autem audiebat a Medicis, sancta erant: neque facile persuaderi patiebatur Procuratorum ciulatibus, illud Ignatii Patris frequentissime usurpans, quod sacra ipsa, si ferat necessitas, moveri debeant ad salutem Sociorum defendendam. Atque is

ita se quidem gerebat, suaque in agendi ratione exemplum volebat aliis statutum. Ubi enim audiebat, aliquid licet sumptuosum ad sanitatem Sodalis cuiusquam restituendam fuisse non dicam praeceptum, sed suasum a Medicis, statim is iubebat illud quasi necessarium comparari. Si cui mutationem aëris profuturam esse crederent Medici, statim is illuc, quo ii praeciperent, Sodalem non modo mittebat, sed euntem, cum posset, comitabatur. Quare saepe in Beneventanum deduxit quosdam e nostris iunioribus Sociis, qui *φθισιν* laborarent, quosque Medici pro pinguiori aëris crassitudine, illi commissos coelo voluerant. In itinere curabat Manera, ut commodiores in rheda sessiones concederentur aegrotis. Quare is aegrotis semper, plerumque etiam sanis posticam rhedae partem, quae commodior esse solet, occupandam relinquebat, sibi quae anticam, ac temoni propiorem reservabat, licet non minimum exinde caperet incommodi. Quin et pluries, uti ab ipsis habeo aegrotis compertum, voluit, ut in suo innixi pectore, cum in rheda sederent, per iter quiescerent. Ubi autem in locum ventum erat, si matrem suam civitatis illius Medicis debuisset commendare, profecto non fecisset pluribus. E Medicis autem eos volebat eligi, qui suam imitarentur sollicitudinem, hosque prae aliis existimabat, ac diligebat. Hac de causa invenio, eum plurimi fecisse, ac non minimum dilexisse Beneventanum quemdam Medicum Iosephum cognomento Schinosium, ac Neapoli Chirur- gum Dominicum Bergamum, quod ii cum multa artis medicae peritia sollicitudinem vere maternam in curandis Sodalibus sociarent.

XLV. Nunquam vero Manera indignabatur ma- Qua sollicitudine aegrotorum peli-

liones, cum pos-
set, exauditas vel-
let.

gis, quam cum quid Sodali cuiquam aegrotto ne-
gatum audiret. Id ut credas, quod subiiciam certo
faciet. Solebat is per noctem concubiam, cum o-
mnes quiescerent, ad eos visere aegrotos, quos no-
verat per acerbis morbi molestias dormire non
posse. Hos ipse nocturnis solabatur colloctioni-
bus, eisque illos mitigabat angores, quos per noc-
tem, cum omnia silent, tenebrae quasi acerbio-
res reddere videntur. Pro harum allocutionum noc-
turnarum occasione audiit olim ab iuniore quo-
dam Socio, cuius valetudini iam desperaverant Me-
dici, rem nescio quam illi ab Ministro (sic eum
appellamus, qui in nostris Collegiis est alter a Rec-
tore, atque usui rei domesticae moderando prae-
est) fuisse negitam. Rem non tulit Franciscus;
atque illico indignabundus ad Ministrum misit,
qui cum a se iuberet continuo expergisci, atque
aegrotanti illud praestare, quod is postulaverat:
neque prius per eam noctem ab aegrotantis lectu-
lo voluit discedere, quam suis ipsemet oculis re-
cognoverit, illius voluntati satis omnino factum
fuisse. Qui tamen adeo aegris indulgebat, ut ni-
hil fere iis negari pateretur, idem ipse nihil un-
quam sanis concessum volebat, quod valetudini vel
levissime nocere credidisset. Quare neque ipse per
se praesertim iuvenibus eas dabat venias, quas
insalubres, et per iocum *insanas* dicebat, neque
eas per alios moderatores datas unquam volebat.
Atque hoc non auditum sed cognitum narro.

Quendam Soci-
um noctu certo
vitae periculo e-
ximit.

XLVI. Sed qui nocturnarum Manerae circumi-
tionum, quamdiu vivet, nunquam obliviscetur, is
erit profecto Sacerdos quidam noster Gaspar co-
gnomine Ringelsteinus gente Helvetius. Hic in an-
gulo domus remotiore habitabat. Accidit olim, ut

repentino αἰμορραγίας impetu per noctem intempestam correptus multam evomeret sanguinis copiam. Vomitu identidem interquiescente, gemens quoad posset clamabat, si quis eum audiret, eique ferret auxilium. At quiescebant omnes. Casu Manera illac per eam horam transibat. Internissos subaudire sibi videtur gemitus: ad cubiculum accedit: ab ostio auscultat, ac rem suspicatus sinistram in cubiculum irrumpit: spectat, horrescit, sed horrorem premens currit vocaturus Sodallem ab aegrotis: continuo Medicum arcessitum mittit: iubet interim incidi venam, aliaque praestari sanguinem sedantia: cessat paullisper vomitus. Venit interea Medicus: facta probat, alia praescribit facienda; continuo haec praestantur: sedatur sanguis. Dilucescente die alter accedit Medicus: curationem e sententia Medicorum consentiente iubet Manera executioni accuratae mandandam. Paucis: post multos diligentissimae curationis menses Ringelsteinus per Maneram ita revaluit, ut ad officium pristinum, quod est de Helvetiis militibus in Religione procurandis, multa cum illarum animarum utilitate redire potuerit.

XLVII. Haec vero ipsa pro aegrotis Sodalibus sollicitudo faciebat, ut cum morbus aggravescere videretur, plures is Medicos, hosque peritissimos in consilium vocandos curaret, qui inter se deliberarent, quid facto esset opus ad violentiam morbi comprimendam: neque patiebatur unquam ita morbum crudescere, ut accitis tandem Medicis illud pronuntiandum restaret unum, quod de Sodalibus vita esset conclamatum. Hac etiam de causa voluit, ut Medico Neapolitani Collegii ordinario et alius extraordinarius adderetur, ut si qua for-

Quid ageret Neapoli, ut Sociorum salus tutius procuraretur.

te in morbis curandis dubitatio exoriretur, nihil nisi e duorum sententia Medicorum in unum coniurante deliberaretur. Quare Aloisio Aiello viro sane artis medicae perito, ac de Neapolitana Societate optime merito adiunctum ipse voluit Medicum civitatis principem Raphaëlem Capobiancum, hominem iis doctrinae, iudicii, lenitatis, urbanitatis, munditiei, rectae elocutionis, summaeque praestantiae dotibus praeditum, quas in Medico requirit Hippocrates (1). De quo quidem eo libentius honestam haec volui factam mentionem, quod sciam, Maneram pluries eius peritia, ac sollicitudine ex illo ipso morbo convaluisse, cuius tandem violentia victus debuit occumbere. Et Manera quidem ipse beneficii memor saepe fatebatur, Doctorem se Capobianco secundum Deum vitam debere; quod is suis curis mortem sibi non semel impendentem retardasset. Sed ut ad rem revertamur, multus lectori fortasse visus fuero in iis memorandis, quae Manera pro aegrotis Sodalibus iuvandis agenda sibi putabat, et re agebat ipsa. Verum me digressionis non poenitet. Fateor enim Sodalium aegrotorum curationem mihi semper in caris Societatis nostrae rebus fuisse carissimam. Quare cum hominem habuerim laudandum, qui nihil ea in re desiderandum reliquerit, plurima vero exhibuerit commendanda, non potui me tenere, quin in eximiae suae caritatis laudibus prosequendis essem longiusculus.

Quo ardore studia cuiusvis generis proveheret in Prov. Neap.

XLVIII. Venio nunc ad alterum quod enarrandum caput mihi proposueram, idque de studiis est a Manera Neapolitanae Provinciae Praefecto sedula semper industria proVectis. Manera uti homo erat

(1) Περὶ εὐσχημοσύνης π. V.

doctus, ita et in aliis doctrinam amabat. Virtutibus enim, quibus conscius quisquam sibi est se ornari, et alios ornatos cupit, cumque potest ornandos curat. Deinde Manera vere intellexerat, nulla aetate magis Sodalitati nostrae doctrinam cuiusque generis esse necessariam, quam ea qua vivimus; cum plures forte, quam superioribus temporibus sint doctissimi in quavis civitate viri, apud quos Societatis existimatio sit sustinenda. Praesertim cum in tempora inciderimus, quibus licet multa veris falsa admisceantur, cum de humani ingenii progressu sit sermo, tamen tumet non diffiteberis ipse, aetatem hanc nostram in pluribus doctrinarum capitibus multo ulterius, quam anteaetas aetates esse progressam, ac plurima adhuc conari, quibus spes est, longius eam esse multo progressuram. Id videbat Manera: quare, quantum poterat, atque ei licebat, factis potius, quam verbis, studia, cuiusmodicumque ea forent, quae cum institutionibus nostris starent, mira provehebat sedulitate. Si de Sodalibus iam provectoribus aetate sermo, iisque, qui instituendae sunt iuventuti, eos Manera sedulo cohortabatur, ut omni doctrinarum genere instructi existimationi consulerent Societatis. Quare volebat, ut eis tempus concederetur, quod studio darent, neque patiebatur, ut hoc eis quovis officiorum genere adimeretur, quod a studiis esset alienum. Optabat ille quidem, ut Professores, cum possent, vel excipiendis confessionibus, vel vinctis in carceribus visitandis, vel concionibus ad populum habendis aliquid temporis commodarent: verum nolebat tamen, ut studiis quod deberetur, detraherent. Eis quoque animos faciebat maximos, excitabatque ad opera in qualibet

facultate componenda, eaque in iuventutis commodum typis vulganda. Si quis vero suis responderet cohortationibus, nil ipse non moliebatur, ut opera, cuiusvis essent studiorum generis, eventum sortirentur optatum. Non enim Manera ex iis erat, qui unam illam videntur magni semper facere, atque unice fere deperire facultatem, qua valere se aliquid putant. Is enim facultates, quaecumque essent illae omnes, omniaque litteraturae capita uno veluti amore complectebatur. Neque quod Mathesi esses addictus, Theologus homo ac litteratus tibi favebat minus. Immo ab homine, qui facultati tuae perditae fuisset deditus, favorem fortasse ampliorem frustra sperasses.

Praesertim in domestica iuventute.

XLIX. Sed illud, in quo magna quidem mihi copia offertur dicendi, studium certe est, quo Manera ad omne doctrinarum genus incredibili sane sollertia, atque industria domesticam stimulare iuventutem solebat. Neque facere aliter, ut opinor, poterat. Homo enim, qui quantum sciret, totum pene favori debere se noverat, quem ipsi iuniori, atque adhuc in spem succrescenti praestiterat Andresius, qui poterat non bene simul novisse, nihil fere posse ab viro sperari, cui iuveni non arriserit favor? Nihil hoc certius illi erat. Solebat enim iuvenes tenerrimis quibusque plantulis comparare, quibus si humorem neges, brevi sine dubio illae arescent: quemque ex iis certo tibi pollicebaris fructum, certo eum tua incuria amittis. Quodque is de favore iuvenibus praestando sentiebat, aliorum animis inculcatum volebat maxime. Saepe Andresii memorabat exempla, atque ab Andresio ad alios plerosque insignes vetustae Societatis homines progressus ostendebat, illos semper

domesticam iuventutem tamquam Societatis spem habuisse, atque in ea illud doctorum hominum semen propagandum curasse, quod ad ultimae usque Sodalitatis dissolutionem nunquam germinare non destitit. Quin et addebat, nulli favorem sua sententia magis esse necessarium, quam Sodalitatis nostrae iuventuti, quae a profanis saeculi plausibus aliena nihil, si hominem spectes, humani habet stimuli ad studia alacri animo persequenda. Qui tamen stimulus quantum in rebus humanis animo addat alacritatis, vix quid sapis, si per te non perspicis. Id quoque volebat Manera, ut mature discerent sentire iuvenes. Non poterit enim, aiebat, favere olim iuventuti qui iuvenis, quid fuerit favor, nunquam didicerit.

L. Qui in nostram studiosam iuventutem ita erat animatus, quid ad eam stimulandam non tentaret, vix scires. Mature providebat, ut qui eam instituere deberent Professores, omnes pene in ea, quam profiterentur, facultate numeros haberent, licet quandoque pro rerum necessitate non minimum hoc ipsi staret. Studiosis vero iuvenibus negatum quasi nihil volebat, quod studiis iuvandis foret idoneum. Bibliothecas cuiusvis classis proprias libris instructas volebat omnibus non modo necessariis, sed et quantum fieri posset, utilibus. Novisse enim sciverat, multos esse libros, quos si in praesentia utiles tantum tibi esse credas, brevi eosdem ipsos futuros tibi necessarios sentias. Quare saepe inter annum a Sodalibus, qui essent a bibliotheculis, percontabatur sollicitè, si qui considerarentur libri vel necessarii, vel perutiles, qui forent comparandi; ac re audita, et iudicata, statim quos crederet opportunos iubebat comparari.

Hanc omnibus instrumentis studio opportuna iuvat.

Neque bibliotheculis solum providebat; sed si quis pro studiis, quibus privatam daret operam, libris egeret singularibus, horum Manera non erat avarus; neque semel mihi aliisque comparavit libros, quos nunquam me aliosque habituros dixisses. Quod autem is faciebat, et ab aliis factitatum volebat Moderatoribus. Cumque Collegia viseret Provinciae, Bibliothecasque inspecaret, nunquam non iubeat, ut librorum supellex adaugeretur. Quos vero libros aut libellos is dono accepisset, eos iuvenum bibliotheculis distribuebat; ea tamen conditione, ut aliquid ii vel prorsa, vel versa scriberent oratione, quod ipsi quasi in actionem gratiarum offerrent. Et factum aliquando, ut pro horum munusculorum occasione non incomptae concinnarentur lucubrationunculae, quae in coetu academico inter domesticos parietes coacto potuerint a iuvenibus ad seniores Sodales recitari.

Domestici conventus academici.

LI. Atque heic cum de domesticis hisce conventibus academieis inciderit sermo, nolo praetere, saepe eum iuventutem nostram ad illos stimulasse frequentandos. Argumenta ipse proponebat, in quae quisque, quod liberet, componeret: plerumque illa petebat e nostris historiis, ut, domesticis exemplis iuventuti propositis, ea alacrius ad illa excitaretur imitanda. Neque unquam obliviscar, hac eum de causa proposuisse olim nobis celebrandas privatis carminibus laudes Sodalium, qui in Provincia Neapolitana ab orta Societate ad eam deletam tum litteris, tum Religione floruerant. Lucubrationes vero ipse per se volebat cognoscere, ac iudicare; neque ex eo severa minus utebatur censura, quod privatim recitarentur. Immo ex iis, quid cuiusque humeri valerent, quidve ferre

recusarent, quasi intendebat arbitrari, ut ea, cum opus esset, notitia uteretur. Qui profecto finis iuvenibus non incognitus calcar addebat currentibus, neque eas minori elucubrare studebant sedulitate, quam si typis essent committendae. Recitatio autem, uti et lucubratio, sicuti sua non carebat censura, ita et praemio non destituebatur suo. Academicis enim iuvenibus ad cubiculum accitis, atque in orbem dispositis praemiola, quae ad studia perutilia forent, sua distribuebat manu; sed inter distribuendum unicuique indicabat, quid in eius lucubratione probasset, quidve alias vitandum esse illi crederet scribenti, quid recitanti. Nonne heic Andresii vides imitorem (1)?

LII. Sed illuc revertor. Nil proderis iuventuti, si libros des, tempus autem, et consilium neges. Utrumque Manera iuvenibus dabat largiter. Quare si quotidiana religiosae vitae officia excipias, iuvenes studiis addictos iis omnibus volebat muniis exemptos, quae cum studiis nihil habent commune. Nulla iuvenis querela ipsi videbatur illa aequior, qua quis tempus suis negatum studiis esso quereretur. Si quid vero cui extra committeret, extraordinarium quoque illi tempus concessum volebat, ne quid detrimenti in studiis caperet ordinariis. Ad consilium vero quod spectat, eo indigere quam maxime iuventutem videbat. Verum eam tamen nisi consilio seniorum Sodalium, eorumque omni fere disciplina instructorum non permittebat. Si vero eum adires consilium ab ipso petiturus, libentissimus dabat. Te primum interrogabat, quodnam studiorum genus fueris antehac sectatus alacrius, in quodque inclinares lubentius; tuisque dein-

Iunioribus Sodalibus tempus in studiis, et consilium datum vult.

(1) Recole quae narravimus pag. 9.

de responsis consilia aecommodabat sua, teque eo dirigebat, quo vidisset facilius te, atque utilius perventurum. Indicabat quibus posses ad *σχορὸν* aptis uti instrumentis: libros quos consuleres utiliter: Magistros quos adires cum fructu: res quas cum emolumento adnotares. Uno verbo ut rem expediam, plus quidem utilitatis ex eius percipiebas consilio, quam e propria annorum plurium, atque errantium experientia. Si quis vero iuvenis novi aliquid in studiis vellet conari, non eum illico ut superbum, aut audacem traducebat: verum audito iuvenis consilio, si id ipsi non improbandum, neque spernendum videretur, non modo illum ab initio non revocabat consilio, sed et ad illud ineitabat. Noverat enim Manera probe discernere quae superbiae essent, et quae ingenii: quare illam frenare curabat, hoc non opprimere. Cum vero aliquid cuiquam recensendum committeret, nullam recipiebat censuram nisi multis probatam rationibus. Vix enim censoris auctoritate fidere videbatur, licet eum faceret plurimi. Itaque factum saepe, ut lucubrationibus ipsis censura probationibus instructa suis proluxior evaderet. In re praesertim litteraria, si ei dixisses: vocola haec sermonis puritatem non sapit, isthaec loeutio latina non est, aliaque id genus, continuo a te petebat, quicquid fretus argumentis id pronuntiaret: et quaedam aliquando mutua instituebatur contentio, quousque res in oculis poneretur. Cumque ego olim essem, ut iuvenibus usuvenit, in asserendo facilius, acriter me reprehendit, inquiens, nihil se existimare difficilius, cum de linguarum notitia agitur, quam affirmato definire, utrum vox quaequam aut locutio pura sit, an minus.

LIII. Dum animo illuc Manera totus intende-
ret, ut domestica quaeque studia ferverent, is con-
silio quidem uno, unaque opera publicis externae
iuventutis studiis prospiciebat. Id quod non est tibi
ut probem: nam facile vides. Cum enim nostra
Sodalitas in principibus princeps illud habeat munus,
quo iuventuti bonis disciplinis omnibus instituendae
vacet, quicquid fere in Sodalibus doctrinae est,
id in iuventutis commodum derivatur. Immo et ipse
studiorum fervor quasi in iuvenes ipsos transmittitur.
Quod ita verum iudico, ut ferme ab eo in studiis
fervore, qui in iuventute scholas nostras frequentante
deprehenditur, de domestico coniecturam facere vix
diffiderem. Fieri enim non potest, ut qui studia
peramet, studiosos quoque alios reddere non curet.
Confessa quidem res est, atque apud omnes manifesta,
Magistros qui studiorum sint amantes, studiorum quoque
amorem discipulorum animis sensim instillare. Sunt
enim adolescentulorum animi cerae non absimiles molli,
in quos Magister non alienam, sed suam necopinans
inducit formam. Id ego sum expertus ipse, cum
iuventutem litteris instituerem. Pluries enim
adolescentium animos ab nugis potui revocare,
atque ad studia etiam severa convertere, non
Orbilium agens plagosum, (hanc enim artem cum
iuventute exercere nondum didici) sed exemplo
potius, quam verbis eam ad amorem studiorum
hortatus.

Pari ardore
externam ad studia
excitat iuven-
tutem.

LIV. Regente igitur Manera Neapolitanae So-
cietatis Provinciam, ac domestica studia ea, qua
diximus, sedulitate provchente, Gymnasia, Aca-
demiae, Scholae studiis omnibus florebant. In Theo-
logicis, Philosophicis, ac Mathematicis disciplinis

Quantum eo Prae-
fecto studia om-
nia in scholis pu-
blicis ferverent.

fervebat studiorum ardor. Mature curavit Manera, ut in hisce facultatibus persequendis discipuli destinatis uterentur, iisque accommodis institutionibus: nolebat enim, et sapienter quidem, ut adolescentes hac illac, hoc lectitantes atque illud, semper tentabundi vagarentur. Quare institutiones tum Philosophiae, tum Matheseos, quas harum facultatum Professores conscripserant, typis mandandas studuit. Quo sane consilio iuventutis utilitati prospicere melius profecto non poterat. Quae vero industriae adiumenta sibi adscisceret, quae ad studia severiorum disciplinarum provehenda forent aptissima, nemo fortasse, quam ipse melius noverat, qui tot iampridem annos Romae fuerat studii regundis Praefectus. Si qua haberetur inter mensem, uti mos est, disputatiuncula, ei semper volebat interesse, suaeque praesentia non condecorare modo academicum illum coetum, sed et iuvenes excitare laudibus, eosque ad maiora usque audenda vehementer inflammare. Quae autem sub anni scholastici exitum faceret, ut adolescentes, si qui essent experrectioris ingenii, atque ad apte disceptandum exercitatiores, publicis committerentur disputationibus, Professores noverunt. Id ego dicam unum, annum cessisse nullum, quo ad confertissimum litteratorum hominum conventum aliae de aliis disciplinis non habitae disputationes fuerint, caeque non minimum placuerint. Quas vero disputatoribus adolescentibus laudes impertiret Manera, quosque eis faceret animos non verbis modo, sed praemiis, tu conii cito per te.

Exercitationes
publicae.

Dialogi philosophici.

LV. At haec forte quibusdam videbuntur communia. Habeo tamen quid in huiusmodi exercitationibus narrem, quod uni Manerae tribuas. Is

viderat, illud disputandi genus, quod subrustica quadam severitate indutum a *forma* nescio qua appellitari consuevit, aliquibus huiusce aetatis ingeniis liberalioribus atque politioribus minus arridere. Sunt enim quibus tum veritatis adspectus placet, cum gravis ille sit, sed non severus, et sin minus pulcher, at non deformis tamen. Neque indignaberis. Tritum est adagium: *trahit sua quemque voluptas*. Quare Manera aliud disputandi genus induxit, amoenius quidem illud ac venustius, sed vi tamen non carens sua. Auctor ergo fuit philosophicae disciplinae Professore, ut opportunum quoddam e Philosophiae placitis optaret caput, idque italo idiomate in dialogi modum exponeret, expositumque daret recitandum more academico tribus quatuorve adolescentibus ad gestum docte institutis. Quam sibi Manera expectationem ex hoc disputationis genere fecerat, exitus profecto cumulatissime complevit. Dialogi enim philosophici plures perpetuos annos affabre elaborati ab clarissimo Sodali Matthaeo Liberatore, atque ab strenuis adolescentibus optime pronuntiati, mirum dictum est, quantum doctis eruditisque omnibus quibusque viris, qui frequentissimi semper adfuerunt, probarentur (1).

LVI. Neque his Manerae sollicitudo se conti- Novae institutae scholae.
nuit curis in studiis severioribus provehendis. Plures namque scholas, alias in aliis Provinciae Collegiis, voluit institutas, qucis non sine detrimento

(1) Hortatu, immo rogatu plurimorum hominum doctissimorum, dialogi, quos memoravimus, in vulgus fuerunt emissi Neapoli typis Tramaterianis; neque minus cum lecti, quam cum auditi fuerant, placuerunt. Eis Auctor hos fecerat titulos: *Il Panteismo Trascendentale* — 1844. *Del dritto sulla vita* — 1845. *Il Progresso* — 1846.

studiosa carebat iuventus. Is itaque in Collegio Beneventano, quod secundum a Neapolitano dices, si urbis dignitatem, atque auditorum frequentiam spectes, Iuris Canonici institutiones tradendas iussit. In Neapolitano autem non Ius modo Canonicum edocendum, quod desiderabatur, sed et Historiam Ecclesiasticam enarrandam, et Sacrae explicanda Eloquentiae praecepta clericali curavit iuventuti. Nec divinis modo disciplinis consultum voluit. Praecepit enim, ut qui duos iam annos Philosophiae fuissent continenter operati, ii e Gymnasio prius non discederent, quam quae fuerint recentiorum Philosophorum methodi, quas vocitant *Systemata*, et historice discerent, et critice examinerent. Atque hac de causa illius aperuit disciplinae scholam, quam a Philosophia *Historico-critica* voluerunt nuncupatam.

Quantum litterarum studia proveheret.

LVII. Verum ne suspiceris, Maneram ita animum ad severiores provehendas disciplinas applicuisse, ut litteraria studia languescere pateretur. Id profecto nunquam ab homine timebis, qui litteris olim fuerit quam maxime delectatus. Ex eius enim animo nunquam, quantum coneris, litterarum amorem exterere possis. Re quidem vera ubi Franciscus Provinciae Praefectus fuit renuntiatus, atque adolescentuli, qui litteris student, a Magistris audivere, quem benignissimum sortiti essent studiorum patronum, ii quasi reviviscere visi sunt. Cumque ego olim meis manifestassem discipulis, qui humanioribus litteris operam dabant, qualem se in Taurinis iuventuti praestitisset Manera, tales sumpserunt animos, ut ardua quaeque in litteris tentare iam se posse, eo Maccornate, sibi pollicerentur. Profecto graecae, latinae, atque i-

talicae litterae provectae ab homine illis bene ex-
culto mirum in modum in Collegiorum scholis om-
nibus florescebant.

LVIII. Quod ad graecas attinet, praeterquam Quo fervore ad
studia graecitatis
juvenes excitaret.
quod acriori quo posset incitamento Magistros ex-
timulabat, ut illas in scholis proveherent, quippe
quae sint omnium fere pulcherrimarum litterarum
procreatrices, voluit et ludum Philologiae grae-
cae proprium aperire, quem Rhetorices auditores
quotidie frequentarent, eamque peculiarem littera-
turae graecae operam navarent, ex qua maxima in
reliquis litteraturae partes commoda derivantur.
Immo et Philologiae graecae ludo scholam *Ἀρχαία* Aperit Ἀρχαία-
λογία ludum.
ολογίας voluit adiectam, quam ipse primus in Col-
legio Neapolitano instituit, ut et Gymnasii dignita-
ti consuleret, atque utilitati iuvenum studiosorum
prospiceret in urbe versantium, quae vetustis tum
graecis tum latinis nedum abundat, sed scatet mo-
numentis. Non minima vero putabis specimina,
quae de graecitatis studio adolescentuli praesertim
Rhetorices studiosi sub anni exitum exhibere iden-
tidem soliti fuere, Manera eos excitante. Ut enim
alia omittam, nunquam defuere in Neapolitano
Collegio, qui solidum Homeri poema et italice
vertendum ex tempore, et ad critices normam re-
texendum illud atque expendendum audacter sus-
ciperent. Alii quoque alibi idem vel in Demosthe-
nicas, vel in Isocrateas orationes praestare non
dubitarunt. Immo et in nostro Collegio Salentino,
quod in extrema est Apulia situm, adfuit olim a-
dolescentulus,

Pindarici fontis qui non expalluit haustus,
cum Pindarum non solum facillime commentare-

tur, verum et eius carmina non pueriliter imitaretur.

Mirum in modum
latinis favet lit-
teris.

LIX. De latinis vero litteris ab Manera provectis malim tacere, quam pauca dicere. Vix enim quid dicerem si narrarem, Maneram ad earum studium ita juvenum animos incendisse, ut illi, qui hisce praesertim temporibus ab latinitate quasi abhorreere videntur, maximi eam facere, ac vehementi prosequi coeperint studio. Manera patrocinium latinitatis sibi suscepisse visus est. Cupiebat, ut studiosi latinarum litterarum discipuli mature assuescerent internoscere, ac probe discernere propriam cuiuscuius vocis vim, ac potestatem. Tenebat enim, hanc notitiam sane difficillimam eam esse, quae venustum illum latinitatis colorem scriptionibus inducit, quo is distingui stylus debet, qui latinus dici velit. Neque cessabat Praeceptores monere, ut in eo omnes intenderent nervos, ut discipulis radices vocum, differentiasque verborum enuclearent, eosque docerent modum, quo modo ipsi per se idem praestarent. Nec semel obtigit, ut is discipulos hac in re tentaret. Si qui enim ipsum adirent lucubrationunculas ei latinas oblaturi, multa eos de vocum potestate, de purioribus latinitatis locutionibus interrogabat. Cum vero latinorum Auctorum opera explanarentur, vel dictata, uti fit, in scholis proponerentur vernacula latine vertenda, illud ab Magistris volebat imprimis obtinere, ut omni, qua possent, opera pro suis quisque viribus conarentur eum discipulorum animis instillare latinitatis sinceræ saporem, qui aureum æ-

Ad eas provehen-
das Antiquitatum
Romanarum stu-
dia in scholis fo-
vet

rum ab ceteris aetatibus tantopere discriminat. Hac de causa optabat, ut adolescentuli mature discerent magni facere Romanarum antiquitatum noti-

tiam, qua nihil esse aptius ad latinas litteras brevi, facile, ac probe addiscendas credebatur. Quare iussit, ut in humaniorum litterarum ludis peculiaris haberetur Romanarum antiquitatum ratio. Aiebat enim illas clavi posse non incommode comparari, qua latinitatis totius thesauri recludi facillime queant. Et recte vero. Nunquam enim, ut ego opinor, neque si sapis tu aliter opinaberis, nunquam is propriam absolutamque latinitatis adsequetur notitiam, qui latinae antiquitatis res vix primoribus, ut aiunt, labris attigit. Quo enim pacto tibi met persuadebis, probe te auctorum intellexisse opera, qui tertio quoque verbo ad mores, ad leges, ad instituta, ad ritus vel superiorum, vel eorum, quibus vivere, temporum tuam revocant mentem? Id ego velim Praeceptorum omnium animis penitus inculcatum, quod saepe meo inculcabat Manera, ut tantum scilicet existimarem discipulos in latinis profecisse litteris, quantum eos in latinarum antiquitatum cognitione viderem profecisse.

LX. Cum vero latinae antiquitatis studia non minimam facessant adolescentulis difficultatem, modum invenit Manera aptissimum, quo illa non tantum absque taedio, ac molestia, sed et multa cum delectationis voluptate, maximaque cum utilitate erudirentur. Utque excogitationis sollertissimae, atque homine doctissimo dignae inventionem probes, rem paullo altius repetam. Manera cum Andreasianus esset alumnus, ac coetus illos frequentaret academicos, quos Rosinius Episcopus Puteolanus in suo Seminario identidem cogebat, ut ante diximus, saepe fuerat venustissimarum Comoediarum spectator, quas per baccanales ferias doctus Praesul tum

Ad id actionem
Comoediarum in-
stituit latinarum.

ad animorum relaxationem, tum ad litterariam utilitatem suis ephebeis alumnis agendas dabat (1). Harum igitur fabularum latinarum memor *Manera*, quarum actione, ac spectatione animi antiquarum rerum notitiam necopinantes multa cum iucunditate discunt, auctor mihi fuit, qui easdem olim in Putcolano Seminario spectaveram, ut manum operi admoverem, si forte huiusmodi quid possem tentare, quod adolescentulis in scena agendum darem. Eius desiderio adnissus sum pro virili obsequi, atque anno MDCCCXLV agendam dedi lectissimis adolescentulis, atque ad scenam solleter institutis primari e Plautinis quas scripsi Comoediis, romano quantum licuit more indutam, quam *Minerval* nuncupaveram. Haec fabula cum acta primo ac secundo non displicuerit doctis plerisque viris (2), quorum multi ex aliis Italiae regionibus Neapolim per eum annum pro septimi Italorum Sapientum conventus occasione convenerant, animos sumpsi, alteramque anno MDCCCXLVI Romanam Comoediam dedi spectandam, quam *Aleariam* inscripseram. Utrum haec quoque fabula quater spectata non ceciderit, sed recto steterit talo, heic narrare meum esse non debet (3). Fortasse tu per temet coniiicies, si quando plurium tum amicorum, tum aliorum doctorum hominum postulationibus fieri satis poterit. Dicerem tamen, quantum *Manerae*

(1) Confer latinum commentarium de vita Rosinii, quem supra memoravimus, nec non opusculum, cui titulus — *Elogio storico di Mons. Rosini Vescovo di Pozzuoli. Napoli dalla Stamperia reale 1841* — quod exaravit Prosper de Rosa doctus Eques Neapolitanus, Rosinii familiarissimus.

(2) Lege, si lubet, Neapolitanas Ephemeridas an. MDCCCXLV. mens. Nov.

(3) Confer, nisi negotium, Diarium regni utriusque Siciliae, d. v. Oct. an. MDCCCXLVI.

consilium et auctoritas hac in re mihi profuerit, nisi de me ipso simul esset dicendum, quod prorsus non est necesse. *Itaque*, quod de Lucullo Tullius et ego heic usurpans, *privabo illum potius debito testimonio, quam id cum mea laude communice* (1).

LXI. Verum quod totum Manerae tribuere debes, non est cur taceam. Opprimerem veritatem, nisi aliquid dicerem de utilitate, quam ex isth^o exercitationis genere ab Manera inducto iuventus studiosa percepit. Non me latet, fuisse vetustae Sodalitatis nostrae morem, ut quotannis adolescentulis scholas frequentantibus fabulae latinae darentur agenda (2). Noverant enim doctissimi, ac sapientissimi illi Maiores nostri, quot quantaque ex huiusce exercitationis genere in iuventutem commoda derivarentur. Neque ii noverant tantum. Illud enim Ecclesiae Gallicanae lumen Bossuetus hanc Iesuitarum consuetudinem perpendens, eam non potuit non vehementer probare (3). Immo, quod nunquam profecto sperasses, ille ipse Philosophiae instaurator Baconus a Verulamio spectacula scenica a Iesuitis studiosae iuventuti permissa quam maxime commendabat, ob utilitates sane plurimas, quas inde illam perceptum ire aiebat (4). Non i-

(1) Acad. prior. lib. II. Cap. I.

(2) Vide sis historiae Cretinavii — Iolyi saepe memoratae vol. IV. cap. III. pag. 227.

(3) Consulo, si vacat, *Maximes et Réflexions sur la Comédie* in vol. XXXVII. pag. 603. operum omnium edit. paris.

(4) Digna sunt, quo heic legas, verba Baconi: *Non abs re fuerit notare facultates vel mediocres, si in magnos viros aut res magnas inciderint, graves et insignes interdum producere effectus. Eius rei ponemus exemplum memorabile: quod eo magis adducimus, quia Iesuitae eandem disciplinam non videntur aspernari, sano, ut nobis videtur, iudicio. Atque est res, quae si sit professoria, infamis est; verum disciplinaria facta, ex optimis est. Intelligimus autem*

gnotae quidem sunt latinae tragoediae Stephonii, Caussini, Ruaci, Carpani, comoediaeque Dusygni, aliorumque Sodalium, quae tum Romae, tum in Galliis saeculo XVII ac XVIII decies repetitae placuerunt. Tamen non celabo quod sentio. Manera mihi visus est melius consuluisse iuventutis commodo. Illi enim latinas dedere fabulas, sed non romanas. Iuventus non romanae antiquitatis mores discebat, aut ritus, sed unam latinitatem; si discebat quidem: difficillime enim quae romana non sunt, cum latina facis, romana civitate donantur. Quod si romana tractes, non tu linguae, sed lingua tibi serviet. Id Manera vidit, immo persensit, noluitque agendas iuventuti alias dari fabulas nisi romanas. His enim nihil esse aptius existimabat tum ad illum venustae latinitatis saporem animis imbuendum, tum, quod ipsi caput erat, ad antiquitatis romanae eruditionem rite adsequendam. Quod enim, aiebat, vix multos post studiorum annos discipuli in scholis aegerrime discunt, id in ludo scenico brevi non discunt modo, sed agunt. Nec fallebatur. Suam enim opinionem cumulatissime probavit effectus. Maxima afficiebatur voluptate Manera, cum videret, adolescentulos per hanc exercitationem eo devenire, ut de ritibus, de disciplina, de moribus, de legibus, de factis illustribus Romanorum apte disserere possent. Laetabatur vehementer, cum audiret adolescentulum de Romana Comoedia docte loquentem, eaque sive Praetextata, sive Tabernaria, sive Atellana, sive Pla-

Actionem theatralem: quippe quae memoriam roborat, vocis, et pronuntiationis tonum, atque efficaciam temperat; cultum, et gestum ad decorum componit, fiduciam non parvam conciliat; denique oculis hominum iuvenes assuefacit. De Augm. Scient. lib. VI. cap. IV.

nipedia. Iueundissimum ipsi accidebat hunc de prologo, de actibus, de seenis, de metris comicis disputantem audire; illum de theatro, deque eius seena, proseenio, pulpito, orchestra, thymele, postseenio, neenon de sedilibus, de euneis, de praecinctionibus, de porticibus dissertantem. Suae inventionis utilitatem recognosebat Manera in discipulis dicentibus de scena versatili vel ductili, de aulaeis, eorumque demissione, subductione, complicatione, de aris in seena collocatis, de signis, de machinis, deque harum speciebus, ac de omni, quo Romani utebantur, choragio. Gratum ipsi erat, nec tibi forte esset iniueundum sermonem ab adoleseentulo accipere de personis tragicis, de comicis, de mimicis, de tritonieis, de pantomimicis. Sibi gratulabatur, eum videret, se fuisse auctorem, ut adolescentes adhuc dum impuberes docte de re agerent vestiaria; non ineoneinne loquerentur de togis, quibus in agendis fabulis induebantur; apte de illarum gestatione sermoeinarentur: de tunieis dicerent, earumque speciebus, de subligaulis, de soccis, aliisque innumerabilibus, quae vix ab homine praestari possunt, qui libris palluerit, ac studiis insenuerit. At isthaec utilitas litteraria licet tanta, Manerae tamen multo minima erat prae illa, quam is maximam existimabat; ea seilicet, qua iuvenes fabularum romanarum aetores vel spectatores dignitatem illam gravitatemque latinam sensim necopinantes induerent, eorumque animi ab nugis iuvenilibus ad seria converterentur.

LXII. Cum hactenus tibi Maneram exhibuerim Studio non impari italicae favet litterae. in latinitate provehenda studiosissimum, fortasse credidisti, illum latinis litteris prius consuluisse

ac potius, quam italicis. Si id velis credere, non repugnabo, cum mihi mens non sit rem definienti. Dicam tamen, Manerae animo alte illud fuisse insculptum, quod Iuvenalis aetate reprehendebat sua, dum caneret

. *Omnia Graece,
Cum sit turpe magis nostris nescire Latine* (1).

Quae valis satyrici verba in eos Manera putabat bellissime quadrare, qui tantam dant talemque operam litteris latinis, ut prorsus negligant patrias. Si enim illas scire decorum est, has ignorare pudendum. Nimis longus essem, si omnia viritum ea persequi vellem, quae Manera ad italarum litterarum studium provehendum iussit curari. Possem tamen apud te, quem reliquam huiusce vitae partem legisse credo, uno prorsus verbo rem expedire, si tibi dicerem: animo reputa, quis in Taurinis fuerit Manera. Verum ne rem hanc intactam prorsus relinquam, iuverit heic aliqua velligatim, et quasi saltuatim adnotare. Manera igitur nihil Magistris commendabat vehementius, quam ut curarent sedulo, ut vernaculae linguae studio quotidiana opera in scholis daretur. Postulabat non sine aliqua severitate, ut quae vel de Graecis verterentur, vel de Latinis, sermonem, quantum fieri posset, saperent purgatissimum. Si in scholas descenderet visitaturus discipulos, quod primum faciebat, illud erat, ut eos in vernaculae linguae notitia tentaret: et facillime homo sagax odorabatur, si quid hac in studiorum parte negligeretur. Iussit, ut saepe inter hebdomadam discipulis vel narratiunculae, vel epistolae, vel descriptiones,

(1) Sat. VI. v. 187 et 188.

vel declamationes italicae darentur lucubrandae. Voluit, ut in iis, qui ab Rhetorices auditoribus celebrari identidem academici solent conventus, multus esset locus lucubrationibus italicis datus. Curavit etiam, ut rhetorici discipuli italicae poëseos exercitationibus non parum commodarent temporis. Quare accommodas concinnari iussit συλλόγας, quae lectissima quaedam illustrissimorum vatum italorum referrent poëmata, quibus opportune atque utiliter iuventus uti posset studiosa. Dantis autem Aligherii studium quanta potuit contentione provexit. Verum tu id expectabas ab homine, qui unum fere Daitem uti verum admirabatur Poëtam. Manera iuvenes exstimulante ad scrutandos Aligheriani poëmatis thesauros, factum est, ut in pluribus Neapolitanae Provinciae Collegiis, anno studiorum exeunte, plerique lecti adolescentes voluerint ingenii sui facere periculum in explananda *Divina Comoedia*, eiusque abditis sensibus explicandis, ac linguae patriae veneribus distinguendis. Ut paucis omnia, quae ad italarum litterarum studium spectant, complectar, Manera in iis provehendis illud sibi visus est praestituere, ut eruditio quaevis sive graecitatis sive latinitatis tum vernaculae linguae cognitioni absolvendae, tum italico stylo informando serviret. Phaleratus enim, aiebat, esse poterit, comptulus, et politulus eius stylus, qui graece nihil, latine autem vix scit, tamen nervosus, gravis, illustris erit nunquam. Atque in id addebat nullum fere fuisse scriptorem italum, qui italice scripsisse vere dici posset, qui-que graece, vel sin minus graece, at latine nesciverit: immo eos plus nervorum in patrias transfudisse scriptiones, qui has vel graecitate corro-

boraverint, vel latinitate. Quod profecto quo in loco italas litteras esse vellet Manera, facile ostendit. Quanti enim aliquid fiat, ex eo distinguitur facile, quod nobilia illustriaque ad illud obtinendum adhiberi velint instrumenta. Ille sane illa forent addenda, quae egerit Manera, ut studia tum Geographiae, tum patriae historiae serverent in Gymnasiis. Sed brevis commentarii angustiae me cogunt ad tertium, quod pollicitus sum caput, transire, quodque est de mira tum sollertia, tum sollicitudine, qua usus Manera est in tuendo amplificandoque Societatis nomine.

Qua sedulitate bonum Soc. nomen tueri studuerit.

LXIII. Et quoniam brevis esse laboro, prorsus tacebo de temporum difficultate, quibus Manera id praestare debuerit. In eam enim tempestatem incidimus, qua plurimus non indurium modo est, sed gloriosum nostram odisse Sodalitatem odio plus quam Vatiniano. Frustra haec narrarem tibi, qui ea et scis, et spectas. Neque est, cur narrem posteris: hi enim casus omnes temporum nostrorum non modo docebuntur ex historiis, sed et eos forte ad annos plurimos erunt ploraturi. Quare ad rem propositam venio. Nimiopere curabat Manera, ut quivis e Sodalitate bonum Societatis nomen hisce praesertim difficillimis temporibus tuendum in se apud eos curaret, quibuscum pro officiis, quae obiret, ageret. Aiebat enim, et merito quidem, unum e nobis quemque quasi personam totius gerere Sodalitatis, cum soleant homines ab uno de omnibus sententiam ferre, atque crimen unius tribuere omnibus. Quod adeo verum, nescio quo fato, semper fuit, ut si qua in re peccetur, vix audiri eius soleat nomen; qui deliquerit. Nomen illius nihil pensi habetur,

modo sciatur, cuius ille Sodalitatis sit membrum. Haec in ore est omni populo: haec peccasse venditur. Quare delicta, vitia, labeculae, quae tandem cumque eae sint, communia fiunt: ac facilius invenies, qui si quid boni egeris, tibi illud uni tribuat, quam si quid mali patraveris: quasi Sodalitas foccunda mali parens esse debeat semper, nunquam boni. Adeo scilicet illi de tuo sunt bono nomine solliciti, ut bonum tibi adscribant, malum Sodalitati. Cum haec ita se habeant, ac semper ita se habuerint, profecto non miraberis, si Manneram quasi nimium hac in re fuisse videris. Noverat enim damnum ingens, quod ex depressa Sodalitatis existimatione in proximorum animos derivari solet. Is igitur, si quid in publicum produci deberet, per se illud volebat recognoscere. Nunquam prope factum est, ut quae opera ederentur in lucem, ea ipse semel bisve non ante legeret. Quod cum pro munere sane laboriosissimo, quod gerebat, praestare non posset interdiu, noctu faciebat, somnum ad lassitudinem usque oculorum sibi denegans. Neque id in operibus duntaxat recensendis praestabat, quae in vulgus essent emittendae, verum et in ipsis lucubrationibus, cuiusque essent generis, quae publico forent recitandae. Si quando id per se, quod abesset, facere non posset, alios destinabat criticos, qui censura non minus acri de operibus iudicarent. Vigilabat vero sc-

Ad id curam nominis cuiusque Socii habebat maximam.

ti silentio praeteriretur, vel excusatione aliqua extenuaretur. Atque ita is quidem se gerebat, cum de Socio quopiam apud externos homines licet sui familiarissimos loqueretur. Pessimam illam existimabat familiaritatem, quae confidentiam creat obtrectandi. Si Maneram de Sodali aliquo ad externos homines loquentem audisses, facile putasses, eum fere de viro Sodalitatis principe laudes contexere. Utque sine veritatis discrimine id praestaret, mature homo sollers, et sagax dignoscere nitebatur, in quo quis praecelleret, ut exinde pro occasione argumentum laudationis apte duceret. Obtrectatoribus autem resistebat quasi contentiose, licet illud attenderet quam maxime, ut ex obtrectatorum ore, si quid veri sublateret, prudenter exculperet. Adco Sodalitatis existimationi per Socios quosque volebat consultum, ut hac in re vel minima quaeque notaret. Leve tibi fortasse quod dicam videbitur: verum quod leve est, si dicatur in loco, maximum sit. Vidit olim nescio quem e nostris iunioribus, qui per urbem inambulans se totus incernebat, atque manus hac illac iactabat pendulas. Non potuit se tenere Manera, quin domum regressus non modo illum de re continuo vellet monitum, sed et alios, qui cum illo convivebant, ne quid simile peccarent; inquit, solere homines vel ex ipso incessu de nobis suas facere coniecturas.

Quo amore complecteretur Sodales, qui Soc. nomen operibus amplificarent.

LXIV. Illud idem Manerae studium in tuncda Sodalitatis existimatione faciebat, ut ipse eos e Sociis diligeret tenerime, qui eodem acti studio Societatem omni, qua possent, opera illustrare conarentur. Hos ipse germanos Societatis filios esse aiebat, qui amantissimae parentis honorem procurandum conservandumque studerent. Hac de causa si

quis e Sodalibus quippiam efficeret, quod decus Societati conciliaret, is illum statim conveniebat ipsi gratulaturus. Neque semel ad gratam animi testificationem manifestius expromendam non sui modo, sed et communi vel Provinciae vel totius Societatis nomine usus est, ut alicui de re feliciter gesta gratularetur. Quod quidem mirum quantum ad animos cuivis faciendos valeat. Non poterat vero absque laude sincera, atque tenero quodam grati animi sensu de iis loqui Sodalibus, qui vel scriptis operibus, vel aliis factis illustribus Sodalitatis nomen propagarent. Quare si Perronum nominasset, si de Vico, si Piancianium, si Secchium, si Marchium, si Taparellium, si Ravignanum, si Patritium; atque alios, qui hanc primam renatae Societatis infantiam fauste feliciterque sunt ominati, videbatur velle te ad eorum vestigia sectanda vehementer inflammare.

LXV. Bonae autem Societatis existimationi tuendae serviebant amicitiae, quas et inire solleter, et fovere impense studebat. Si Maneram novisses, mihi heic esset supervacaneum tibi enarrare, quantum is illa sua comitate, atque urbanitate ad iungendas amicitias esset factus. Ubiubi degeret, is in civium animos, qui vel dignitate forent amplissimi, vel nobilitate illustres, vel doctrina clarissimi facile se insinuabat. Appellarem heic plerosque nobilissimos sane viros, qui Maneram vel Romae, vel in Taurinis, vel Neapoli in amici carissimi loco et habuerunt, et coluere, nisi non imprudens dubitatio meam subiret mentem, an per haec tempora non displiceam potius, si eos nominem, quam placeam, si omittam. Quod vero te induxisset facile ad amicitiam semel cum eo initam

Bono Soc. nomi-
ni tuendo eius a-
micitiae servie-
bant.

perpetuo colendam, singularis eius erat fides. Non semel a Manerae familiaribus illud asseverari auditum, Manera se fideliores novisse neminem. Profecto Manera noverat probissime nullam stare amicitiam in fide vacillante. Quare arcana amicitiae initia erant ipsi Eleusinia. Si quid, levissimum licet, ei credidisses, quod celatum tamen velles, id quasi indictum putare poteras. Consilia vero cum fide, quam requireret amicitia, commettebatur, non cum utilitate vel sua vel aliena. In consiliis enim dandis fidem amico deberi ab se credebatur, non aliis. Candide vero, et aperto cum amicis agebat: et si quid olim in amico notatione dignum animadvertisset, amice illud manifestabat. At isthic tamen sincerus animi candor uti prudens erat, ita et verecundus. Quod enim amicitiae est manifestare in loco, id si extra aperias, forte inimicitiam creat. Rem paucis complectar. Manera amicus erat urbanus, facilis, comis, fidus, prudens, candidus, simplex, sincerus, verecundus. Cum talis esset non miraberis, si narrem eum summorum quoque Principum benevolentiam sibi conciliasse. Ecquid enim vetat dicere, Maneram potuisse Neapoli benevolentiam mereri sane nobilissimam tum Augusti Regis Ferdinandi, tum optimae huius Genitricis Elisabethae? Ac postquam e Neapoli Romam venit, nonne immortalis ille Pius, quem D. O. M. excitavit, ut hanc aetatem populis fortunaret, Maneram sua benevolentia complecti dignatus est?

Eius gratus animus in homines bene de Soc. meritos,

LXVI. Sed iam dicendum, quantum Manera se in eos gratum exhibuerit, qui beneficia in Societatem contulerint singularia. Qua in re facta potius praestat enarrare, quam in hominis virtute

verbis amplificanda diu immorari. E multis tamen pauca attingam. Ioannes Iosephus Mascarus Marchio Acerni Societatem, quam vix antea extare cognoverat, sponte sua haereditatem reliquit ex asse anno MDCCCXLV. Is uxorem habebat, unicumque filium, huncque optivum, cum nullum e coniuge suscepisset. Utrique moriens assis particulam legaverat. Manera, eo vita functo, primum iussit, ut Mascaro iusta publice sollemniterque fierent; dein voluit, ut a nostris Sacerdotibus singulis quinquies, atque amplius pro illius anima expianda sacra Deo litaretur hostia. Superstiti autem coniugi multo plura concessit, quam quae ei legaverat maritus, quaeque profecto ab affinibus vix potuisset sperare, si forte his obtigisset haereditas. Adoptivum vero Mascari filium Manera in suum suscepit, licet eum aliis, ac praesertim eius parentibus potuisset committere. Manera illum in nostris Ephebeis collocavit, ibique educandum, ut decebat, curavit. Sed quod praestat, eum plus quam filium amavit, atque ab aliis amari voluit. Tandem Manera tum Mascaro, tum eius coniugi, quae non diu post mariti decessum vita est functa, marmoreum monumentum in suburbano sepulchro poni, eique elogium sane honorificum inscribi iussit. Neque animum minus gratum prae se Manera tulit in Angelum Antonium Scottium Archiepiscopum Thessalonicensem, qui et in eum adhuc adolescentem privata, ut ante diximus, contulerat beneficia (1), et Societatem nostram maximi fecerat, ac vehementer dilexerat, eique suam moriens legaverat bibliothecam ex testamento. Manera praeter sexcenta sacri-

(1). Lege sis quae exposuimus pag. 5, et seq.

ficia, quae pro eius animi expiatione offerri Deo debebant ex legati conditione, et alia offerenda curavit. Ad haec voluit, ut publicus cogeretur conventus Academicus, atque solenni carminum recitatione Scottii laudes meritoque celebrarentur. Habita igitur haec recitatio mense Iunio anni MDCCCXLV, quae doctorum hominum iudicio maxime fuit probata. Ad intermittendam vero carminum recitationem Xaverius Mercadantes, vir in arte musica per hanc aetatem nulli secundus, funereo carmine in cantum deducto modos moderabatur, quibus ob suavissimum quemdam luctus sensum, quem in suis pressis, ac flebilibus numeris artificiosissime impresserat, tibi iucundas excutiebat lacrimas. Voluit etiam Manera, ut e Sociis aliquis laudationem conscriberet funebrem, eamque publice leggeret, ac, si e re esse iudicaretur, typis committeret: id quod cumulate complevit Eloquentiae Professor in Collegio Neapolitano. Quam grati animi testificationem iussit Manera patefieri Neapoli erga Thessalonicensem Archiepiscopum, eam et Beneventi in Ioannem Baptistam Bussium Archiepiscopum eius civitatis, ac S. R. E. Presbyterum Cardinalem iam voluerat an. MDCCCXLIV patefactam. Fuerat Bussius non uno de capite bene de Sodalibus meritis, qui Beneventi vivebant. Ubi is decessit, praecepit Manera Beneventanis Sociis, ut nihil eorum praetermitteretur, quae grato in Archiepiscopum animo publice testificando forent. Factum est ergo, ut et a Sodalibus, et ab iuventute nostrum Gymnasium frequentante sollemnissimo Bussio parentaretur. Magno cum funeris apparatu in eius animi expiationem litatum est. Post sacram hostiae litationem funebris laudatio ab

Eloquentiae Professore recitata, qua virtutes Bus-sii, meritaque omnia tum in Beneventanam Ecclesiam, tum in Societatem celebrabantur. Accessit publica, ac solcmnis poëticarum lucubrationum recitatio. Nihil autem desideratum est in funereo musicis concentu, si loci conditionem spectes, nihil in cetero apparatu.

LXVII. At Manera, qui satis nunquam sibi vi-
debatur facere in probanda aliis sua grati animi Quo animo is in
alios conferret be-
neficia. testificatione, is ipse ab iis, in quos beneficia conferret, ne relatas quidem gratias expectabat. Quod si, ut debebas, gratias ei velles referre, ita verbis beneficia extenuabat, ut quasi videretur ipse tibi adhuc dum debere aliquid, non tu ipsi quidpiam. At praeclarum est quod subiiciam. Erat Manera ex iis hominibus sane perpaucis, qui deferre aliis beneficia vel maxima avent, sed occulte. Is cum ferret occasio tibi forte ipsi ignota, pro te studiose operabatur, in tui gratiam laborabat enixe. Cumque optatum impetrasset, nihil tibi aperiebat: recusabat enim gratias pro beneficio. Hac ipse occulta benefaciendi ratione plus vice simplici impactas cuiuspiam calumnias ignorata defensione dissolvit, ne dicam de laudibus, quas de te aliquando occulte apud eos texebat, qui ut vera de te scient, tua intererat maxime. Quae occulta Manerae beneficia cum suo, uti fit, tempore cognosceres, qui poteras, si hominem te adhuc esse sentires, non aeterno illi obstringi amoris vinculo? Sed ad historiam revertamur.

LXVIII. Quadriennio Provincialis Praefecturae ENeapoliRomam
revocatur. ea, qua diximus, laude Neapoli peracto, Manera anno salutis reparatae MDCCCXLVII mense Novembri ab supremo Sodalitatis moderatore Romam fuit

revocatus. Utrum Neapolitana Provincia non dilexerit modo, sed amaverit Maneram, ex eo coniciis, quod nunquam cessaverit per litteras, per salutationes, perque alias testificationes gratum ei animum posthac patefacere. Quod profecto mihi non est minimum amoris indicium. Ut enim ab hominibus oblivioni eorum dari memoria solet, a quibus nihil licuit sperare, ita nunquam eorum obliterari solet memoria, qui suum nomen beneficiis aeternare maluerunt. In Urbe igitur Manera ex communi Sodalium voto fuit Collegio Romano ab Ioanne Roothaano praefectus. Socii omnes, ac praesertim iuniores id in maximi habuerunt beneficii loco. Spes enim in omnium animis exorta est dulcissima, futurum, ut Manera Rectore cuncta fortunarentur. Aetatem quisque sibi fere ominabatur auream, qua in pace rerum summa, in concordia animorum maxima, et disciplina domestica, et bonae artes quaeque, et studia cuiusvis generis omnia florerent. Neque inanis erat spes. Quis enim Manera esset, quisquis noverat probe. Sciebant quam humanam, quam urbanam, quam facilem sortitus natura esset indolem, qua praestantia polleret ingenii, qua animi foret magnitudine. Ut rem dicam paucis, Manera ubi expectatus quidem diu non tempore, sed desiderio pedem in hoc primum intulit Collegium, risus in ore omnium et spei et exultationis apparuit. Atque utinam placuisset superis isthanc spem alere, atque hanc laetitiam, exultationemque communem perpetuare! Quid non enim boni, quid non utilis, quid non etiam gloriosi ab Manera non potuisset sperari?

Praeficitur Collegio Romano.

Studiorum reformationem meditat.

LXIX. Iam is excogitare non inaniter, neque in-

docte occoeperat, qui fieri posset, ut hisce temporibus studia ita temperarentur, ut commoda quaeque vetustae litteraturae cum progressu, qui in omni disciplinarum genere factus est, coniugarentur. Et sane Manerae mentem huic operi perficiendo dixisses aptissimam. Iam aliquot is designaverat, quos in adiutores vocaret. Immo iam aliquot Socios inchoabat, et quasi informabat perfectores operis. Sed in tempora incidimus adeo turbulenta, ut quae sunt pacis cogitata, prorsus perire debeant. Qui enim poterat Manera inter tot tumultus, strepitus, clamores, dubietates, anxietates, sollicitudines, angores, quibus hac tempestate non occupamur, sed opprimimur, operosissimum hoc negotium absolvere? Ad haec sive quod temporum perturbationes sentiret penitus, sive quod iam esset affectus, infirma coepit uti valetudine, neque obtigit semel inter annum, ut correptus febris ad plures decubuerit dies. Sive tamen sanus, sive aegrotus, aut melius aeger domesticam iuventutem ad virtutes omnes, atque ad studia alacri animo persequenda nunquam stimulare cessabat. Inutile est heic commemorare, qua iuvenes benevolentia, quo affectu caritatis prosequeretur, posteaquam antehac explicavimus, qui Manera in Societatis iuventutem fuerit animatus. At aliquid tamen heic addam novi.

LXX. Fortasse audisti iuvenes plerosque, qui in hoc Collegio studiis dant operam, ab externis huc accedere regionibus. Alii ex utriusque oris Americae, ex Hispania alii, alii ex Anglia, alii ex Gallia, alii ex Germania huc veniunt, ne de iis loquar, qui ad propiores spectant regiones. Si mores hominum cognoscere didicisti, non ignorabis, Eius praecipua in externarum regionum iuvenes benevolentia.

quantum ii pro variis gentibus varii sint ac discrepantes. Tamen Manera is erat, qui Americanus cum Americanis, cum Hispanis Hispanus, Anglus cum Anglis, Gallus cum Gallis, Germanus cum Germanis fieri tibi videbatur. Cuiusque gentis personam induebat facile, ne dicam sollerter, et quasi ingeniose; neque unius personam exuebat, nisi ut aliam alterius indueret gentis. Non ergo miraberis si asseverem, Maneram plus forte ab externis iuvenibus fuisse desletum, quam ab Italiciis ipsis. Considerabat enim illos non paternam modo domum, sed et patriam, quam quisque natura quasi ut patrem ipsum amat, deseruisse, ut huc venirent. Propterea illam is, quae vel ab invitis sentiri tristitia solet ob longinquitatem patriae, amore, quo eos singulari complectebatur, leniebat. His faciliorem se dabat: horum rogationibus benigniores commodabat aures: saepius ad se hos arcessebat rogaturus peramanter an bene valerent, vel re egerent aliqua. Immo ut eos vel ex illa eximeret verecundia, quam homo externus tum experiri solet, cum ignota cogitur loqui lingua, is eorum sermone utebatur: plures enim sermones, ut supra memoravimus, didicerat, in adolescentia.

Quo amore Socii
omnes eum pro-
sequerentur.

LXXI. Neque iuvenum tantum tum amorem tum observantiam sibi Manera sua illa urbanitate, atque humanitate conciliaverat, verum et Sodalium omnium seniorum benevolentiam, qui eum uti magni aestimabant, ita et vehementer diligebant. Referrem heic quorundam Sociorum dicta, quae quanti Manera fieret, sane ostenderent. Verum apud te necesse id non esse puto, qui novisse iam debuisti, tale Maneram sortitum fuisse ex natura ingenium, ut nisi id voluisses de industria, certe

illum non potuisses non amare. Socii omnes uno pene consensu non modo studebant nunquam ei displicere, sed placere prorsus. Quasi divinabant illius voluntates, ne eius postulationibus anteoccuperentur. Noverant autem Maneram esse in postulando modicum. Si quid enim vellet, id abs te petebat quasi verecunde, gratias tibi referens maximas vel ante ipsam rei factionem. Et pudebat quidem te aliquando gratias pro re accipere, de cuius successu tumet ipse deberes dubitare, cum nondum ei conficiendae manum admovisses.

LXXII. Sed quanti Sodales Maneram facerent, PRI IX. P. M. in Collegium Gregorianum adventum. quantumque diligenter, ea profecto patefecit cura, quam omnes in iis praestandis adhibuerunt, quae is excogitaverat, ut PRIUM IX in hoc Gymnasium Gregorianum descendente mense Iunio anni MDCCCXLVII, sin minus iuxta tanti Pontificis dignitatem, at non praeter eam, exciperet. Ne credas me heic ea velle omnia particulatim narrare, quae pro tanti Principis adventu agenda curavit Manera, vel ea distincte describere, quae Roma ipsa ad plures spectavit dies. Si enim id vellem, commentarii fines certe transgrederer. Ne tamen omnia silentio praeteream, aliqua heic tibi summam indicabo, quae ut recte teneas, illud imprimis est necessum, ut loci conditionem tibi ob oculos ponam. Indicatur capitulum apparatus pro tanti Principis adventu factus. Collegium Romanum atrium concludit quadratum satis amplum, quod porticu circumcingitur. Quatuor porticus ambulationes fornice teguntur concamerato, qui frequentibus sustinetur parastatis; cavaedium manet sub dio. Hoc igitur atrium, quod sua amplitudinis magnificentia erat apparatus opportuno, quanta potuit pompa ornandum curavit Manera. Erat cavaedium amplis-

simo velo tectum, quod solis radios interceptiens aestivum mitigabat ardorem. Interni porticus parietes versicoloribus peristromatis convestiebantur, quibus sex supra triginta affixae erant imagines non inscite pictae, quae cum accommodis *ἱεργαῖς* novem referebant Pontifices Maximos, amplissimos aliquot Purpuratos Patres, doctissimos quosdam viros, atque homines quinque in Sanctorum numerum relatos, qui Collegii Romani scholas olim cum frequentassent, in eo rudimenta suae vel amplitudinis, vel doctrinae, vel sanctimoniae posuerant. In media vero ambulatione, quae contra ianuam est, decempedalis pendebat imago almi Pontificis PII IX, distribuentis ad aram Gonzagae devotam Sanctissimum Eucharistiae cibum Sodalitatis nostrae discipulis. E regione ad ianuae ingressum spectabatur dextrorsum alta, atque affabre picta tabella, quae Gregorium XIII referebat Collegii Romani fundatorem: sinistrorsum vero imago Leonis XII, qui Collegium Gregorianum Sodalitati restituerat. E singulis vero parastatis contra tabellas inscriptiones pendebant vel arrectariae, vel transversariae, quae omnibus fere linguis exaratae universo terrarum orbi merita PII IX manifestabant. Scriptores enim monumentarii inscriptiones dederant latinas, graecas, hebraicas, samaritanas, arabicas, syriacas, chaldaicas, copticas, aegyptiacas, punicas, sinicas, celticas, germanas, hispanas, et ne longus sim, omnibus fere *ἰδιωματοῖς* conscriptas tum vetustis, tum vigentibus. Porticus autem fornix stemmate PII IX variatis coloribus multiplicato bellissimum in modum ornabatur. Ambulationum pavementum pulvere puteolano stenebatur, tapete, ac myrto; cavaedium vero floribus

omnigenis, qui artificiose dispositi multa referebant pulchra visu. Haec dum spectaret Pontifex, hymni, quibus eius laudes celebrabantur, in cantum deducti ab orchestris quatuor, quae in quatuor cavaedii angulis erant collocatae, resonabant. Hymnorum cantiones excipiebant plausus discipulorum, qui in quatuor ambulationum circuitionibus ordinate erant distributi. Ubi Pontifex in sublimi sedit sella, Manera ad eius pedes provolutus gratias ei primum maximas retulit pro summa, quam ea die in Sodalitatem ostenderat, benignitate; dein cum rogavit, ut lubens illa acciperet munuscula, quae discipuli mox ipsi forent oblaturi. Cum annuisset Pontifex, statim accessere Theologi, qui plures dissertationes sane cruditas, quae Romani Pontificis iura vindicabant, dignitatemque amplificabant, obtulere. Dein Philosophi disquisitiones, elaboratas illas quidem, atque excultas, quae de Religionis vinculis cum civili iure docto, ac prudenter tractabant, dederunt. Hos Astronomi subsequebantur, qui praeclara sua donarunt reperta in accuratissimis descripta tabulis. Succedebant Ecclesiastici Oratores, qui conciones bene multas studiose elatas, atque ad artis praecepta diligenter exactas exhibuerunt. Pone sequebantur Rhetores, qui et declamationes, et orationes sive latinas, sive italicas dabant, quae purgatissimum utriusque linguae redolebant sermonem. Agmen claudebant Poetae, qui lucubrationes cuiusque generis, ac multis exaratas linguis praebebant, quibus benignissimi Pn IX laudes, atque immortalia celebrabant beneficia, sive quae in orbem contulerat universum, sive quae in Italiam, sive quae in Hiberniam, sive quae in Societatem

nostram, sive illud praesertim, quo voluerat eius dici memoriam tali tantaque in Sodalitatis nostrae discipulos benignitate aeternare. Quam hilari, quam amabili, quam benigno vultu litteraria discipulorum munuscula exciperet Pontifex, quantos illis faceret animos, quam humanis verbis eos ad maiora usque audenda exstimularet, non est cur heic enarrem. Dulcissima Pii IX maiestas, eius iucundissima dignitas, benevolentissima ipsius amplitudo omnium spectatorum animos perfundebat. Horum ora, vultus, gestus, intuitiones, risus, exultationem, plausus, ovationem, et prope dixerim triumphum vivis verborum coloribus pingere deberem. At ne nimio plus, quam par sit a proposito digrediar, angustis commentarii finibus vector. Quare ad Maneram revertor, qui eorum omnium, quae memoravi, auctor fuit.

Male se Manera
habere occipit.

LXXIII. Talis, tantaque laetitia, quam in Pontificis adventu expertus Manera est, uti summa ipsi fuit, ita et suprema. Paucos enim post dies languescere insolentem in modum coepit. Tempestatis aestivae ardoribus tributis primum languor. Quare ubi in dies crescere visus est, o re esse Medici sunt arbitrati, quae vigibus aegroti reficiendis, atque corroborandis foret, si balineis membra per nimium aestatis ardorem fere dissoluta, ac fatiscentia refrigerarentur. Et quoniam spes erat, futurum, ut si sub patrio coelo balineis uteretur, hae ipsi evaderent utiliores, missus Neapolim fuit mense Iulio an. MDCCCXLVII. Verum ubi Neapolim tenuit, corrumpi coeli temperies coepit: quare vix paucis in littore Surrentino usus lavationibus fuerat, cum cessare coactus est, tempestate adversante. At languor tamen non modo

Neapolim reperi-
lit.

non decrescebat, sed per aestuantem coeli Neapolitani aërem aggravescebat in dies. Quapropter Manera cum neque balinearum beneficio, neque solita aëris patrii salubritate uti posset, post unum commorationis mensem remigravit Romam Sextili exeunte. Quanta fuit laetitia, qua Socii omnes reducem parentem complexi sunt, tanta ex eo nata in omnium animis moestitia, quod commodi nihil, incommodi autem plurimum ex importuno illo itinere, atque Neapolitana commoratione retulerit. Revera ex eo tempore macrescere in dies magis, ac vultu pallescere coepit. Is ipse fatebatur, sibi sub Neapolitano coelo melius nihil esse factum, atque ex eo uno voluptatis quidpiam per eam itionem coepisse, quod salutare iterum, ac revisere eos potuerit, quibus Neapoli familiarissime tot annos fere a condiscipulatu usus fuerat.

LXXIV. Paulo post reditum sive quod itinere debilitatus nimium foret, sive quod factam aëris mutationem admodum persenserit, ita vires ei concidere coepere, ut saepe deficeret, atque *σπασμους* cruciaretur crebris. Post Romam reditum morbus in dies aggravescit Medicis ignotus.

Medicus eum declarat neuricum: quare extenuandas eius definit vires, ne insolescerent, uti in neuricis adsolet. At nihil hac curatione deterius. Manera iussus decumbere, cubatione defatigabatur in dies. Ad frequentes virium defectiones, quae quotidianae iam evaserant, accessit febris, quae variis intermittebatur *πριόδους*, nunquam tamen agrotum penitus deserebat. Cum aggravescere morbus visus est, plures acciti Medici, qui e communi sententia de eo consultarent. At, sit veritati locus, quantum ii adlaboraverint in morbo tentando, et cognoscendo, frustra eum adnisi sunt perspicere. Autumarunt,

et febrim, et languorem, et virium defectiones, aliaque morbi indicia e nervorum irritatione produci. Quoniam vero Mancra manu saepe ad laevum pectoris latus admota, magno illic se dolore affligi, et quasi discerpi se ibi aiebat, atque sentire *trepidationem*, ut eam vocabat, *mortalem*, iudicarunt Medici, hypochondrion sinistrum esse affectum, atque huius affectioni omnia esse tribuenda. Verum et in hoc fallebantur. Hypochondrii enim affectio causa non erat, sed ceterarum affectionum effectus. Interea temporis pectus inflammabatur, febris rheumatica accedebat, ventriculatio, aliaque id genus affectiones eum cruciabant. Etsi autem obstinatus admodum, ac difficilis esset morbus, nihil tamen a Sodalibus non tentatum, ut illius pertinacia expugnaretur. Quot quantaque venire in mentem pluribus Medicis possunt morbum nondum perspectum cognoscendi cupidissimis, tot, tantaque sunt accuratissime tentata, vel cum dixisses, nil esse quibusdam tentaminibus commune cum morbo.

Quae morituri forent sententiae.

LXXV. At omnia experimenta aggravando morbo potius visa sunt serviisse, quam levando. Quod revera aegrotantem non minimum levabat, familiaris erat cum Sodalibus colloctio. Tametsi languidus adco erat, ut vix loqui posset, tamen quisquis ad ipsum vellet visere, is eum excipiebat humanissime. Saepe, prohibente Medico, ne Socios exciperet, quod nimia collocutione fatigaretur, quidam quasi acgritudine affectus est. De rebus vero divinis loqui praeoptabat: suspirans identidem fluxum rerum humanarum deplorabat. Miserabatur homines, qui illecebris irretitam, ac voluptatibus deditam vitam cum transegerint, illuc mo-

menti deducti, quo valedicere omnibus debent, disrumpuntur dolore, et nimio opere cruciantur. *Quam iucundum est*, aiebat, *decessuris animum a voluptatibus cohibuisse! Quam bona, atque animosa fronte is D. O. M. sistet se homo, qui in eius amorem remisit omnibus nuntium!* Atque heic homo demississimus in se oculos convertens de sua vita apud Socios deplorabat. *Quis scit*, aiebat, *qualis ad Deum inveniar! Me miserum, qui tot tantaeque Religionis adiumenta irrita cadere sum passus! Utinam religiosae vitae curriculum nunc mihi daretur accipere!* Quantum diversus ab illo esse cuperem, qui meo malo fui! Haec aliaque pro sua animi demissione subiectissime apud Socios exponebat, ac praesertim apud supremum moderatorem Ioannem Roothaanum, a quo veniam etiam erratorum omnium, in quae forte per vitae religiosae cursum offenderat, geminatis precibus flens postulabat. Ut rem expediam paucis, Manera eo se non tam demissionis, quam abiectiois deiiciebat, ut continuo egeret solatore, et quasi hortatore, qui cum ad bene de se, uti par erat, sperandum excitaret. Homo enim, cuius animus erat timidus, humilis, demissus, mortis conspectum, quamdiu vixerat, incredibilem in modum perhorruerat: ac saepe dicere erat solitus, se ad mortis cogitationem totum contremiscere; atque exinde illud erat, quod cum aliorum se precibus commendaret, id ab iis unum vellet impetratum, ut mortem sibi a Deo placidam, propitiamque implorarent. Et impetravit vero. Soluta enim culpis totius vitae anima, ac sumpto viatico cibo maximo cum pietatis religiosae sensu, acceptaque reverenter benedictione Pontificia, quam Pius ipse IX pro singulari, qua eum

complectebatur benevolentia, bis ei impertiendam a se miserat, placidissime efflavit animam VI Kal. Oct. an. MDCCCXLVII sub eius diei vespere Ss. Martyribus Cosmae, ac Damiano sacrae, qua primum Societas nostra a Paulo III. P. M. Constitutionibus Apostolicis fuerat confirmata.

Quae fuerint post
eius obitum per
Societatem acta.

LXXVI. Quanto eius obitus et Roothaano, et ceteris Sodalibus fuerit dolori, tumet ex iis conii- cito, quae de Manerae virtutibus diximus. Ille filium dilectissimum: hi parentem quasi suum amis- sisse crediderunt. Societas vero universa Manerae iacturam sensit acerbissime. Manera enim ex iis So- ciis erat, hisque perpaucis, qui per haec tenebrico- sissima tempora prodesse Societati multum poterat. Id Socii viderunt; id et externi quoque homines sive amici, sive inimici. Elatus est die insequenti, humili, ut mos est Societatis, funere, sine ulla pompa. Propitiantem pro eius anima hostiam ipse Roothaanus offerre Deo voluit. Sodales reliqui exe- quiis adfuere. Post exequias dissectum est cada- ver, ut tandem cognosceretur, cuius morbi vi Ma- nera cecidisset victus. Viscera omnia erant intac- ta: incorrupta praeccordia: cor sanum: hepar in- tegrum: dissipium ac cetera intestina integerrima. Mirabantur Medici. Verum ubi chirurgicis ferra- mentis latus sinistrum penitus fodicari iubent, ten- tantque arterias, inveniunt in laeva pectoris parte sub hypochondrio magnam illam arteriam, quae a sinistro cordis sinu oritur, diciturque *ἀορτή*, ad digitos ferme tres dilatata. Tum mirari Me- dici desinunt, suamque causari inscitiam. Quis e- nim abditissimam illam affectionem fuisset suspi- catus? Vel si medica cuiquam experientia dedis- set illam cognoscere, quidnam ei remedii afferri

potuisset? Arbitrati sunt Medici, venam illam non paucorum dierum, aut mensium spatio dilatari a deo potuisse, sed multis annis ante affici coepisse. Eius corpus inlatum est ad S. Ignatii in commune Sodalium requietorium. Si per tempora licuisset, fortasse eius memoriae laudandae aliquid et a Sociis, et ab amicis fuisset factum amplius. Non defuit tamen, qui funebri laudatione (1) in sollemni studiorum instauratione eius vitam gestaque proseguenda curaverit. Sed quoniam pro temporis, quibus orator premebatur, angustiis, pauca admodum ad laudem apta conquirere, et colligere potuit, ego laudationi illi funebri hanc volui adiectam totius vitae descriptionem, tum ut memoriae tanti viri aeternandae uberius iretur consultum, tum ut et Sodalibus, et amicis exhiberem aliquod mei amoris erga illum specimen, qui ex quo me cognovit, fuit perpetuo mei amantissimus, meorumque studiorum fautor, adiutorque benevolentissimus.

(1) Ioannes Marcuccius Eloquentiae Latinae in Romano Collegio Professor orationem supra memoratam elucubratus est, quam deinde impulsus plurimum tum amicorum, tum aliorum doctorum hominum rogatu typis Romae mandavit Marinianis, ac Morinianis, nomine sublato. At meum tamen esse non debebat pati eius nomen heic laetitum praeteriri, qui, quantum per angustias temporis licuit, Memoriae studuit laudandae, ac perpetuandae.



VITAE CONSPECTUS

I.	Manerae familia Neapolim translata	pag. 1
II.	Francisci ortus ac studia [puerilia]	ibi
III.	Qui puer esset in pietatem animatus	3
IV.	Eius clericalis educatio	4
V.	Angeli Ant. Scottii in Maneram benevolentia—Manera ab Scottio astititur Andresio	5
VI.	Quanti haberetur Andresius	6
VII.	Andresius Manerae studiis magnopere favet	7
VIII.	Rosinius Manerae ingenium excitat	8
IX.	Exercitationes litterariae	9
X.	Gratus Manerae animus in Andresium	11
XI.	Andresius se abdicat praefectura bibliothecae—Manera Soc. Iesu nomen dat	ibi
XII.	Eius tyrocinium	12
XIII.	Eius magisterium apud Interamnates	13
XIV.	Quo studio discipulorum pietatem foveret	14
XV.	Eius in consanguineos amor	16
XVI.	Romae Theologicis studiis navat operam	20
XVII.	Inter haec homines in vinculis publicis custoditos in re Religionis exercet—Sacris initiatur ordinibus	21
XVIII.	De re universa theologica publice disputat	22
XIX.	Taurinum proficiscitur—Iu Taurinis morbo implicatur gravi	23
XX.	Aligheriano acroases in Taurinis habitae	27
XXI.	Academiam instituit italicae litteraturae provehenda—Exercitationes academicae	30
XXII.	Orationes in regio Athenaeo recitatae—Quanti Maneram docti viri facerent	31
XXIII.	Eius sedulitas in informanda bonis moribus Taurina iuventute	36
XXIV.	Publica Taurinorum iuvenum supplicatio	37*
XXV.	Honestae animorum relaxationes ab Manera iuvenibus procuratae—Manerae erga egenos iuvenes caritas	38
XXVI.	Eius epistolare commercium	40
XXVII.	Ab Augusta Taurinorum revocatur	41
XXVIII.	Tertio vacat anno probationis	ibi
XXIX.	Theologiae Professor in Collegio Romano renuntiat	43
XXX.	Eius in Theologiae magisterio animi modestia	44
XXXI.	Generalis studiis regundis creatur Praefectus—Quanta diligentia studia rei sacrae in clericali proveheret iuventute	45
XXXII.	Quam curam susceperet iuventutis in re Religionis	46

XXXIII.	Expendit nostram <i>Rationem studiorum</i>	47
XXXIV.	In Academiis varias adsciscitur Socius	48
XXXV.	Eius in miseros homines caritas—Quae erga cives Asiana huc correptos praesertim emicuit	49
XXXVI.	Novum caritatis genus erga amentes exercitum	52
XXXVII.	Insanum quemdam hominem certo liberali mortis discrimine	53
XXXVIII.	E scholae cathedra ad Ecclesiae suggestum tradu- citur—Conciones de <i>Matrimonio Catholico</i>	55
XXXIX.	Eius in Societate Praefecturae—Creatur Neapolit. Prov. Praefectus.	56
XL.	Quem spiritum in Sodalibus foveri vellet—Qualem se Sociis praestaret	57
XLI.	Eius diligentia in fovenda legum Soc. custodia. . . .	59
XLII.	Eius aequanimitas	60
XLIII.	Quam curam susciperet de aegrotis Sodalibus—Qua industria sanitatem defenderet Sociorum	ibi
XLIV.	Quid ageret quoad aegrotos Soc. cum provincialia inviseret Collegia.	61
XLV.	Qua sollicitudine aegrotorum petitiones, cum posset, exauditas vellet	63
XLVI.	Quendam Socium noctu certo vitae periculo exi- mit	64
XLVII.	Quid ageret Neapoli, ut Sociorum salus tutius pro- curaretur	65
XLVIII.	Quo ardore studia cuiusvis generis proveheret in Prov. Neap.	66
XLIX.	Praesertim in domestica iuventute.	68
L.	Hanc omnibus instrumentis studio opportunis iuvat. Domestici conventus academici	69
LI.	Domestici conventus academici	70
LII.	Iunioribus Sodalibus tempus in studiis, et consilium datum vult	71
LIII.	Pari ardore externam ad studia excitat inventutem. Quantum eo Praefecto studia omnia in scholis pu- blicis ferverent—Exercitationes publicae	73
LIV.	Quantum eo Praefecto studia omnia in scholis pu- blicis ferverent—Exercitationes publicae	ibi
LV.	Dialogi philosophici.	74
LVI.	Novae institutae scholae	75
LVII.	Quantum litterarum studia proveheret	76
LVIII.	Quo fervore ad studia graecitatis iuvenes excita- ret—Aperit <i>Αρχαϊσμός</i> ludum	77
LIX.	Mirum in modum latinis favet litteris—Ad eas pro- vehendas Antiquitatum Romanarum studia in scho- lis fovet	78
IX.	Ad id actionem Comoediarum instituit latinarum	79
LXI.	Qua fuerit iuvenibus utilitate hoc exercitationis ge- nus	81
LXII.	Studio non impari italicae favet litteris	81
LXIII.	Qua sedulitate bonum Soc. nomen tueri studuerit— Ad id curam nominis cuiusque Socii habebat ma- ximam	86

LXIV.	Quo amore complecteretur Sodales, qui Soc. nomen opegibus amplificarent	88
LXV.	Bono Soc. nomini tuendo eius amicitiae serviebant.	89
LXVI.	Eius gratus animus in homines bene de Soc. meri- tos	90
LXVII.	Quo animo is in alios conferret beneficia	93
LXVIII.	E Neapoli Romam revocatur—Praeficitur Collegio Romano.	ibi
LXIX.	Studiorum reformationem meditatur	94
LXX.	Eius praecipua in externarum regionum iuvenes be- nevolentia	95
LXXI.	Quo amore Socii omnes eum prosequerentur	96
LXXII.	Ptt. IX, P. M. in Collegium Romanum adventus— Indicatur capitulatum apparatus pro tanti Principis adventu factus	97
LXXIII.	Male se Manera habere occipit — Neapolim repetit.	100
LXXIV.	Post Romam reditum morbus in dies aggravescit Medicis ignoratus	101
XXXV.	Quae morituri forent sententiae	102
LXXVI.	Quae fuerint post eius obitum per Societatem acta.	104



